



An Bhruiséal, 12 Nollaig 2018
(OR. en)

**Comhad Idirinstitiúideach:
2016/0400(COD)**

14964/18
ADD 8

LIMITE

INST 472	AGRILEG 215
JUR 577	IND 380
CODEC 2158	COMPET 830
TELECOM 439	MAP 20
DEVGEN 227	POLARM 5
EMPL 557	COARM 329
SOC 745	CSDP/PSDC 707
ENER 409	CFSP/PESC 1134
ENV 835	CONSOM 346
STATIS 75	SAN 441
ECOFIN 1154	JUSTCIV 304
DRS 60	AVIATION 158
EF 311	TRANS 595
MI 911	MAR 186
ENT 228	UD 305
CHIMIE 84	CLIMA 242

NÓTA MAIDIR LE MÍR "I/A"

ó:	An Uachtaránacht
chuig:	Coiste na mBuanionadaithe (Cuid 2)/An Chomhairle
Uimh. an doic. roimhe seo:	ST 5623/17; ST 5623/17 ADD1 REV1; ST 6933/18 ADD 8
Uimh. an doic. ón gCoim.:	COM(2016)799 FINAL; COM(2016) 799 FINAL/2
Ábhar:	Togra le haghaidh Rialachán ó Pharlaimint na hEorpa agus ón gComhairle lena ndéantar roinnt gníomhartha dlí lena ndéantar foráil maidir le húsáid an nós imeachta rialúcháin lena ngabhann grinnscrúdú a oiriúnú d'Airteagal 290 agus Airteagal 291 den Chonradh ar Fheidhmiú an Aontais Eorpaigh – Cur chuige ginearálta - Roinn XII "Sláinte agus Sábháilteacht Bia"

XII. SLÁINTE AGUS SÁBHÁILTEACHT BIA

136. Treoir 89/108/CEE ón gComhairle an 21 Nollaig 1988 maidir le comhfhogasú dhlíthe na mBallstát a bhaineann le bia mear-reoite mar bhia don duine¹

Chun cuspóirí Threoir 89/108/CEE a bhaint amach, ba cheart an chumhacht chun gníomhartha a ghlacadh i gcomhréir le hAirteagal 290 den Chonradh a tharmligean chuig an gCoimisiún chun an Treoir sin a fhorlíonadh leis na critéir íonachta is gá do na meáin chriógineacha a chomhlíonadh[...]. Tá sé tábhachtach, go háirithe, go rachadh an Coimisiún i mbun comhairliúcháin iomchuí le linn a chuid oibre ullmhúcháin, lena n-áirítear ar leibhéal na saineolaithe, agus go ndéanfar na comhairliúcháin sin i gcomhréir leis na prionsabail a leagtar síos i gComhaontú Idirinstitiúideach an **13 Aibreán 2016** maidir le Reachtóireacht Níos Fearr [...]. Go sonrach, chun rannpháirtíocht chomhionann in ullmhú na ngníomhartha tarmligthe a áirithiú, gheobhaidh Parlaimint na hEorpa agus an Chomhairle na doiciméid uile ag an am céanna leis na saineolaithe sna Ballstáit, agus beidh rochtain chórasach ag a gcuid saineolaithe ar chruinnithe ghrúpaí saineolaithe an Choimisiúin a bheidh ag déileáil le hullmhú na ngníomhartha tarmligthe.

Chun coinníollacha aonfhoirmeacha a áirithiú maidir le Treoir 89/108/CEE a chur chun feidhme, ba cheart cumhachtaí cur chun feidhme a thabhairt don Choimisiún ionas gur féidir cinneadh a dhéanamh maidir leis na nósanna imeachta samplála do bhia-ábhair mhear-reoite agus na nósanna imeachta chun faireachán a dhéanamh ar a dteocht agus chun faireachán a dhéanamh ar an teocht sna meáin iompair, ollstórála agus stórála. Ba cheart na cumhachtaí sin a fheidhmiú i gcomhréir le Rialachán (AE) Uimh. 182/2011.

Dá réir sin, leasaítear Treoir 89/108/CEE mar a leanas:

(1) in Airteagal 4, cuirtear an méid seo a leanas in ionad an tríú fomhír:

"Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 11a **chun an Treoir seo a fhorlíonadh trí** na critéir íonachta a chinneadh ar gá do na meáin chriógineacha sin a chomhlíonadh.";

¹ IO L 40, 11.2.1989, lch. 34

(2) cuirtear an méid seo a leanas in ionad Airteagal 11:

"Airteagal 11

Féadfaidh an Coimisiún **a chinneadh, trí bhíthin gníomhartha cur chun feidhme [...]** na nósanna imeachta samplála do bhia-ábhair mhear-reoite agus na nósanna imeachta chun faireachán a dhéanamh ar a dteocht agus chun faireachán a dhéanamh ar an teocht sna meáin iompair, ollstórála agus stórála. **Déanfar na gníomhartha cur chun feidhme sin a ghlacadh i gcomhréir leis an nós imeachta scrúdúcháin dá dtagraítear in Airteagal 12(2)";**

(3) cuirtear isteach an tAirteagal 11a seo a leanas:

"Airteagal 11a

1. Is faoi réir na gcoinníollacha a leagtar síos san Airteagal seo a thugtar an chumhacht don Choimisiún chun gníomhartha tarmligthe a ghlacadh.

2. Déanfar an chumhacht chun gníomhartha tarmligthe a ghlacadh dá dtagraítear in Airteagal [...] 4 [...] a thabhairt go ceann **tréimhse cúig bliana [...]** amhail ón [dáta theacht i bhfeidhm **an Rialacháin seo [...]**]. **Déanfaidh an Coimisiún, tráth nach déanaí ná naoi mí roimh dheireadh na tréimhse cúig bliana, tuarascáil a tharraingt suas maidir le tarmligean na cumhachta. Déanfar tarmligean na cumhachta a fhadú go hintuigthe go ceann tréimhsí comhfhaid, mura rud é go gcuireann Parlaimint na hEorpa nó an Chomhairle in aghaidh an fhadaithe sin tráth nach déanaí ná trí mhí roimh dheireadh gach tréimhse.**

3. Féadfaidh Parlaimint na hEorpa nó an Chomhairle tarmligean na cumhachta [...] dá dtagraítear in Airteagal [...] 4 [...] a chúlghairm aon tráth. Déanfaidh cinneadh chun cúlghairm a dhéanamh deireadh a chur le tarmligean na cumhachta atá sonraithe sa chinneadh sin. Gabhfaidh éifeacht leis an lá tar éis fhoilsiú an chinnidh in *Iris Oifigiúil an Aontais Eorpaigh* nó ar dháta is déanaí a shonrófar sa chinneadh. Ní dhéanfaidh sé difear do bhailíocht aon ghníomhartha tarmligthe atá i bhfeidhm cheana.

4. Roimh dó gníomh tarmligthe a ghlacadh [...], rachaidh an Coimisiún i mbun comhairliúchán le saineolaithe arna n-ainmniú ag gach Ballstát i gcomhréir leis na prionsabail a leagtar síos i gComhaontú Idirinstitiúideach an **13 Aibreán 2016** maidir le Reachtóireacht Níos Fearr[...]*.

5. A luaithe a ghlacfaidh sé gníomh tarmligthe, tabharfaidh an Coimisiún fógra, an tráth céanna, do Pharlaimint na hEorpa agus don Chomhairle faoi.

6. Ní thiocfadh gníomh tarmligthe a ghlactar de bhun Airteagal [...] 4 [...] i bhfeidhm ach amháin mura mbeidh aon agóid curtha in iúl ag Parlaimint na hEorpa ná ag an gComhairle laistigh de thréimhse dhá mhí tar éis fógra faoin ngníomh sin a thabhairt do Pharlaimint na hEorpa agus don Chomhairle nó más rud é, roimh dhul in éag na tréimhse sin, go mbeidh Parlaimint na hEorpa agus an Chomhairle araon tar éis a chur in iúl don Choimisiún nach ndéanfaidh siad aon agóid. Déanfar an tréimhse sin a fhadú dhá mhí ar thionscnamh Pharlaimint na hEorpa nó na Comhairle.

* IO L 123, 12.5.2016, lch. 1.";

(4) in Airteagal 12, [...] cuirtear an méid seo a leanas in ionad mhír 2:

"2. I gcás ina ndéanfar tagairt don mhír seo, beidh feidhm ag Airteagal 5 de Rialachán (AE) Uimh. 182/2011 ó Pharlaimint na hEorpa agus ón gComhairle*."

*** Rialachán (AE) Uimh. 182/2011 ó Pharlaimint na hEorpa agus ón gComhairle an 16 Feabhra 2011 lena leagtar síos na rialacha agus na prionsabail ghinearálta a bhaineann leis na sásraí maidir le rialú ag na Ballstáit ar fheidhmiú cumhachtaí cur chun feidhme ag an gCoimisiún (IO L 55, 28.2.2011, lch. 13).**

137. Treoir 1999/2/CE ó Pharlaimint na hEorpa agus ón gComhairle an 22 Feabhra 1999 maidir le comhfhogasú dhlíthe na mBallstát a bhaineann le bia agus comhábhair bia a chóireáiltear le radaíocht ianaíoch²

Chun cuspóirí Threoir 1992/2/CE a bhaint amach, ba cheart an chumhacht chun gníomhartha a ghlacadh i gcomhréir le hAirteagal 290 den Chonradh a tharmligeann chuig an gCoimisiún chun an Treoir sin a leasú a mhéid is gá chun cosaint na sláinte poiblí a áirithiú agus chun an Treoir sin a fhorlíonadh i ndáil le [...] ceanglais fhorlíontacha maidir le saoráidí. Tá sé tábhachtach, go háirithe, go rachadh an Coimisiún i mbun comhairliúcháin iomchuí le linn a chuid oibre ullmhúcháin, lena n-áirítear ar leibhéal na saineolaithe, agus go ndéanfar na comhairliúcháin sin i gcomhréir leis na prionsabail a leagtar síos i gComhaontú Idirinstitiúideach an 13 Aibreán 2016 maidir le Reachtóireacht Níos Fearr [...]. Go sonrach, chun rannpháirtíocht chomhionann in ullmhú na ngníomhartha tarmligthe a áirithiú, gheobhaidh Parlaimint na hEorpa agus an Chomhairle na doiciméid uile ag an am céanna leis na saineolaithe sna Ballstáit, agus beidh rochtain chórasach ag a gcuid saineolaithe ar chruinnithe ghrúpaí saineolaithe an Choimisiúin a bheidh ag déileáil l hullmhú na ngníomhartha tarmligthe.

IO L 66, 13.3.1999, lch.16.

Ní gá a thabhairt de chumhacht don Choimisiún eisceachtaí a ghlacadh a bhaineann leis an dáileog radaíochta uasta do bhia-ábhair i dTreoir 1999/2/CE. Ba cheart an deis bearta cur chun feidhme a ghlacadh i gcomhréir leis an nós imeachta rialúcháin lena ngabhann grinnschrúdú a bhaint, dá bhrí sin, ó Rialachán 1999/2/CE, gan cumhachtú dá dtugtar i gcomhréir le hAirteagal 290(1) nó le hAirteagal 291(2) den Chonradh a chur ina ionad sin.

Dá réir sin, leasaítear Treoir 1999/2/CE mar a leanas:

(1) in Airteagal 5, **scriostar** mír 2. [...]

[...]

(2) in Airteagal 7, cuirtear an méid seo a leanas in ionad mhír 2:

"2. Ní thabharfar ceadú ach amháin i gcás saoráide:

- a chomhlíonann ceanglais Chód Cleachtais Molta Idirnáisiúnta an Choimisiúin do *Codex Alimentarius* comhpháirteach FAO/WHO maidir le hoibriú na saoráidí ionradaíochta a úsáidtear chun bianna a chóireáil (tagairt FAO/WHO/CAC, Iml. XV, eagrán 1), agus aon cheanglas forlíontach a fhéadfaidh an Coimisiún a ghlacadh,
- a ainmníonn duine a mbeidh sé de chúram air na coinníollacha go léir is gá chun an próiseas a chur i bhfeidhm a chomhlíonadh.

Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 11a maidir le ceanglas forlíontach dá dtagraítear sa chéad fhleasc den chéad fhomhír den Airteagal sin ag tabhairt aird ar cheanglais ó thaobh éifeachtúlacht agus sábháilteacht na cóireála a úsáidtear agus i leith dea-chleachtais sláintíochta i ndáil le próiseáil bia.";

(3) cuirtear an tAirteagal 11a agus an tAirteagal 11b seo a leanas isteach:

"Airteagal 11a

1. Is faoi réir na gcoinníollacha a leagtar síos san Airteagal seo a thugtar an chumhacht don Choimisiún chun gníomhartha tarmligthe a ghlacadh.

2. Déanfar an chumhacht chun gníomhartha tarmligthe a ghlacadh dá dtagraítear in [...] Airteagal 7(2) agus Airteagal 14(3) a thabhairt go ceann **tréimhse 5 bliana** [...] amhail ón [dáta theacht i bhfeidhm an **Rialacháin** seo [...]]. **Déanfaidh an Coimisiún, tráth nach déanaí ná naoi mí roimh dheireadh na tréimhse cúig bliana, tuarascáil a tharraingt suas maidir le tarmligtean na cumhachta. Déanfar tarmligtean na cumhachta a fhadú go hintuigthe go ceann tréimhsí comhfhaid, mura rud é go gcuireann Parlaimint na hEorpa nó an Chomhairle in aghaidh an fhadaithe sin tráth nach déanaí ná trí mhí roimh dheireadh gach tréimhse.**

3. Féadfaidh Parlaimint na hEorpa nó an Chomhairle tarmligean na gcumhachtaí dá dtagraítear in Airteagal 7(2) agus in Airteagal 14(3) a chúlghairm aon tráth. Déanfaidh cinneadh chun cúlghairm a dhéanamh deireadh a chur le tarmligean na cumhachta atá sonraithe sa chinneadh sin. Gabhfaidh éifeacht leis an lá tar éis fhoilsiú an chinnidh in *Iris Oifigiúil an Aontais Eorpaigh* nó ar dháta is déanaí a shonrófar sa chinneadh. Ní dhéanfaidh sé difear do bhailíocht aon ghníomhartha tarmligthe atá i bhfeidhm cheana.

4. Roimh dó gníomh tarmligthe a ghlacadh [...], rachaidh an Coimisiún i mbun comhairliúcháin le saineolaithe arna n-ainmniú ag gach Ballstát i gcomhréir leis na prionsabail a leagtar síos i gComhaontú Idirinstitiúideach **an 13 Aibreán 2016** maidir le Reachtóireacht Níos Fearr [...]*.

5. A luaithe a ghlacfaidh sé gníomh tarmligthe, tabharfaidh an Coimisiún fógra, an tráth céanna, do Pharlaimint na hEorpa agus don Chomhairle faoi.

6. Ní thiocfaidh gníomh tarmligthe a ghlactar de bhun [...] Airteagal 7(2) agus Airteagal 14(3) i bhfeidhm ach amháin mura mbeidh aon agóid curtha in iúl ag Parlaimint na hEorpa ná ag an gComhairle laistigh de thréimhse dhá mhí tar éis fógra faoin ngníomh sin a thabhairt do Pharlaimint na hEorpa agus don Chomhairle nó más rud é, roimh dhul in éag na tréimhse sin, go mbeidh Parlaimint na hEorpa agus an Chomhairle araon tar éis a chur in iúl don Choimisiún nach ndéanfaidh siad aon agóid. Déanfar an tréimhse sin a fhadú dhá mhí ar thionscnamh Pharlaimint na hEorpa nó na Comhairle.

"Airteagal 11b

1. Tiocfaidh gníomhartha tarmligthe a ghlactar faoin Airteagal seo i bhfeidhm gan mhoill agus beidh feidhm acu ar choinníoll nach ndéanfar agóid i gcomhréir le mír 2. Déanfar na cúiseanna le húsáid a bhaint as an nós imeachta práinne a lua san fhógra faoi ghníomhartha tarmligthe a thugtar do Pharlaimint na hEorpa agus don Chomhairle.

2. Féadfaidh Parlaimint na hEorpa nó an Chomhairle agóid a dhéanamh i gcoinne gníomh tarmligthe i gcomhréir leis an nós imeachta dá dtagraítear in Airteagal 11 a(6). I gcás den sórt sin, déanfaidh an Coimisiún an gníomh tarmligthe a aisghairm láithreach tar éis do Pharlaimint na hEorpa nó don Chomhairle fógra a thabhairt don Choimisiún maidir leis an gcinneadh agóid a dhéanamh.

* IO L 123, 12.5.2016, lch. 1.";

(4) in Airteagal 12, scriostar mír 3, mír 4 agus mír 5;

(5) in Airteagal 14, cuirtear an méid seo a leanas in ionad mhír 3:

"3. Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 11a lena leasaítear an Treoir seo a mhéid is gá chun an tsláinte phoiblí a áirithiú agus beidh sé teoranta do thoirnisc nó do shrianta i gcomparáid leis an staid dhlíthiúil a bhí ann roimhe seo.

I gcás ina n-éilítear amhlaidh ar mhórfhorais práinne i leith sláinte an duine, beidh feidhm ag an nós imeachta dá bhforáiltear in Airteagal 11b maidir le gníomhartha tarmligthe de bhun na míre seo,".

138. Rialachán (CE) Uimh. 141/2000 ó Pharlaimint na hEorpa agus ón gComhairle an 16 Nollaig 1999 maidir le táirgí leighis dílleachta³

Chun cuspóirí Threoir 2000/141/CE a bhaint amach, ba cheart an chumhacht chun gníomhartha a ghlacadh i gcomhréir le hAirteagal 290 den Chonradh a tharmligean chuig an gCoimisiún chun an Rialachán sin a fhorlíonadh le sainmhínithe ar 'táirge íocshláinte comhchosúil' agus ar 'airde chliniciúil'. Tá sé tábhachtach, go háirithe, go rachadh an Coimisiún i mbun comhairliúcháin iomchuí le linn a chuid oibre ullmhúcháin, lena n-áirítear ar leibhéal na saineolaithe, agus go ndéanfar na comhairliúcháin sin i gcomhréir leis na prionsabail a leagtar síos i gComhaontú Idirinstitiúideach maidir le Reachtóireacht Níos Fearr **an 13 Aibreán 2016** [...]. Go sonrach, chun rannpháirtíocht chomhionann in ullmhú na ngníomhartha tarmligthe a áirithiú, gheobhaidh Parlaimint na hEorpa agus an Chomhairle na doiciméid uile ag an am céanna leis na saineolaithe sna Ballstáit, agus beidh rochtain chórasach ag a gcuid saineolaithe ar chruinnithe ghrúpaí saineolaithe an Choimisiúin a bheidh ag déileáil le hullmhú na ngníomhartha tarmligthe.

Dá réir sin, leasaítear Rialachán (CE) Uimh. 141/2000 mar a leanas:

(1) in Airteagal 8, cuirtear an méid seo a leanas in ionad mhír 4:

"4. Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 10b lena bhforlíontar an Rialachán seo trí na sainmhínithe ar 'táirge íocshláinte comhchosúil' agus ar 'airde chliniciúil' a ghlacadh'.";

(2) in Airteagal 10a, scriostar mír 3;

(3) cuirtear isteach an tAirteagal 10b seo a leanas:

³ IO L 18, 22.1.2000, lch. 1.

"Airteagal 10b
An tarmligeán a fheidhmiú

1. Is faoi réir na gcoinníollacha a leagtar síos san Airteagal seo a thugtar an chumhacht don Choimisiún chun gníomhartha tarmligthe a ghlacadh.
2. Déanfar an chumhacht chun gníomhartha tarmligthe a ghlacadh dá dtagraítear in Airteagal 8(4) a thabhairt don Choimisiún go ceann **tréimhse cúig bliana** [...] amhail ón [dáta theacht i bhfeidhm **an Rialacháin** seo [...]]. **Déanfaidh an Coimisiún, tráth nach déanaí ná naoi mí roimh dheireadh na tréimhse cúig bliana, tuarascáil a tharraingt suas maidir le tarmligeán na cumhachta. Déanfar tarmligeán na cumhachta a fhadú go hintuigthe go ceann tréimhsí comhfhaid, mura rud é go gcuireann Parlaimint na hEorpa nó an Chomhairle in aghaidh an fhadaithe sin tráth nach déanaí ná trí mhí roimh dheireadh gach tréimhse.**
3. Féadfaidh Parlaimint na hEorpa nó an Chomhairle tarmligeán na cumhachta dá dtagraítear in Airteagal 8(4) a chúlghairm aon tráth. Déanfaidh cinneadh chun cúlghairm a dhéanamh deireadh a chur le tarmligeán na cumhachta atá sonraithe sa chinneadh sin. Gabhfaidh éifeacht leis an lá tar éis fhoilsiú an chinnidh in *Iris Oifigiúil an Aontais Eorpaigh* nó ar dháta is déanaí a shonrófar sa chinneadh. Ní dhéanfaidh sé difear do bhailíocht aon ghníomhartha tarmligthe atá i bhfeidhm cheana.
4. Roimh dó gníomh tarmligthe a ghlacadh, rachaidh an Coimisiún i mbun comhairliúchán le saineolaithe arna n-ainmniú ag gach Ballstát i gcomhréir leis na prionsabail a leagtar síos i gComhaontú Idirinstitiúideach **an 13 Aibreán 2016** maidir le Reachtóireacht Níos Fearr [...]*.
5. A luaithe a ghlacfaidh sé gníomh tarmligthe, tabharfaidh an Coimisiún fógra, an tráth céanna, do Pharlaimint na hEorpa agus don Chomhairle faoi.
6. Ní thiocfaidh gníomh tarmligthe a ghlactar de bhun Airteagal 8(4) i bhfeidhm ach amháin mura mbeidh aon agóid curtha in iúl ag Parlaimint na hEorpa ná ag an gComhairle laistigh de thréimhse dhá mhí tar éis fógra faoin ngníomh sin a thabhairt do Pharlaimint na hEorpa agus don Chomhairle nó más rud é, roimh dhul in éag na tréimhse sin, go mbeidh Parlaimint na hEorpa agus an Chomhairle araon tar éis a chur in iúl don Choimisiún nach ndéanfaidh siad aon agóid. Déanfar an tréimhse sin a fhadú dhá mhí ar thionscnamh Pharlaimint na hEorpa nó na Comhairle.

* IO L 123, 12.5.2016, lch. 1."

139. Treoir 2001/18/CE ó Pharlaimint na hEorpa agus ón gComhairle an 12 Márta 2001 maidir le horgánaigh ghéinmhodhnaithe a scaoileadh d'aon ghnó sa chomhshaol agus lena n-aisghairtear Treoir 90/220/CEE ón gComhairle⁴

Chun cuspóirí Threoir 2001/18/CE a bhaint amach, ba cheart an chumhacht chun gníomhartha a ghlacadh i gcomhréir le hAirteagal 290 den Chonradh a tharmligean chuig an gCoimisiún chun na hIarscríbhinní a ghabhann leis an Treoir sin a leasú agus chun an Treoir sin a fhorlíonadh le:

- critéir maolúcháin agus ceanglais faisnéise maidir leis an bhfógra faoi chineálacha áirithe orgánach géinmhodhnaithe a chur ar an margadh;
- tairseacha íosta do tháirgí ina bhfuil rianta taismeacha d'orgánaigh ghéinmhodhnaithe nó rianta nach féidir a sheachaint go teicniúil agus ní gá na táirgí sin a lipéadú mar orgánaigh ghéinmhodhnaithe;
- tairseacha níos ísle ná 0.9% nach mbeidh feidhm faoina mbun sin ag na ceanglais lipéadaithe a leagtar amach sa Treoir maidir le rianta orgánach géinmhodhnaithe i dtáirgí atá beartaithe lena bpróiseáil go díreach;
- ceanglais sonracha maidir le lipéadú d'orgánaigh ghéinmhodhnaithe nach gcuirtear ar an margadh de réir bhrí na Treorach seo.

Tá sé tábhachtach, go háirithe, go rachadh an Coimisiún i mbun comhairliúcháin iomchuí le linn a chuid oibre ullmhúcháin, lena n-áirítear ar leibhéal na saineolaithe, agus go ndéanfar na comhairliúcháin sin i gcomhréir leis na prionsabail a leagtar síos i gComhaontú Idirinstitiúideach an **13 Aibreán 2016** maidir le Reachtóireacht Níos Fearr [...]. Go sonrach, chun rannpháirtíocht chomhionann in ullmhú na ngníomhartha tarmligthe a áirithiú, gheobhaidh Parlaimint na hEorpa agus an Chomhairle na doiciméid uile ag an am céanna leis na saineolaithe sna Ballstáit, agus beidh rochtain chórasach ag a gcuid saineolaithe ar chruinnithe ghrúpaí saineolaithe an Choimisiúin a bheidh ag déileáil le hullmhú na ngníomhartha tarmligthe.

Dá réir sin, leasaítear Treoir 2001/18/CE mar a leanas:

(1) leasaítear Airteagal 16 mar a leanas:

(a) i mír 2, cuirtear an méid seo a leanas in ionad na chéad fhomhíre:

"Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 29a, **lena bhforlíontar an Treoir seo trí** na critéir agus na ceanglais faisnéise dá dtagraítear i mír 1 a bhunú, agus aon cheanglais iomchuí maidir le hachóimre den sainchomhad, tar éis dó dul i gcomhairle leis an gCoiste Eolaíoch ábhartha. Beidh na critéir agus na ceanglais faisnéise leordhóthanach chun ardleibhéal sábháilteachta don tsláinte dhaonna agus don chomhshaol a áirithiú agus bunófar iad ar an bhfianaise eolaíoch maidir leis an gcineál sábháilteachta sin agus ar an taithí a fuarthas ó orgánaigh ghéinmhodhnaithe a scaoileadh.";

⁴ IO L 106, 17.4.2001, lch.1

(b) cuirtear an méid seo a leanas in ionad mhír 3:

"3. Roimh dó gníomh tarmligthe a ghlacadh de bhun mhír 2, déanfaidh an Coimisiún an togra a chur ar fáil don phobal. Féadfaidh an pobal barúlacha a thabhairt don Choimisiún laistigh de 60 lá oibre. Cuirfidh an Coimisiún aon bharúlacha den chineál sin ar aghaidh, mar aon le hanailís, chuig na saineolaithe dá dtagraítear in Airteagal 29a(4).";

(2) leasaítear Airteagal 21 mar a leanas:

(a) cuirtear an méid seo a leanas in ionad mhír 2:

"2. Maidir le táirgí ina bhfuil rianta taismeacha d'orgánaigh ghéinmhodhnaithe nó rianta nach féidir a sheachaint go teicniúil, tabharfar de chumhacht don Choimisiún gníomhartha tarmligthe a ghlacadh, i gcomhréir le hAirteagal 29a, **lena bhforlíontar an Treoir seo trí** thairseacha íosta a bhunú agus ní gá na táirgí atá faoi bhun na dtairseach sin a lipéadú i gcomhréir le mír 1 den Airteagal seo. Déanfar leibhéil tairsí a bhunú i gcomhréir leis an táirgeadh lena mbaineann.";

(b) i mír 3, cuirtear an méid seo a leanas in ionad an dara fomhír:

"Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 29a, **lena bhforlíontar an Treoir seo** trí na tairsí dá dtagraítear sa chéad fomhír den mhír seo a bhunú.";

(3) in Airteagal 26, cuirtear an méid seo a leanas in ionad mhír 2:

"2. Tabharfar de chumhacht don Choimisiún gníomhartha tarmligthe a ghlacadh, i gcomhréir le hAirteagal 29a, lena leasaítear Iarscríbhinn IV, trí na ceanglais shonracha maidir le lipéadú dá dtagraítear i mír 1, gan na ceanglais maidir le lipéadú a leagtar síos i reachtaíocht an Aontais atá ann cheana a dhúbláil ná neamhréireachtaí a chruthú iontu. Agus an méid sin á dhéanamh, ba cheart, mar is iomchuí, na forálacha maidir le lipéadú arna mbunú ag na Ballstáit i gcomhréir le reachtaíocht an Aontais a chur san áireamh.";

(4) cuirtear an méid seo a leanas in ionad Airteagal 27:

" Airteagal 27

Iarscríbhinní a chur in oiriúint don dul chun cinn teicniúil

Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 29a, lena leasaítear Roinn C agus Roinn D d'Iarscríbhinn II, Iarscríbhinní III go IV, agus Roinn C d'Iarscríbhinn VII chun iad a oiriúnú don dul chun cinn teicniúil";

(5) cuirtear isteach an tAirteagal 29a seo a leanas:

"Airteagal 29a
An tarmligeán a fheidhmiú

1. Is faoi réir na gcoinníollacha a leagtar síos san Airteagal seo a thugtar an chumhacht don Choimisiún chun gníomhartha tarmligthe a ghlacadh.
2. Déanfar an chumhacht chun gníomhartha tarmligthe a ghlacadh dá dtagraítear in Airteagal 16(2), in Airteagal 21(2) agus (3), Airteagal 26(2) agus Airteagal 27 a thabhairt don Choimisiún go ceann **tréimhse cúig bliana** [...] amhail ón [dáta theacht i bhfeidhm an **Rialacháin** seo [...]]. **Déanfaidh an Coimisiún, tráth nach déanaí ná naoi mí roimh dheireadh na tréimhse cúig bliana, tuarascáil a tharraingt suas maidir le tarmligeán na cumhachta. Déanfar tarmligeán na cumhachta a fhadú go hintuigthe go ceann tréimhsí comhfhaid, mura rud é go gcuireann Parlaimint na hEorpa nó an Chomhairle in aghaidh an fhadaith sin tráth nach déanaí ná trí mhí roimh dheireadh gach tréimhse.**
3. Féadfaidh Parlaimint na hEorpa nó an Chomhairle tarmligeán na gcumhachtaí dá dtagraítear in Airteagal 16(2), Airteagal 21(2) agus (3), Airteagal 26(2) agus Airteagal 27 a chúlghairm aon tráth. Déanfaidh cinneadh chun cúlghairm a dhéanamh deireadh a chur le tarmligeán na cumhachta atá sonraithe sa chinneadh sin. Gabhfaidh éifeacht leis an lá tar éis fhoilsiú an chinnidh in *Iris Oifigiúil an Aontais Eorpaigh* nó ar dháta is déanaí a shonrófar sa chinneadh. Ní dhéanfaidh sé difear do bhailíocht aon ghníomhartha tarmligthe atá i bhfeidhm cheana.
4. Roimh dó gníomh tarmligthe a ghlacadh, rachaidh an Coimisiún i mbun comhairliúcháin le saineolaithe arna n-ainmniú ag gach Ballstát i gcomhréir leis na prionsabail a leagtar síos i gComhaontú Idirinstitiúideach **an 13 Aibreán 2016** maidir le Reachtóireacht Níos Fearr [...]*.
5. A luaithe a ghlacfaidh sé gníomh tarmligthe, tabharfaidh an Coimisiún fógra, an tráth céanna, do Pharlaimint na hEorpa agus don Chomhairle faoi.
6. Ní thiocfaidh gníomh tarmligthe a ghlactar de bhun Airteagal 16(2), Airteagal 21(2) agus (3), Airteagal 26(2) agus Airteagal 27 i bhfeidhm ach amháin mura mbeidh aon agóid curtha in iúl ag Parlaimint na hEorpa ná ag an gComhairle laistigh de thréimhse dhá mhí tar éis fógra faoin ngníomh sin a thabhairt do Pharlaimint na hEorpa agus don Chomhairle nó más rud é, roimh dhul in éag na tréimhse sin, go mbeidh Parlaimint na hEorpa agus an Chomhairle araon tar éis a chur in iúl don Choimisiún nach ndéanfaidh siad aon agóid. Déanfar an tréimhse sin a fhadú dhá mhí ar thionscnamh Pharlaimint na hEorpa nó na Comhairle.

* IO L 123, 12.5.2016, lch. 1.";

(6) in Airteagal 30, scriostar mír 3.

140. Treoir 2001/83/CE ó Pharlaimint na hEorpa agus ón gComhairle an 6 Samhain 2001 maidir leis an gcód Comhphobail a bhaineann le táirgí íocshláinte lena n-úsáid ag an duine⁵

Chun cuspóirí Threoir 2001/83/CE a bhaint amach, ba cheart an chumhacht chun gníomhartha a ghlacadh i gcomhréir le hAirteagal 290 den Chonradh a tharmligean chuig an gCoimisiún chun na gcríoch seo a leanas:

- an Treoir sin a leasú maidir le ceann amháin de na coinníollacha is gá do tháirgí íocshláinte hoiméapatacha a chomhlíonadh d'fhonn tairbhiú de nós imeachta clárúcháin speisialta simplithe más gá sin de réir fianaise nua eolaíoch;
- an Treoir sin a leasú i ndáil leis na cineálacha oibríochtaí a mheastar a bheith i gceist le substaintí gníomhacha a úsáidtear mar ábhair thosaigh a mhonarú, chun an dul chun cinn teicniúil agus eolaíoch a chur san áireamh;
- Iarscríbhinn I a ghabhann leis an Treoir sin a leasú chun an dul chun cinn teicniúil agus eolaíoch a chur san áireamh;
- [...]
- an Treoir sin a fhorlíonadh trí phrionsabail agus treoirlínte dea-chleachtais monaraíochta le haghaidh táirgí íocshláinte a shonrú.

Tá sé tábhachtach, go háirithe, go rachadh an Coimisiún i mbun comhairliúcháin iomchuí le linn a chuid oibre ullmhúcháin, lena n-áirítear ar leibhéal na saineolaithe, agus go ndéanfar na comhairliúcháin sin i gcomhréir leis na prionsabail a leagtar síos i gComhaontú Idirinstitiúideach an **13 Aibreán 2016** maidir le Reachtóireacht Níos Fearr [...]. Go sonrach, chun rannpháirtíocht chomhionann in ullmhú na ngníomhartha tarmligthe a áirithiú, gheobhaidh Parlaimint na hEorpa agus an Chomhairle na doiciméid uile ag an am céanna leis na saineolaithe sna Ballstáit, agus beidh rochtain chórasach ag a gcuid saineolaithe ar chruinnithe ghrúpaí saineolaithe an Choimisiúin a bheidh ag déileáil le hullmhú na ngníomhartha tarmligthe.

Dá réir sin, leasaítear Treoir 2001/83/CE mar a leanas:

(1) in Airteagal 14(1), cuirtear an méid seo a leanas in ionad an dara fomhír:

"Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 121a lena leasaítear an tríú fleasc den chéad fhomhír más gá sin de réir fianaise nua eolaíoch.";

[...]

(2[...]) in Airteagal 46a, cuirtear an méid seo a leanas in ionad mhír 2:

"2. Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 121a lena leasaítear mír 1 chun an dul chun cinn eolaíoch agus teicniúil a chur san áireamh.";

⁵ IO L 311, 28.11.2001, lch. 67.

(3[...]) in Airteagal 47, cuirtear an méid seo a leanas in ionad na chéad mhíre:

"Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 121a **chun an Treoir seo a fhorlíonadh trí** shonrú a dhéanamh ar phrionsabail agus treoirlínte dea-chleachtais monaraíochta le haghaidh táirgí fóicshláinte dá dtagraítear in Airteagal 46(f).";

(4[...]) cuirtear an méid seo a leanas in ionad Airteagal 120:

"Airteagal 120

Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 121a lena leasaítear Iarscríbhinn I chun an dul chun cinn eolaíoch agus teicniúil a chur san áireamh.";

(5[...]) in Airteagal 121, scriostar mír 2a;

(6[...]) cuirtear an méid seo a leanas in ionad Airteagal 121a:

"Airteagal 121a

1. Is faoi réir na gcoinníollacha a leagtar síos san Airteagal seo a thugtar an chumhacht don Choimisiún chun gníomhartha tarmligthe a ghlacadh.

2. Déanfar an chumhacht chun gníomhartha tarmligthe a ghlacadh dá dtagraítear in Airteagail 14(1), 22b, [23b,] 46a, 47, 52b, 54a agus 120 a thabhairt don Choimisiún go ceann **tréimhse cúig bliana** [...] amhail ón [dáta theacht i bhfeidhm an **Rialacháin** seo [...]]. **Déanfaidh an Coimisiún, tráth nach déanaí ná naoi mí roimh dheireadh na tréimhse cúig bliana, tuarascáil a tharraingt suas maidir le tarmligeán na cumhachta. Déanfar tarmligeán na cumhachta a fhadú go hintuigthe go ceann tréimhsí comhfhaid, mura rud é go gcuireann Parlaimint na hEorpa nó an Chomhairle in aghaidh an fhadaithe sin tráth nach déanaí ná trí mhí roimh dheireadh gach tréimhse.**

3. Féadfaidh Parlaimint na hEorpa nó an Chomhairle tarmligeán na cumhachta dá dtagraítear in Airteagail 14(1), 22b, [...] 46a, 47, 52b, 54a agus 120 a chúlghairm aon tráth. Déanfaidh cinneadh chun cúlghairm a dhéanamh deireadh a chur le tarmligeán na cumhachta atá sonraithe sa chinneadh sin. Gabhfaidh éifeacht leis an lá tar éis fhoilsiú an chinnidh in *Iris Oifigiúil an Aontais Eorpaigh* nó ar dháta is déanaí a shonrófar sa chinneadh. Ní dhéanfaidh sé difear do bhailíocht aon ghníomhartha tarmligthe atá i bhfeidhm cheana.

4. Roimh dó gníomh tarmligthe a ghlacadh, rachaidh an Coimisiún i mbun comhairliúcháin le saineolaithe arna n-ainmniú ag gach Ballstát i gcomhréir leis na prionsabail a leagtar síos i gComhaontú Idirinstitiúideach **an 13 Aibreán 2016** maidir le Reachtóireacht Níos Fearr [...].*

5. A luaithe a ghlacfaidh sé gníomh tarmligthe, tabharfaidh an Coimisiún fógra, an tráth céanna, do Pharlaimint na hEorpa agus don Chomhairle faoi.

6. Ní thiocfadh gníomh tarmlichte a ghlactar de bhun Airteagail 14(1), 22b, [...] 46a, 47, 52b, 54a agus 120 i bhfeidhm ach amháin mura mbeidh aon agóid curtha in iúl ag Parlaimint na hEorpa ná ag an gComhairle laistigh de thréimhse dhá mhí tar éis fógra faoin ngníomh sin a thabhairt do Pharlaimint na hEorpa agus don Chomhairle nó más rud é, roimh dhul in éag na tréimhse sin, go mbeidh Parlaimint na hEorpa agus an Chomhairle araon tar éis a chur in iúl don Choimisiún nach ndéanfaidh siad aon agóid. Déanfar an tréimhse sin a fhadú dhá mhí ar thionscnamh Parlaimint na hEorpa nó na Comhairle.

* IO L 123, 12.5.2016, lch. 1.";

(7[...]) scriostar Airteagail 121b agus 121c.

141. Rialachán (CE) Uimh. 999/2001 ó Pharlaimint na hEorpa agus ón gComhairle an 22 Bealtaine 2001 lena leagtar síos na rialacha maidir le heinceifileapaití spúinseacha in-tarchurtha áirithe a chosc, a rialú agus a dhíothú⁶

Chun cuspóirí Rialachán (CE) Uimh. 999/2001 a bhaint amach, ba cheart an chumhacht chun gníomhartha a ghlacadh i gcomhréir le hAirteagal 290 den Chonradh a tharmligean chuig an gCoimisiún chun na hlarscríbhinní a ghabhann leis an Rialachán sin a leasú agus chun an Rialachán sin a fhorlíonadh tríd an méid seo a leanas:

- mearthástálacha a fhormheas,
- leasú a dhéanamh ar aois na mbó-ainmhithe a chumhdófar le cláir faireacháin bhliantúla,
- na critéir a leagan síos chun an feabhas ar staid eipidéimeolaíoch na tíre a léiriú agus na critéir sin a liostú san Iarscríbhinn,
- cinneadh a dhéanamh go gceadófar ainmhithe óga de speicis athchogantacha a bheathú le próitéiní ó éisc,
- critéir mhionsonraithe a leagan síos i ndáil le díolúine a dheonú ó thoirmisc maidir le beathú ainmhithe,
- cinneadh a dhéanamh leibhéal lamháltais a thabhairt isteach le haghaidh méideanna neamhshuntasacha de phróitéiní ó ainmhithe i mbeatha ainmhithe a tharlaíonn de dheasca éilliú teagmhasach nach féidir a sheachaint go teicniúil,
- cinneadh a dhéanamh faoin aois,
- rialacha a leagan síos lena bhforáiltear do dhíolúintí ón gceanglas maidir le hábhar priacail shonraithe a bhaint agus a scriosadh,
- próisis táirgthe a fhormheas,
- cinneadh a dhéanamh forálacha áirithe a leathnú go speicis eile ainmhithe,
- cinneadh a dhéanamh leathnú go táirgí eile de bhunadh ainmhíoch,
- an modh le heinceifileapaite spúinseach bhólachta (ESB) a dheimhniú in ainmhithe den chineál caorach agus den chineál gabhair a ghlacadh.

⁶ IO L 147, 31.5.2001, lch.1

Tá sé tábhachtach, go háirithe, go rachadh an Coimisiún i mbun comhairliúcháin iomchuí le linn a chuid oibre ullmhúcháin, lena n-áirítear ar leibhéal na saineolaithe, agus go ndéanfar na comhairliúcháin sin i gcomhréir leis na prionsabail a leagtar síos i gComhaontú Idirinstitiúideach an **13 Aibreán 2016** maidir le Reachtóireacht Níos Fearr [...]. Go sonrach, chun rannpháirtíocht chomhionann in ullmhú na ngníomhartha tarmligthe a áirithiú, gheobhaidh Parlaimint na hEorpa agus an Chomhairle na doiciméid uile ag an am céanna leis na saineolaithe sna Ballstáit, agus beidh rochtain chórasach ag a gcuid saineolaithe ar chruinnithe ghrúpaí saineolaithe an Choimisiúin a bheidh ag déileáil le hullmhú na ngníomhartha tarmligthe.

Dá réir sin, leasaítear Rialachán (CE) Uimh. 999/2001 mar a leanas:

(1) in Airteagal 5(3), cuirtear an méid seo a leanas in ionad an tríú fomhír:

"Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 23b **chun an Rialachán seo a fhorlíonadh trí** na mearthástálacha dá dtagraítear sa dara fomhír a fhorfheas. Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 23b lena leasaítear pointe 4 de Chaibidil C d'Iarscríbhinn X chun an liosta a leagtar amach ann a thabhairt cothrom le dáta.";

(2) leasaítear Airteagal 6 mar a leanas:

"Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 23b **chun an Rialachán seo a fhorlíonadh trí** na mearthástálacha chun na críche sin a fhorfheas. Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 23b lena leasaítear Iarscríbhinn X chun na tástálacha sin a liostú.";

(b) i mír 1b, cuirtear an méid seo a leanas in ionad na chéad fhomhíre agus an dara fomhír:

"Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 23b lena leasaítear mír 1a(a) agus (c) chun an aois a leagtar síos ann a mhodhnú i gcomhréir leis an dul chun cinn eolaíoch agus tar éis dul i gcomhairle leis an Údarás Eorpach um Shábháilteacht Bia (EFSA).

Arna iarraidh sin do Bhallstát ar féidir leis a léiriú go bhfuil feabhas tagtha ar staid eipidéimeolaíoch na tíre sin, féadfar athbhreithniú a dhéanamh ar chlár faireacháin bhliantúla an Bhallstáit áirithe sin. Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 23b:

(a) **lena bhforlíontar an Rialachán seo trí** chritéir áirithe a bhunú ar dá réir ba cheart pé feabhas atá ar staid eipidéimeolaíoch na tíre a mheas, chun críche athbhreithniú a dhéanamh ar na cláir faireacháin;

(b) lena leasaítear pointe 7 de Chuid I de Chaibidil A d'Iarscríbhinn III chun na critéir dá dtagraítear i bpointe (a) a liostú.";

(3) leasaítear Airteagal 7 mar a leanas:

(a) i mír 3, cuirtear an méid seo a leanas in ionad an dara fomhír:

"Tabharfar de chumhacht don Choimisiún gníomhartha tarmhligthe a ghlacadh i gcomhréir le hAirteagal 23b lena leasaítear Iarscríbhinn IV chun cead a thabhairt ainmhithe óga de speicis athchogantacha a bheathú le próitéiní ó éisc, ag cur san áireamh na nithe seo a leanas:

(a) measúnú eolaíoch ar riachtanais chothaithe athchogantach óg

(b) na rialacha a glacadh maidir le cur i bhfeidhm an Airteagail seo dá bhforáiltear i mír 5 den Airteagal seo

(c) measúnú ar ghnéithe rialaithe an mhaolaithe seo.";

(b) i mír 4, cuirtear an méid seo a leanas in ionad an tríú fomhír:

"Arna iarraidh sin do Bhallstát nó tríú tír féadfar cinneadh a dhéanamh i gcomhréir leis an nós imeachta dá dtagraítear in Airteagal 24(2) díolúintí aonair a thabhairt ó na srianta sa mhír seo. Tabharfaidh aon díolúine aird ar na forálacha dá dtagraítear i mír 3 den Airteagal seo. Tabharfar de chumhacht don Choimisiún gníomhartha tarmhligthe a ghlacadh i gcomhréir le hAirteagal 23b **lena bhforlíontar an Rialachán seo trí** chritéir shonracha a leagan síos atá le cur san áireamh agus díolúine den sórt sin á tabhairt.";

(c) cuirtear an méid seo a leanas in ionad mhír 4a:

"4a. Tabharfar de chumhacht don Choimisiún gníomhartha tarmhligthe a ghlacadh i gcomhréir le hAirteagal 23b **lena bhforlíontar an Rialachán seo trí** leibhéal lamháltais a shocrú le haghaidh méideanna neamhshuntasacha de phróitéiní ó ainmhithe i mbeatha ainmhithe a tharlaíonn de dheasca éillíú teagmhasach nach féidir a sheachaint go teicniúil, bunaithe ar mheasúnú riosca fabhrach ag cur san áireamh ar a laghad méid agus foinse fhéideartha an éillithe agus ceann scríbe deiridh na coinsíneachta.";

(4) leasaítear Airteagal 8 mar a leanas:

(a) cuirtear an méid seo a leanas in ionad mhír 1:

"1. Déantar an t-ábhar sonraithe baoil a bhaint agus a dhiúscairt i gcomhréir le hIarscríbhinn V a ghabhann leis an Rialachán seo agus le Rialachán (CE) Uimh. 1069/2009. Ní dhéanfar é a allmhairiú isteach san Aontas. Folóidh an liosta d'ábhar sonraithe baoil dá dtagraítear in Iarscríbhinn V ar a laghad intinn, corda an dromlaigh, súile agus céislíní bó-ainmhithe atá os cionn 12 mhí agus colún veirteabrach bó-ainmhithe atá os cionn aois a chinneadh an Choimisiún. Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 23b chun an aois sin a chinneadh. Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 23b lena leasaítear an liosta d'ábhar sonraithe baoil in Iarscríbhinn V ag cur san áireamh na catagóirí baoil ar leith a leagtar síos sa chéad fhomhír d'Airteagal 5(1) agus ceanglais Airteagal 6(1) agus ceanglais Airteagal (1b)(b).";

(b) i mír 2, cuirtear an méid seo a leanas in ionad na chéad fhomhíre:

"Tugtar de chumhacht don Choimisiún gníomhartha tarmligthe a ghlacadh i gcomhréir le hAirteagal 23b chun tástáil mhalartach a fhorghnóthú lena féidir ESB a bhrath sula ndéanfar an marú agus chun an liosta in Iarscríbhinn X a leasú. Ní bheidh feidhm ag mír 1 den Airteagal seo maidir le fíocháin ó ainmhithe a ndearnadh an tástáil mhalartach orthu, ar choinníoll go gcuirfear an tástáil sin i bhfeidhm faoi na coinníollacha dá bhforáiltear in Iarscríbhinn V agus go mbeidh torthaí na tástála diúltach.";

(c) cuirtear an méid seo a leanas in ionad mhír 5:

"5. Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 23b **chun an Rialachán seo a fhorlíonadh trí** rialacha a leagan síos lena bhforáiltear do dhíolúintí ó mhíreanna 1 go 4 den Airteagal seo, maidir le dáta fhorfheidhmiú éifeachtach an choisc ar bheathú dá bhforáiltear in Airteagal 7(1) nó, mar is iomchuí, do thríú tíortha nó réigiúin de na tríú tíortha sin a bhfuil baol rialaithe ESB iontu, maidir le dáta fhorfheidhmiú éifeachtach an choisc ar phróitéin athchogantach i mbeathú d'athchogantaigh d'fhonn na ceanglais maidir le díothú agus scriosadh ábhar sonraithe baoil d'ainmhithe a rugadh roimh an dáta sin sna tíortha agus sna réigiúin lena mbaineann a theorannú.";

(5) leasaítear Airteagal 9 mar a leanas:

(a) cuirtear an méid seo a leanas in ionad mhír 1:

"1. Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 23b **chun an Rialachán seo a fhorlíonadh trí** phróisis táirgthe a fhorghnóthú a úsáidfear chun na táirgí de bhunadh ainmhíoch a liostaítear in Iarscríbhinn VI a tháirgeadh.";

(b) cuirtear an méid seo a leanas in ionad mhír 3:

"3. Ní bheidh feidhm ag mír 1 agus ag mír 2, i bhfianaise na gcritéar a leagtar amach i bpointe 5 d'Iarscríbhinn V, maidir le hathchogantaigh a ndearnadh an tástáil mhalartach orthu dá dtagraítear in Airteagal 8(2) agus a liostaítear in Iarscríbhinn X, i gcás ina raibh torthaí na tástála diúltach.";

(6) in Airteagal 15, cuirtear an méid seo a leanas in ionad mhír 3:

"3. Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 23b lena bhforlíontar an Rialachán seo chun forálacha mhír 1 agus mhír 2 a leathnú go speicis eile ainmhithe.";

(7) in Airteagal 16(7), cuirtear an méid seo a leanas in ionad na chéad abairte:

"Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 23b lena bhforlíontar an Rialachán seo chun forálacha mhíreanna 1 go 6 a leathnú go táirgí eile de bhunadh ainmhíoch.";

(8) in Airteagal 20(2), cuirtear an méid seo a leanas in ionad an dara habairt:

"Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 23b **chun an Rialachán seo a leanas a fhorlíonadh tríd** an modh a leagan síos chun ESB a dheimhniú in ainmhithe den chineál caorach agus den chineál gabhair.";

(9) cuirtear an méid seo a leanas in ionad Airteagal 23:

"Airteagal 23
Na hIarscríbhinní a leasú

Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 23b lena leasaítear na hIarscríbhinní. Beidh sé d'aidhm ag na leasuithe na forálacha atá sna hIarscríbhinní sin a oiriúnú don chaoi a dtiocfaidh athrú ar an staid eipidéimeolaíoch, ar an bhfaisnéis eolaíoch atá ar fáil, ar na caighdeáin idirnáisiúnta ábhartha, ar na modhanna anailíse atá ar fáil do rialuithe oifigiúla nó ar thorthaí rialuithe nó staidéar ar chur chun feidhme na bhforálacha sin agus cuirfidh na leasuithe na critéir seo a leanas san áireamh:

- (i) i gcás inarb ábhartha, conclúidí na tuairime ó EFSA atá ar fáil;
- (ii) an gá atá le hardleibhéal cosanta maidir le sláinte an duine agus sláinte ainmhithe a choinneáil san Aontas.";

(10) scriostar Airteagal 23a;

(11) cuirtear an tAirteagal 23b seo a leanas isteach:

"Airteagal 23b

An tarmligeán a fheidhmiú

1. Is faoi réir na gcoinníollacha a leagtar síos san Airteagal seo a thugtar an chumhacht don Choimisiún chun gníomhartha tarmligthe a ghlacadh.
2. Déanfar an chumhacht chun gníomhartha tarmligthe a ghlacadh dá dtagraítear in Airteagail 5(3), 6(1) agus (1b), 7(3), (4) agus (4a), 8(1), (2) agus (5), 9(1) agus (3), 15(3), 16(7), 20(2) agus 23, déanfar í a thabhairt go ceann **tréimhse cúig bliana** [...] amhail ón [dáta theacht i bhfeidhm **an Rialacháin** seo [...]]. **Déanfaidh an Coimisiún, tráth nach déanaí ná naoi mí roimh dheireadh na tréimhse cúig bliana, tuarascáil a tharraingt suas maidir le tarmligeán na cumhachta. Déanfar tarmligeán na cumhachta a fhadú go hintuigthe go ceann tréimhsí comhfhaid, mura rud é go gcuireann Parlaimint na hEorpa nó an Chomhairle in aghaidh an fhadaithe sin tráth nach déanaí ná trí mhí roimh dheireadh gach tréimhse.**
3. Féadfaidh Parlaimint na hEorpa nó an Chomhairle tarmligeán na cumhachta dá dtagraítear in Airteagail 5(3), 6(1) agus (1b), 7(3), (4) agus (4a), 8(1), (2) agus (5), 9(1) agus (3), 15(3), 16(7), 20(2) agus 23 a chúlghairm aon tráth. Déanfaidh cinneadh chun cúlghairm a dhéanamh deireadh a chur le tarmligeán na cumhachta atá sonraithe sa chinneadh sin. Gabhfaidh éifeacht leis an lá tar éis fhoilsiú an chinnidh in *Iris Oifigiúil an Aontais Eorpaigh* nó ar dháta is déanaí a shonrófar sa chinneadh. Ní dhéanfaidh sé difear do bhailíocht aon gníomhartha tarmligthe atá i bhfeidhm cheana.
4. Roimh dó gníomh tarmligthe a ghlacadh, rachaidh an Coimisiún i mbun comhairliúcháin le saineolaithe arna n-ainmniú ag gach Ballstát i gcomhréir leis na prionsabail a leagtar síos i gComhaontú Idirinstitiúideach **an 13 Aibreán 2016** maidir le Reachtóireacht Níos Fearr [...]*.
5. A luaithe a ghlacfaidh sé gníomh tarmligthe, tabharfaidh an Coimisiún fógra, an tráth céanna, do Pharlaimint na hEorpa agus don Chomhairle faoi.
6. Ní thiocfaidh gníomh tarmligthe a ghlactar de bhun Airteagail 5(3), 6(1) agus (1b), 7(3), (4) agus (4a), 8(1), (2) agus (5), 9(1) agus (3), 15(3), 16(7), 20(2) agus 23 i bhfeidhm ach amháin mura mbeidh aon agóid curtha in iúl ag Parlaimint na hEorpa nó ag an gComhairle laistigh de thréimhse dhá mhí tar éis fógra faoin ngníomh sin a thabhairt do Pharlaimint na hEorpa agus don Chomhairle nó más rud é, roimh dheireadh na tréimhse sin, go mbeidh Parlaimint na hEorpa agus an Chomhairle araon tar éis a chur in iúl don Choimisiún nach ndéanfaidh siad aon agóid. Déanfar an tréimhse sin a fhadú dhá mhí ar thionscnamh Pharlaimint na hEorpa nó na Comhairle.

* IO L 123, 12.5.2016, lch. 1.";

(12) in Airteagal 24, scriostar mír 3.

142. Treoir 2002/32/CE ó Pharlaimint na hEorpa agus ón gComhairle an 7 Bealtaine 2002 maidir le substaintí neamh-inmhianaithe i mbeatha ainmhithe⁷

Chun cuspóirí Threoir 2002/32/CE a bhaint amach, ba cheart an chumhacht chun gníomhartha a ghlacadh i gcomhréir le hAirteagal 290 den Chonradh a tharmligean chuig an gCoimisiún chun Iarscríbhinn I agus Iarscríbhinn II a ghabhann leis an Treoir sin a leasú chun iad a oiriúnú don dul chun cinn teicniúil agus chun an Treoir sin a fhorlíonadh le critéir inghlacthachta maidir leis na próisis díthocsainithe. Tá sé tábhachtach, go háirithe, go rachadh an Coimisiún i mbun comhairliúcháin iomchuí le linn a chuid oibre ullmhúcháin, lena n-áirítear ar leibhéal na saineolaithe, agus go ndéanfar na comhairliúcháin sin i gcomhréir leis na prionsabail a leagtar síos i gComhaontú Idirinstitiúideach **an 13 Aibreán 2016** maidir le Reachtóireacht Níos Fearn [...]. Go sonrach, chun rannpháirtíocht chomhionann in ullmhú na ngníomhartha tarmligthe a áirithiú, gheobhaidh Parlaimint na hEorpa agus an Chomhairle na doiciméid uile ag an am céanna leis na saineolaithe sna Ballstáit, agus beidh rochtain chórasach ag a gcuid saineolaithe ar chruinnithe ghrúpaí saineolaithe an Choimisiúin a bheidh ag déileáil le hullmhú na ngníomhartha tarmligthe.

Dá réir sin, leasaítear Treoir 2002/32/CE mar a leanas:

(1) in Airteagal 7(2), cuirtear an méid seo a leanas in ionad na chéad fhomhíre:

"2. Déanfar cinneadh láithreach i dtaobh an ceart Iarscríbhinn I agus Iarscríbhinn II a leasú. Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal **10a** [...] lena leasaítear na hIarscríbhinní sin.

Más rud é, i gcás na leasuithe sin, go n-éilítear amhlaidh ar mhórfhorais phráinne, beidh feidhm ag an nós imeachta dá bhforáiltear in Airteagal **10b** [...] maidir le gníomhartha tarmligthe a ghlactar de bhun an Airteagail seo.”;

(2) leasaítear Airteagal 8 mar a leanas:

(a) cuirtear an méid seo a leanas in ionad mhír 1:

"1. Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 10a lena leasaítear Iarscríbhinn I agus Iarscríbhinn II chun iad a oiriúnú don dul chun cinn eolaíoch agus teicniúil.

Más rud é, i gcás na leasuithe sin, go n-éilítear amhlaidh ar mhórfhorais phráinne, beidh feidhm ag an nós imeachta dá bhforáiltear in Airteagal 10b maidir le gníomhartha tarmligthe a ghlactar de bhun an Airteagail seo.”;

⁷ IO L 140, 30.5.2002, lch. 10

(b) i mír 2, cuirtear an méid a leanas in ionad an dara fleasc

"- tabharfar de chumhacht dó gníomhartha tarmligthe a ghlacadh i gcomhréir le hAirteagal 10a **lena bhforlíontar an Treoir seo chun** critéir inghlacthachta maidir leis na próisis díthocsainithe a shainmhíniú mar chomhlánú ar na critéir a sholáthraítear maidir le táirgí atá beartaithe mar bheatha ainmhithe ar táirgí iad a chuaigh faoi na próisis sin.”;

(3) cuirtear an tAirteagal 10a agus an tAirteagal 10b seo a leanas isteach:

"Airteagal 10a

1. Is faoi réir na gcoinníollacha a leagtar síos san Airteagal seo a thugtar an chumhacht don Choimisiún chun gníomhartha tarmligthe a ghlacadh.

2. Déanfar an chumhacht chun gníomhartha tarmligthe a ghlacadh dá dtagraítear in Airteagal 7(2) agus in Airteagal 8(1) agus (2) a thabhairt don Choimisiún go ceann **tréimhse cúig bliana** [...] amhail ón [dáta theacht i bhfeidhm **an Rialacháin seo** [...]]. **Déanfaidh an Coimisiún, tráth nach déanaí ná naoi mí roimh dheireadh na tréimhse cúig bliana, tuarascáil a tharraingt suas maidir le tarmligeán na cumhachta. Déanfar tarmligeán na cumhachta a fhadú go hintuigthe go ceann tréimhsí comhfhaid, mura rud é go gcuireann Parlaimint na hEorpa nó an Chomhairle in aghaidh an fhadaithe sin tráth nach déanaí ná trí mhí roimh dheireadh gach tréimhse.**

3. Féadfaidh Parlaimint na hEorpa nó an Chomhairle tarmligeán na cumhachta dá dtagraítear in Airteagal 7(2) agus in Airteagal 8(1) agus (2) a chúlghairm aon tráth. Déanfaidh cinneadh chun cúlghairm a dhéanamh deireadh a chur le tarmligeán na cumhachta atá sonraithe sa chinneadh sin. Gabhfaidh éifeacht leis an lá tar éis fhoilsiú an chinnidh in *Iris Oifigiúil an Aontais Eorpaigh* nó ar dháta is déanaí a shonrófar sa chinneadh. Ní dhéanfaidh sé difear do bhailíocht aon ghníomhartha tarmligthe atá i bhfeidhm cheana.

4. Roimh dó gníomh tarmligthe a ghlacadh, rachaidh an Coimisiún i mbun comhairliúcháin le saeolaithe arna n-ainmniú ag gach Ballstát i gcomhréir leis na prionsabail a leagtar síos i gComhaontú Idirinstitiúideach **an 13 Aibreán 2016** maidir le Reachtóireacht Níos Fearr [...].*

5. A luaithe a ghlacfaidh sé gníomh tarmligthe, tabharfaidh an Coimisiún fógra, an tráth céanna, do Pharlaimint na hEorpa agus don Chomhairle faoi.

6. Ní thiocfaidh gníomh tarmligthe a ghlactar de bhun Airteagal 7(2), agus Airteagal 8(1) agus (2) i bhfeidhm ach amháin mura mbeidh aon agóid curtha in iúl ag Parlaimint na hEorpa ná ag an gComhairle laistigh de thréimhse dhá mhí tar éis fógra faoin ngníomh sin a thabhairt do Pharlaimint na hEorpa agus don Chomhairle nó más rud é, roimh dhul in éag na tréimhse sin, go mbeidh Parlaimint na hEorpa agus an Chomhairle araon tar éis a chur in iúl don Choimisiún nach ndéanfaidh siad aon agóid. Déanfar an tréimhse sin a fhadú dhá mhí ar thionscnamh Pharlaimint na hEorpa nó na Comhairle.

Airteagal 10b

1. Tiocfaidh gníomhartha tarmligthe a ghlactar faoin Airteagal seo i bhfeidhm gan mhoill agus beidh feidhm acu ar choinníoll nach ndéanfar agóid i gcomhréir le mír 2. Déanfar na cúiseanna le húsáid a bhaint as an nós imeachta práinne a lua san fhógra faoi ghníomhartha tarmligthe a thugtar do Pharlaimint na hEorpa agus don Chomhairle.

2. Féadfaidh Parlaimint na hEorpa nó an Chomhairle agóid a dhéanamh i gcoinne gníomh tarmligthe i gcomhréir leis an nós imeachta dá dtagraítear in Airteagal 10a(6). I gcás den sórt sin, déanfaidh an Coimisiún an gníomh tarmligthe a aisghairm láithreach tar éis do Pharlaimint na hEorpa nó don Chomhairle fógra a thabhairt don Choimisiún maidir leis an gcinneadh agóid a dhéanamh.

* IO L 123, 12; 5. 2016, lch. 1.”;

(4) in Airteagal 11, scriostar mír 3 agus mír 4.

143. Treoir 2002/46/CE an 10 Meitheamh 2002 maidir le comhfhogasú dhlíthe na mBallstát a bhaineann le forbhianna⁸

Chun cuspóirí Threoir 2002/46/CE a bhaint amach, ba cheart an chumhacht chun gníomhartha a ghlacadh i gcomhréir le hAirteagal 290 den Chonradh a tharmligean chuig an gCoimisiún chun Iarscríbhinn I agus Iarscríbhinn II a ghabhann leis an Treoir sin a leasú chun na hIarscríbhinní sin a oiriúnú don dul chun cinn teicniúil agus chun an Treoir sin a fhorlíonadh maidir le critéir íonachta na substaintí a liostaítear in Iarscríbhinn II a ghabhann leis, agus íosmhéideanna vitimíní agus mianraí atá le bheith i bhforbhianna. Tá sé tábhachtach, go háirithe, go rachadh an Coimisiún i mbun comhairliúcháin iomchuí le linn a chuid oibre ullmhúcháin, lena n-áirítear ar leibhéal na saineolaithe, agus go ndéanfar na comhairliúcháin sin i gcomhréir leis na prionsabail a leagtar síos i gComhaontú Idirinstitiúideach **an 13 Aibreán 2016** maidir le Reachtóireacht Níos Fearr [...]. Go sonrach, chun rannpháirtíocht chomhionann in ullmhú na ngníomhartha tarmligthe a áirithiú, gheobhaidh Parlaimint na hEorpa agus an Chomhairle na doiciméid uile ag an am céanna leis na saineolaithe sna Ballstáit, agus beidh rochtain chórasach ag a gcuid saineolaithe ar chruinnithe ghrúpaí saineolaithe an Choimisiúin a bheidh ag déileáil le hullmhú na ngníomhartha tarmligthe.

Chun coinníollacha aonfhoirmeacha a áirithiú maidir le cur chun feidhme Threoir 2002/46/CE, ba cheart cumhachtaí cur chun feidhme a thabhairt don Choimisiún maidir le híosmhéideanna vitimíní agus mianraí a shocrú. Ba cheart na cumhachtaí sin a fheidhmiú i gcomhréir le Rialachán (AE) Uimh. 182/2011.

Dá réir sin, leasaítear Treoir 2002/46/CE mar a leanas:

⁸ IO L 183, 12.7.2002, lch.51

(1) leasaítear Airteagal 4 mar a leanas:

(a) cuirtear an méid seo a leanas in ionad mhír 2:

"2. Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 12a **chun an Treoir seo a fhorlíonadh trí** [...] na critéir íonachta maidir le substaintí a liostaítear in Iarscríbhinn II a bhunú, ach amháin i gcás ina mbeidh feidhm ag na critéir sin de bhun mhír 3.";

(b) cuirtear an méid seo a leanas in ionad mhír 5:

"5. Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 12a lena leasaítear na liostaí in Iarscríbhinn I agus in Iarscríbhinn II chun iad a oiriúnú don dul chun cinn teicniúil.

Más rud é, i gcás vitimín nó mianra a bhaint de na liostaí dá dtagraítear i mír 1 den Airteagal seo, go n-éilítear amhlaidh ar mhórfhorais phráinne, beidh feidhm ag an nós imeachta dá bhforáiltear in Airteagal 12b maidir le gníomhartha tarmligthe a ghlactar de bhun an Airteagail seo.";

(2) in Airteagal 5, cuirtear an méid seo a leanas in ionad mhír 4:

"4. Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 12a **chun an Treoir seo a fhorlíonadh trí** na híosmhéideanna vitimíní agus mianraí dá bhforáiltear i mír 3 den Airteagal seo a shocrú.

Socróidh an Coimisiún na huasmhéideanna vitimíní agus mianraí dá bhforáiltear i mír 1 agus mír 2 den Airteagal seo trí bhíthin gníomh cur chun feidhme. Déanfar na gníomhartha cur chun feidhme sin a ghlacadh i gcomhréir leis an nós imeachta dá dtagraítear in Airteagal 13(2).";

(3) in Airteagal 12, scriostar mír 3;

(4) cuirtear an tAirteagal 12a agus an tAirteagal 12b seo a leanas isteach:

"Airteagal 12a

1. Is faoi réir na gcoinníollacha a leagtar síos san Airteagal seo a thugtar an chumhacht don Choimisiún chun gníomhartha tarmligthe a ghlacadh.

2. Déanfar an chumhacht chun gníomhartha tarmligthe a ghlacadh dá dtagraítear in Airteagal 4(2) agus (5) agus in Airteagal 5(4) a thabhairt don Choimisiún go ceann **tréimhse cúig bliana** [...] amhail ón [dáta theacht i bhfeidhm **an Rialacháin seo** [...]]. **Déanfaidh an Coimisiún, tráth nach déanaí ná naoi mí roimh dheireadh na tréimhse cúig bliana, tuarascáil a tharraingt suas maidir le tarmligeán na cumhachta. Déanfar tarmligeán na cumhachta a fhadú go hintuigthe go ceann tréimhsí comhfhaid, mura rud é go gcuireann Parlaimint na hEorpa nó an Chomhairle in aghaidh an fhadaithe sin tráth nach déanaí ná trí mhí roimh dheireadh gach tréimhse.**

3. Féadfaidh Parlaimint na hEorpa nó an Chomhairle tarmligean na cumhachta dá dtagraítear in Airteagal 4(2) agus (5) agus in Airteagal 5(4) a chúlghairm aon tráth. Déanfaidh cinneadh chun cúlghairm a dhéanamh deireadh a chur le tarmligean na cumhachta atá sonraithe sa chinneadh sin. Gabhfaidh éifeacht leis an lá tar éis fhoilsiú an chinnidh in *Iris Oifigiúil an Aontais Eorpaigh* nó ar dháta is déanaí a shonrófar sa chinneadh. Ní dhéanfaidh sé difear do bhailíocht aon ghníomhartha tarmligthe atá i bhfeidhm cheana.

4. Roimh dó gníomh tarmligthe a ghlacadh, rachaidh an Coimisiún i mbun comhairliúchán le saineolaithe arna n-ainmniú ag gach Ballstát i gcomhréir leis na prionsabail a leagtar síos i gComhaontú Idirinstitiúideach **an 13 Aibreán 2016** maidir le Reachtóireacht Níos Fearr [...]*.

5. A luaithe a ghlacfaidh sé gníomh tarmligthe, tabharfaidh an Coimisiún fógra, an tráth céanna, do Pharlaimint na hEorpa agus don Chomhairle faoi.

6. Ní thiocfaidh gníomh tarmligthe a ghlactar de bhun Airteagal 4(2) agus (5) agus Airteagal 5(4) i bhfeidhm ach amháin mura mbeidh aon agóid curtha in iúl ag Parlaimint na hEorpa ná ag an gComhairle laistigh de thréimhse dhá mhí tar éis fógra faoin ngníomh sin a thabhairt do Pharlaimint na hEorpa agus don Chomhairle nó más rud é, roimh dhul in éag na tréimhse sin, go mbeidh Parlaimint na hEorpa agus an Chomhairle araon tar éis a chur in iúl don Choimisiún nach ndéanfaidh siad aon agóid. Déanfar an tréimhse sin a fhadú dhá mhí ar thionscnamh Pharlaimint na hEorpa nó na Comhairle.

Airteagal 12b

1. Tiocfaidh gníomhartha tarmligthe a ghlactar faoin Airteagal seo i bhfeidhm gan mhoill agus beidh feidhm acu ar choinníoll nach ndéanfar agóid i gcomhréir le mír 2. Déanfar na cúiseanna le húsáid a bhaint as an nós imeachta práinne a lua san fhógra faoi ghníomhartha tarmligthe a thugtar do Pharlaimint na hEorpa agus don Chomhairle.

2. Féadfaidh Parlaimint na hEorpa nó an Chomhairle agóid a dhéanamh i gcoinne gníomh tarmligthe i gcomhréir leis an nós imeachta dá dtagraítear in Airteagal 12[...]a(6). I gcás den sórt sin, déanfaidh an Coimisiún an gníomh tarmligthe a aisghairm láithreach tar éis do Pharlaimint na hEorpa nó don Chomhairle fógra a thabhairt don Choimisiún maidir leis an gcinneadh agóid a dhéanamh.

* IO L 123, 12.5.2016, lch. 1.”

(5) in Airteagal 13, scriostar mír 3 agus mír 4.

144. Treoir 2002/98/CE ó Pharlaimint na hEorpa agus ón gComhairle an 27 Eanáir 2003 lena leagtar síos caighdeáin cáilíochta agus sábháilteachta do bhailiú, do thástáil, do phróiseáil, do stóráil agus do dháileadh fola daonna agus comhábhair fola agus lena leasaítear Treoir 2001/83/CE⁹

Chun cuspóirí Threoir 2002/98/CE a bhaint amach, ba cheart an chumhacht chun gníomhartha a ghlacadh i gcomhréir le hAirteagal 290 den Chonradh a tharmligean chuig an gCoimisiún chun Iarscríbhinní I go IV a ghabhann leis an Treoir sin a leasú chun iad a oiriúnú don dul chun cinn teicniúil agus eolaíoch agus chun an Treoir sin a fhorlíonadh le ceanglais theicniúla áirithe. Tá sé tábhachtach, go háirithe, go rachadh an Coimisiún i mbun comhairliúcháin iomchuí le linn a chuid oibre ullmhúcháin, lena n-áirítear ar leibhéal na saineolaithe, agus go ndéanfar na comhairliúcháin sin i gcomhréir leis na prionsabail a leagtar síos i gComhaontú Idirinstitiúideach an **13 Aibreán 2016** maidir le Reachtóireacht Níos Fearr [...]. Go sonrach, chun rannpháirtíocht chomhionann in ullmhú na ngníomhartha tarmligthe a áirithiú, gheobhaidh Parlaimint na hEorpa agus an Chomhairle na doiciméid uile ag an am céanna leis na saineolaithe sna Ballstáit, agus beidh rochtain chórasach ag a gcuid saineolaithe ar chruinnithe ghrúpaí saineolaithe an Choimisiúin a bheidh ag déileáil le hullmhú na ngníomhartha tarmligthe.

Chun coinníollacha aonfhoirmeacha a áirithiú maidir le cur chun feidhme phointe (i) den dara mír d'Airteagal 29 de Threoir 2002/98/CE, ba cheart cumhachtaí cur chun feidhme a thabhairt don Choimisiún chun nós imeachta a bhunú maidir le frithghníomhartha díobhálacha agus teagmhais dhíobhálacha a chur in iúl chomh maith le formáid na fógartha. Ba cheart na cumhachtaí sin a fheidhmiú i gcomhréir le Rialachán (AE) Uimh. 182/2011.

Dá réir sin, leasaítear Treoir 2002/98/CE mar a leanas:

(1) i ndiaidh theideal Chaibidil IX, cuirtear an tAirteagal 27a agus an tAirteagal 27b seo a leanas isteach:

"Airteagal 27a
An tarmligean a fheidhmiú

1. Is faoi réir na gcoinníollacha a leagtar síos san Airteagal seo a thugtar an chumhacht don Choimisiún chun gníomhartha tarmligthe a ghlacadh.
2. Déanfar an chumhacht chun gníomhartha tarmligthe a ghlacadh dá dtagraítear sa chéad mhír agus sa tríú mír d'Airteagal 29 a thabhairt go ceann **tréimhse 5 bliana** [...] amhail ón [dáta theacht i bhfeidhm an **Rialacháin** seo [...]]. **Déanfaidh an Coimisiún, tráth nach déanaí ná naoi mí roimh dheireadh na tréimhse cúig bliana, tuarascáil a tharraingt suas maidir le tarmligean na cumhachta. Déanfar tarmligean na cumhachta a fhadú go hintuigthe go ceann tréimhsí comhfhaid, mura rud é go gcuireann Parlaimint na hEorpa nó an Chomhairle in aghaidh an fhadaithe sin tráth nach déanaí ná trí mhí roimh dheireadh gach tréimhse.**

⁹ IO L 33, 8.2.2003, lch. 30.

3. Féadfaidh Parlaimint na hEorpa nó an Chomhairle tarmligean na cumhachta dá dtagraítear sa chéad mhír agus sa tríú mír d'Airteagal 29 a chúlghairm aon tráth. Déanfaidh cinneadh chun cúlghairm a dhéanamh deireadh a chur le tarmligean na cumhachta a shonraítear sa chinneadh sin. Gabhfaidh éifeacht leis an lá tar éis fhoilsiú an chinnidh in *Iris Oifigiúil an Aontais Eorpaigh* nó ar dháta is déanaí a shonrófar sa chinneadh. Ní dhéanfaidh sé difear do bhailíocht aon ghníomhartha tarmligthe atá i bhfeidhm cheana.

4. Roimh dó gníomh tarmligthe a ghlacadh, rachaidh an Coimisiún i mbun comhairliúchán le saineolaithe arna n-ainmniú ag gach Ballstát i gcomhréir leis na prionsabail a leagtar síos i gComhaontú Idirinstitiúideach **an 13 Aibreán 2016** maidir le Reachtóireacht Níos Fearr [...]*.

5. A luaithe a ghlacfaidh sé gníomh tarmligthe, tabharfaidh an Coimisiún fógra, an tráth céanna, do Pharlaimint na hEorpa agus don Chomhairle faoi.

6. Ní thiocfaidh gníomh tarmligthe a ghlactar de bhun na chéad mhíre agus an tríú mír d'Airteagal 29 i bhfeidhm ach amháin mura mbeidh aon agóid curtha in iúl ag Parlaimint na hEorpa ná ag an gComhairle laistigh de thréimhse dhá mhí tar éis fógra faoin ngníomh sin a thabhairt do Pharlaimint na hEorpa agus don Chomhairle nó más rud é, roimh dhul in éag na tréimhse sin, go mbeidh Parlaimint na hEorpa agus an Chomhairle araon tar éis a chur in iúl don Choimisiún nach ndéanfaidh siad aon agóid. Déanfar an tréimhse sin a fhadú dhá mhí ar thionscnamh Parlaimint na hEorpa nó na Comhairle.

Airteagal 27b

An nós imeachta práinne

1. Tiocfaidh gníomhartha tarmligthe a ghlactar faoin Airteagal seo i bhfeidhm gan mhoill agus beidh feidhm acu ar choinníoll nach ndéanfar agóid i gcomhréir le mír 2. Déanfar na cúiseanna le húsáid a bhaint as an nós imeachta práinne a lua san fhógra faoi ghníomhartha tarmligthe a thugtar do Pharlaimint na hEorpa agus don Chomhairle.

2. Féadfaidh Parlaimint na hEorpa nó an Chomhairle agóid a dhéanamh i gcoinne gníomh tarmligthe i gcomhréir leis an nós imeachta dá dtagraítear in Airteagal 28a(6). I gcás den sórt sin, déanfaidh an Coimisiún an gníomh tarmligthe a aisghairm láithreach tar éis do Pharlaimint na hEorpa nó don Chomhairle fógra a thabhairt don Choimisiún maidir leis an gcinneadh agóid a dhéanamh."

* IO L 123, 12.5.2016, lch. 1.";

(2) in Airteagal 28, scriostar mír 3 agus mír 4;

(3) leasaítear Airteagal 29 mar a leanas:

(a) cuirtear an méid seo a leanas in ionad na chéad mhíre:

"Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 27a a bhaineann le leasuithe ar na ceanglais theicniúla a leagtar amach in Iarscríbhinní I go IV chun iad a oiriúnú don dul chun cinn teicniúil agus eolaíoch.

Más rud é, i gcás na gceanglas teicniúil a leagtar amach in Iarscríbhinn III agus in Iarscríbhinn IV, go n-éilítear amhlaidh ar mhórfhorais phráinne, beidh feidhm ag an nós imeachta dá bhforáiltear in Airteagal 27b maidir le gníomhartha tarmligthe a ghlactar de bhun an Airteagail seo.";

(b) sa dara mír, scriostar pointe (i);

(c) cuirtear an méid seo a leanas in ionad an tríú mír agus an ceathrú mír:

"Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 27a lena bhforlíontar an Treoir seo maidir leis na ceanglais theicniúla dá dtagraítear sa dara mír.

Más rud é, i gcás na gceanglas teicniúil dá dtagraítear i bpointí (b), (c), (d), (e), (f) agus (g) den dara mír, go n-éilítear amhlaidh ar mhórfhorais phráinne, beidh feidhm ag an nós imeachta dá bhforáiltear in Airteagal 27b maidir le gníomhartha tarmligthe a ghlactar de bhun an Airteagail seo.";

(d) cuirtear an cúigiú mír seo a leanas isteach:

Déanfaidh an Coimisiún nós imeachta a bhunú maidir le frithghníomhartha díobhálacha agus teagmhais dhíobhálacha a chur in iúl chomh maith le formáid na fógartha trí bhíthin gníomhartha chur chun feidhme. Déanfar na gníomhartha cur chun feidhme sin a ghlacadh i gcomhréir leis an nós imeachta dá dtagraítear in Airteagal 28(2)."

145. Rialachán (CE) Uimh. 178/2002 ó Pharlaimint na hEorpa agus ón gComhairle an 28 Eanáir 2002 lena leagtar síos prionsabail ghinearálta agus ceanglais ghinearálta dhlí an bhia, lena mbunaítear an tÚdarás Eorpach um Shábháilteacht Bia agus lena leagtar síos nósanna imeachta i gcúrsaí sábháilteachta bia¹⁰

Chun cuspóirí Rialachán (CE) Uimh. 178/2002 a bhaint amach, ba cheart an chumhacht chun gníomhartha a ghlacadh i gcomhréir le hAirteagal 290 den Chonradh a tharmligean chuig an gCoimisiún chun an Rialachán sin a leasú maidir le líon agus ainmneacha na bPainéal Eolaíoch, agus chun an Rialachán sin a fhorlíonadh leis an nós imeachta atá le cur i bhfeidhm ag an Údarás maidir le hiarrataí ar thuairim eolaíoch, leis na critéir maidir le hinstitiúid a áireamh ar liosta na n-eagraíochtaí inniúla arna n-ainmniú ag na Ballstáit, agus leis na socruithe maidir le ceanglais cháilíochta chomhchuibhithe a leagan amach agus rialacha airgeadais lena rialaítear aon tacaíocht airgeadais.

¹⁰ IO L 31, 1.2.2002, lch.1.

Tá sé tábhachtach, go háirithe, go rachadh an Coimisiún i mbun comhairliúcháin iomchuí le linn a chuid oibre ullmhúcháin, lena n-áirítear ar leibhéal na saineolaithe, agus go ndéanfar na comhairliúcháin sin i gcomhréir leis na prionsabail a leagtar síos i gComhaontú Idirinstitiúideach **an 13 Aibreán 2016** maidir le Reachtóireacht Níos Fearr [...]. Go sonrach, chun rannpháirtíocht chomhionann in ullmhú na gníomhartha tarmligthe a áirithiú, gheobhaidh Parlaimint na hEorpa agus an Chomhairle na doiciméid uile ag an am céanna leis na saineolaithe sna Ballstáit, agus beidh rochtain chórasach ag a gcuid saineolaithe ar chruinnithe ghrúpaí saineolaithe an Choimisiúin a bheidh ag déileáil le hullmhú na gníomhartha tarmligthe.

Dá réir sin, leasaítear Rialachán (CE) Uimh. 178/2002 mar a leanas:

(1) in Airteagal 28(4), cuirtear an méid seo a leanas in ionad an dara fohmhir:

"Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 57a lena leasaítear an chéad fhomhír maidir le líon agus ainmneacha na bPainéal Eolaíoch, agus i bhfianaise an dul chun cinn eolaíoch agus theicniúil, arna iarraidh sin don Údarás.";

(2) cuirtear an méid seo a leanas in ionad Airteagal 29(6):

"6. Chun an tAirteagal seo a chur i bhfeidhm, glacfaidh an Coimisiún, tar éis dó dul i gcomhairle leis an Údarás, na nithe seo a leanas:

(a) gníomhartha tarmligthe i gcomhréir le hAirteagal 57a **lena bhforlíontar an Rialachán seo tríd** [...] an nós imeachta atá le cur i bhfeidhm ag an Údarás maidir le hiarrataí ar thuairim eolaíoch **a leagan síos**;

gníomhartha cur chun feidhme lena leagtar síos na treoirlínte lena rialaítear an mheastóireacht eolaíoch ar shubstaintí, táirgí nó próisis atá faoi réir, faoi reachtaíocht **an Aontais** [...] córas réamhúdarúcháin nó iontrála ar liosta dearfach, go háirithe i gcás ina bhforáiltear nó ina gceadaítear i reachtaíocht [...] **an Aontais**, go bhféadfaidh iarratasóir sainchomhad a thíolacadh chun na críche sin. Déanfar na gníomhartha cur chun feidhme sin a ghlacadh i gcomhréir leis an nós imeachta dá dtagraítear in Airteagal 58(2).";

(3) in Airteagal 36(3), cuirtear an méid seo a leanas in ionad na chéad fhomhíre:

"Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 57a **chun an Rialachán seo a fhorlíonadh trí** na critéir maidir le hinstitiúid a áireamh ar liosta na n-eagraíochtaí inniúla arna n-ainmniú ag na Ballstáit, na socrúithe maidir leis na ceanglais cháilíochta chomhchuibhithe a leagan amach agus na rialacha airgeadais lena rialaítear aon tacaíocht airgeadais a bhunú.";

(4) i gCaibidil V, cuirtear an méid seo a leanas in ionad theideal Roinn 1:

"ROINN 1
TARMLIGEAN CUMHACHTA, NÓSANNA IMEACHTA CUR CHUN FEIDHME
AGUS IDIRGHABHÁLA"";

(5) cuirtear an tAirteagal 57a seo a leanas isteach i ndiaidh theideal Roinn 1:

"Airteagal 57a
An tarmligean a fheidhmiú

1. Is faoi réir na gcoinníollacha a leagtar síos san Airteagal seo a thugtar an chumhacht don Choimisiún chun gníomhartha tarmligthe a ghlacadh.
2. Déanfar na cumhachtaí chun gníomhartha tarmligthe a ghlacadh dá dtagraítear in Airteagal 28(4), in Airteagal 29(6) agus in Airteagal 36(3) a thabhairt don Choimisiún go ceann **tréimhse cúig bliana** [...] amhail ón [dáta theacht i bhfeidhm **an Rialacháin seo** [...]]. **Déanfaidh an Coimisiún, tráth nach déanaí ná naoi mí roimh dheireadh na tréimhse cúig bliana, tuarascáil a tharraingt suas maidir le tarmligean na cumhachta. Déanfar tarmligean na cumhachta a fhadú go hintuigthe go ceann tréimhsí comhfhaid, mura rud é go gcuireann Parlaimint na hEorpa nó an Chomhairle in aghaidh an fhadaithe sin tráth nach déanaí ná trí mhí roimh dheireadh gach tréimhse.**
3. Féadfaidh Parlaimint na hEorpa nó an Chomhairle tarmligean na cumhachta dá dtagraítear in Airteagal 28(4), in Airteagal 29(6) agus in Airteagal 36(3) a chúlghairm aon tráth. Déanfaidh cinneadh chun cúlghairm a dhéanamh deireadh a chur le tarmligean na cumhachta atá sonraithe sa chinneadh sin. Gabhfaidh éifeacht leis an lá tar éis fhoilsiú an chinnidh in *Iris Oifigiúil an Aontais Eorpaigh* nó ar dháta is déanaí a shonrófar sa chinneadh. Ní dhéanfaidh sé difear do bhailíocht aon ghníomhartha tarmligthe atá i bhfeidhm cheana.
4. Roimh dó gníomh tarmligthe a ghlacadh, rachaidh an Coimisiún i mbun comhairliúcháin le saineolaithe arna n-ainmniú ag gach Ballstát i gcomhréir leis na prionsabail a leagtar síos i gComhaontú Idirinstitiúideach **an 13 Aibreán 2016** maidir le Reachtóireacht Níos Fearr [...]*.
5. A luaithe a ghlacfaidh sé gníomh tarmligthe, tabharfaidh an Coimisiún fógra, an tráth céanna, do Pharlaimint na hEorpa agus don Chomhairle faoi.
6. Ní thiocfaidh gníomh tarmligthe a ghlactar de bhun Airteagal 28(4), Airteagal 29(6) agus Airteagal 36(3) i bhfeidhm ach amháin mura mbeidh aon agóid curtha in iúl ag Parlaimint na hEorpa ná ag an gComhairle laistigh de thréimhse dhá mhí tar éis fógra faoin ngníomh sin a thabhairt do Pharlaimint na hEorpa agus don Chomhairle nó más rud é, roimh dhul in éag na tréimhse sin, go mbeidh Parlaimint na hEorpa agus an Chomhairle araon tar éis a chur in iúl don Choimisiún nach ndéanfaidh siad aon agóid. Déanfar an tréimhse sin a fhadú dhá mhí ar thionscnamh Pharlaimint na hEorpa nó na Comhairle.

* IO L 123, 12.5. 2016, lch. 1.";

(6) in Airteagal 58, scriostar mír 3.

146. Treoir 2003/99/CE ó Pharlaimint na hEorpa agus ón gComhairle an 17 Samhain 2003 maidir le faireachán ar zónóisí agus ar oibreáin zónóiseacha, lena leasaítear Cinneadh 90/424/CEE ón gComhairle agus lena n-aisghairtear Treoir 92/117/CEE ón gComhairle¹¹

Chun cuspóirí Threoir 2003/99/CE a bhaint amach, ba cheart an chumhacht chun gníomhartha a ghlacadh i gcomhréir le hAirteagal 290 den Chonradh a tharmligean chuig an gCoimisiún chun Iarscríbhinn I a ghabhann leis an Treoir sin a leasú chun na liostaí de na zónóisí agus de na hoibreáin zónóiseacha a leagtar amach san Iarscríbhinn sin a leasú **agus**, chun Iarscríbhinn II, Iarscríbhinn III agus Iarscríbhinn IV a ghabhann leis an Treoir sin a leasú [...]. Tá sé tábhachtach, go háirithe, go rachadh an Coimisiún i mbun comhairliúcháin iomchuí le linn a chuid oibre ullmhúcháin, lena n-áirítear ar leibhéal na saineolaithe, agus go ndéanfar na comhairliúcháin sin i gcomhréir leis na prionsabail a leagtar síos i gComhaontú Idirinstitiúideach **an 13 Aibreán 2016** maidir le Reachtóireacht Níos Fearr [...]. Go sonrach, chun rannpháirtíocht chomhionann in ullmhú na ngníomhartha tarmligthe a áirithiú, gheobhaidh Parlaimint na hEorpa agus an Chomhairle na doiciméid uile ag an am céanna leis na saineolaithe sna Ballstáit, agus beidh rochtain chórasach ag a gcuid saineolaithe ar chruinnithe ghrúpaí saineolaithe an Choimisiúin a bheidh ag déileáil le hullmhú na ngníomhartha tarmligthe.

Chun coinníollacha aonfhoirmeacha a áirithiú chun Cinneadh Uimh. 2003/99/CE ón gComhairle a chur chun feidhme, ba cheart cumhachtaí cur chun feidhme a thabhairt don Choimisiún chun cláir faireacháin chomhordaithe a bhunú maidir le zónóis amháin nó níos mó nó oibreáin zónóiseach amháin nó níos mó. Ba cheart na cumhachtaí sin a fheidhmiú i gcomhréir le Rialachán (AE) Uimh. 182/2011.

Dá réir sin, leasaítear Treoir 2003/99/CE mar a leanas:

(1) in Airteagal 4, cuirtear an méid seo a leanas in ionad mhír 4:

"4. Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 11a lena leasaítear Iarscríbhinn I chun na liostaí de na zónóisí agus de na hoibreáin zónóiseacha a thabhairt cothrom le dáta, agus na critéir seo a leanas á gcur san áireamh go háirithe:

- (a) a mhinice a fhaightear iad i ndaonra ainmhithe agus i ndaonra daoine, i mbeatha ainmhithe agus i mbia do dhaoine;
- (b) a thromchúisí atá a n-éifeachtaí ar dhaoine;
- (c) a n-iarmhairtí eacnamaíocha maidir le cúram sláinte d'ainmhithe agus do dhaoine agus maidir le gnólachtaí bia agus beatha;
- (d) treochtaí eipidéimeolaíocha i ndaonra ainmhithe agus i ndaonra daoine, i mbeatha ainmhithe agus i mbia do dhaoine.

¹¹ IO L 325, 12.12.2003, lch. 31

Más rud é go n-éilítear amhlaidh ar mhórfhorais phráinne, chun sláinte an duine a chosaint, beidh feidhm ag an nós imeachta dá bhforáiltear in Airteagal 11b maidir le gníomhartha tarmligthe a ghlactar de bhun an Airteagail seo.";

(2) in Airteagal 5, cuirtear an méid seo a leanas in ionad mhír 1:

"1. Más rud é nach leor na sonraí a bhailítear trí ghnáthfhaireachán i gcomhréir le hAirteagal 4, **féadfaidh an Coimisiún a bhunú, trí bhíthin gníomhartha tarmligthe [...]** cláir faireacháin chomhordaithe maidir le zónóis amháin nó níos mó nó oibreán zónóiseach amháin nó níos mó. Glacfar na gníomhartha **cur chun feidhme sin [...]** go háirithe nuair a shainaithnítear riachtanais shonracha agus nuair atá gá le rioscaí a mheasúnú nó chun luachanna bonnlíne i ndáil le zónóisí nó oibreáin zónóiseacha a bhunú ar leibhéal na mBallstát nó ar leibhéal an Aontais. **Déanfar na gníomhartha cur chun feidhme sin a ghlacadh i gcomhréir leis an nós imeachta scrúdúcháin dá dtagraítear in Airteagal 12(2)**";

(3) in Airteagal 11, cuirtear an méid seo a leanas in ionad na chéad mhíre agus an dara mír:

"Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 11a chun Iarscríbhinn II, Iarscríbhinn III agus Iarscríbhinn IV a leasú, agus na critéir seo a leanas á gcur san áireamh go háirithe:

- (a) a mhinice a fhaightear zónóisí, oibreáin zónóiseacha agus frithsheasmhacht in aghaidh ábhair fhrithmhocróbacha i ndaonra ainmhithe agus i ndaonra daoine, i mbeatha ainmhithe, i mbia do dhaoine agus sa chomhshaol,
- (b) infhaighteacht uirlisí nua faireacháin agus tuairiscithe,
- (c) na riachtanais a theastaíonn chun treochtaí a mheas ar an leibhéal náisiúnta, Eorpach nó domhanda.";

(4) cuirtear an tAirteagal 11a agus an tAirteagal 11b seo a leanas isteach:

"Airteagal 11a
An tarmligean a fheidhmiú

1. Is faoi réir na gcoinníollacha a leagtar síos san Airteagal seo a thugtar an chumhacht don Choimisiún chun gníomhartha tarmligthe a ghlacadh.

2. Déanfar an chumhacht chun gníomhartha tarmligthe a ghlacadh dá dtagraítear in Airteagal 4(4)[...] agus Airteagal 11 a thabhairt go ceann **tréimhse 5 bliana [...]** amhail ón [dáta theacht i bhfeidhm **an Rialacháin seo [...]**]. **Déanfaidh an Coimisiún, tráth nach déanaí ná naoi mí roimh dheireadh na tréimhse cúig bliana, tuarascáil a tharraingt suas maidir le tarmligean na cumhachta. Déanfar tarmligean na cumhachta a fhadú go hintuigthe go ceann tréimhsí comhfhaid, mura rud é go gcuireann Parlaimint na hEorpa nó an Chomhairle in aghaidh an fhadaithe sin tráth nach déanaí ná trí mhí roimh dheireadh gach tréimhse.**

3. Féadfaidh Parlaimint na hEorpa nó an Chomhairle tarmligean na gcumhachtaí dá dtagraítear in Airteagal[...] 4(4)[...] agus in Airteagal 11 a chúlghairm aon tráth. Déanfaidh cinneadh chun cúlghairm a dhéanamh deireadh a chur le tarmligean na cumhachta atá sonraithe sa chinneadh sin. Gabhfaidh éifeacht leis an lá tar éis fhoilsiú an chinnidh in *Iris Oifigiúil an Aontais Eorpaigh* nó ar dháta is déanaí a shonrófar sa chinneadh. Ní dhéanfaidh sé difear do bhailíocht aon ghníomhartha tarmligthe atá i bhfeidhm cheana.

4. Roimh dó gníomh tarmligthe a ghlacadh, rachaidh an Coimisiún i mbun comhairliúchán le saineolaithe arna n-ainmniú ag gach Ballstát i gcomhréir leis na prionsabail a leagtar síos i gComhaontú Idirinstitiúideach **an 13 Aibreán 2016** maidir le Reachtóireacht Níos Fearr [...]*.

5. A luaithe a ghlacfaidh sé gníomh tarmligthe, tabharfaidh an Coimisiún fógra, an tráth céanna, do Pharlaimint na hEorpa agus don Chomhairle faoi.

6. Ní thiocfaidh gníomh tarmligthe a ghlactar de bhun Airteagal[...] 4(4)[...] agus Airteagal 11 i bhfeidhm ach amháin mura mbeidh aon agóid curtha in iúl ag Parlaimint na hEorpa ná ag an gComhairle laistigh de thréimhse dhá mhí tar éis fógra faoin ngníomh sin a thabhairt do Pharlaimint na hEorpa agus don Chomhairle nó más rud é, roimh dhul in éag na tréimhse sin, go mbeidh Parlaimint na hEorpa agus an Chomhairle araon tar éis a chur in iúl don Choimisiún nach ndéanfaidh siad aon agóid. Déanfar an tréimhse sin a fhadú dhá mhí ar thionscnamh Pharlaimint na hEorpa nó na Comhairle.

Airteagal 11b

An nós imeachta práinne

1. Tiocfaidh gníomhartha tarmligthe a ghlactar faoin Airteagal seo i bhfeidhm gan mhoill agus beidh feidhm acu ar choinníoll nach ndéanfar agóid i gcomhréir le mír 2. Déanfar na cúiseanna le húsáid a bhaint as an nós imeachta práinne a lua san fhógra faoi ghníomhartha tarmligthe a thugtar do Pharlaimint na hEorpa agus don Chomhairle.

2. Féadfaidh Parlaimint na hEorpa nó an Chomhairle agóid a dhéanamh i gcoinne gníomh tarmligthe i gcomhréir leis an nós imeachta dá dtagraítear in Airteagal 11 a(6). I gcás den sórt sin, déanfaidh an Coimisiún an gníomh tarmligthe a aisghairm láithreach tar éis do Pharlaimint na hEorpa nó don Chomhairle fógra a thabhairt don Choimisiún maidir leis an gcinneadh agóid a dhéanamh."

* IO L 123, 12.5.2016, lch. 1.";

(5) in Airteagal 12, scriostar mír 3 agus mír 4.

147. Rialachán (CE) Uimh. 1829/2003 ó Pharlaimint na hEorpa agus ón gComhairle an 22 Meán Fómhair 2003 maidir le bia géinmhodhnaithe agus le beatha ghéinmhodhnaithe¹²

Chun cuspóirí Rialachán (CE) Uimh. 1829/2003 a bhaint amach, ba cheart an chumhacht chun gníomhartha a ghlacadh i gcomhréir le hAirteagal 290 den Chonradh a tharmligean chuig an gCoimisiún chun an Iarscríbhinn A ghabhann leis an Rialachán sin a leasú chun í a oiriúnú don dul chun cinn teicniúil agus chun an Rialachán sin a fhorlónadh trí thairseacha iomchuí atá níos ísle a bhunú maidir le méid OMG i mbia agus i mbeatha, nach mbeidh feidhm faoina bhun sin ag na ceanglais lipéadaithe, faoi réir coinníollacha áirithe, agus trí rialacha ar leith a bhunú a ghabhann leis an bhfaisnéis a bheidh le tabhairt ag oll-lónadóirí a chuireann bia ar fáil don tomhaltóir deiridh.

Tá sé tábhachtach, go háirithe, go rachadh an Coimisiún i mbun comhairliúcháin iomchuí le linn a chuid oibre ullmhúcháin, lena n-áirítear ar leibhéal na saineolaithe, agus go ndéanfar na comhairliúcháin sin i gcomhréir leis na prionsabail a leagtar síos i gComhaontú Idirinstitiúideach an 13 Aibreán 2016 maidir le Reachtóireacht Níos Fearr [...]*. Go sonrach, chun rannpháirtíocht chomhionann in ullmhú na ngníomhartha tarmligthe a áirithiú, gheobhaidh Parlaimint na hEorpa agus an Chomhairle na doiciméid uile ag an am céanna leis na saineolaithe sna Ballstáit, agus beidh rochtain chórasach ag a gcuid saineolaithe ar chruinnithe ghrúpaí saineolaithe an Choimisiúin a bheidh ag déileáil le hullmhú na ngníomhartha tarmligthe.

Chun coinníollacha aonfhoirmeacha a áirithiú maidir le Rialachán (CE) Uimh. 1829/2003 a chur chun feidhme, ba cheart cumhachtaí cur chun feidhme a thabhairt don Choimisiún i ndáil leis na bearta is gá chun go sásóidh na hoibreoirí na húdaráis inniúla, leis na bearta is gá chun go gcomhlíonfaidh na hoibreoirí na ceanglais lipéadaithe agus le rialacha chun cur i bhfeidhm aonfhoirmeach forálacha áirithe a éascú. Ba cheart na cumhachtaí sin a fheidhmiú i gcomhréir le Rialachán (AE) Uimh. 182/2011.

Dá réir sin, leasaítear Rialachán (CE) Uimh. 1829/2003 mar a leanas:

(1) in Airteagal 3, cuirtear an méid seo a leanas in ionad mhír 2:

"2. Féadfaidh an Coimisiún cinneadh a dhéanamh, trí bhíthin gníomhartha cur chun feidhme, cibé acu an dtagann cineál áirithe bia faoi raon feidhme na Ranna seo nó nach dtagann. Déanfar na gníomhartha cur chun feidhme sin a ghlacadh i gcomhréir leis an nós imeachta dá dtagraítear in Airteagal 35(2).";

(2) in Airteagal 12, cuirtear an méid seo a leanas in ionad mhír 4:

"4. Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 34a, **lena bhforlíontar an Rialachán seo** trí thairseacha iomchuí atá níos ísle a bhunú, go háirithe i ndáil le bia a bhfuil OGManna ann, nó atá comhdhéanta díobh, nó ag cur san áireamh an dul chun cinn sa teicneolaíocht agus san eolaíocht.";

¹² IO L 268, 18.10.2003, lch. 1

(3) cuirtear an méid seo a leanas in ionad Airteagal 14:

"Airteagal 14

Cumhachtaí tarmligthe agus cur chun feidhme

1. Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 34a, **lena bhforlíontar an Rialachán seo trí rialacha** ar leith a ghlacadh maidir leis an bhfaisnéis a bheidh le tabhairt ag oll-lónadóirí a chuireann bia ar fáil don tomhaltóir deiridh. Chun staid shonrach na n-oll-lónadóirí a chur san áireamh, féadfar a fhoráil sna rialacha sin go ndéanfar na ceanglais a leagtar amach in Airteagal 13(1)(e) a oiriúnú.

2. Féadfaidh an Coimisiún, trí bhíthin gníomhartha cur chun feidhme, an méid seo a leanas a ghlacadh:

(a) na bearta is gá chun go sásóidh na hoibreoirí na húdaráis inniúla dá dtagraítear in Airteagal 12(3);

(b) na bearta is gá chun go gcomhlíonfaidh na hoibreoirí na ceanglais lipéadaithe a leagtar amach in Airteagal 13;

(c) rialacha mionsonraithe chun cur i bhfeidhm aonfhoirmeach Airteagal 13 a éascú.

Déanfar na gníomhartha cur chun feidhme sin a ghlacadh i gcomhréir leis an nós imeachta dá dtagraítear in Airteagal 35(2).";

(4) in Airteagal 15, cuirtear an méid seo a leanas in ionad mhír 2:

"2. Féadfaidh an Coimisiún cinneadh a dhéanamh, trí bhíthin gníomhartha chur chun feidhme, cibé acu an dtagann cineál áirithe beatha faoi raon feidhme na Ranna seo nó nach dtagann. Déanfar na gníomhartha cur chun feidhme sin a ghlacadh i gcomhréir leis an nós imeachta dá dtagraítear in Airteagal 35(2).";

(5) in Airteagal 24, cuirtear an méid seo a leanas in ionad mhír 4:

"4. Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 34a, **lena bhforlíontar an Rialachán seo trí thairseacha iomchuí** atá níos ísle a bhunú, go háirithe i ndáil le beatha a bhfuil OGManna ann, nó atá comhdhéanta díobh, nó ag cur san áireamh an dul chun cinn sa teicneolaíocht agus san eolaíocht.";

(6) cuirtear an méid seo a leanas in ionad Airteagal 26:

"Airteagal 26

Cumhachtaí cur chun feidhme

Féadfaidh an Coimisiún, trí bhíthin gníomhartha cur chun feidhme, an méid seo a leanas a ghlacadh:

(a) na bearta is gá chun go sásóidh na hoibreoirí na húdaráis inniúla dá dtagraítear in Airteagal 24(3);

(b) na bearta is gá chun go gcomhlíonfaidh na hoibreoirí na ceanglais lipéadaithe a leagtar amach in Airteagal 25;

(c) rialacha mionsonraithe chun cur i bhfeidhm aonfhoirmeach Airteagal 25 a éascú.

Déanfar na gníomhartha cur chun feidhme sin a ghlacadh i gcomhréir leis an nós imeachta dá dtagraítear in Airteagal 35(2). "

(7) in Airteagal 32, cuirtear an méid seo a leanas in ionad an séú mír:

"Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 34a, lena leasaítear an Iarscríbhinn chun í a oiriúnú don dul chun cinn teicniúil.";

(8) cuirtear isteach an tAirteagal 34a seo a leanas:

"Airteagal 34a

An tarmligeán a fheidhmiú

1. Is faoi réir na gcoinníollacha a leagtar síos san Airteagal seo a thugtar an chumhacht don Choimisiún chun gníomhartha tarmligthe a ghlacadh.

2. Déanfar an chumhacht chun gníomhartha tarmligthe a ghlacadh dá dtagraítear in Airteagal 12(4), Airteagal 14(1a), Airteagal 24(4) agus an séú mír d'Airteagal 32, a thabhairt don Choimisiún go ceann **tréimhse cúig bliana** [...] amhail ón [dáta theacht i bhfeidhm **an Rialacháin** seo [...]]. **Déanfaidh an Coimisiún, tráth nach déanaí ná naoi mí roimh dheireadh na tréimhse cúig bliana, tuarascáil a tharraingt suas maidir le tarmligeán na cumhachta. Déanfar tarmligeán na cumhachta a fhadú go hintuigthe go ceann tréimhsí comhfhaid, mura rud é go gcuireann Parlaimint na hEorpa nó an Chomhairle in aghaidh an fhadaithe sin tráth nach déanaí ná trí mhí roimh dheireadh gach tréimhse.**

3. Féadfaidh Parlaimint na hEorpa nó an Chomhairle tarmligeán na cumhachta dá dtagraítear in Airteagal 12(4), in Airteagal 14(1a), in Airteagal 24(4) agus sa séú mír d'Airteagal 32 a chúlghairm aon tráth. Déanfaidh cinneadh chun cúlghairm a dhéanamh deireadh a chur le tarmligeán na cumhachta atá sonraithe sa chinneadh sin. Gabhfaidh éifeacht leis an lá tar éis fhoilsiú an chinnidh in *Iris Oifigiúil an Aontais Eorpaigh* nó ar dháta is déanaí a shonrófar sa chinneadh. Ní dhéanfaidh sé difear do bhailíocht aon ghníomhartha tarmligthe atá i bhfeidhm cheana.

4. Roimh dó gníomh tarmligthe a ghlacadh, rachaidh an Coimisiún i mbun comhairliúchán le saineolaithe arna n-ainmniú ag gach Ballstát i gcomhréir leis na prionsabail a leagtar síos i gComhaontú Idirinstitiúideach **an 13 Aibreán 2016** maidir le Reachtóireacht Níos Fearr [...]*.

5. A luaithé a ghlacfaidh sé gníomh tarmligthe, tabharfaidh an Coimisiún fógra, an tráth céanna, do Pharlaimint na hEorpa agus don Chomhairle faoi.

6. Ní thiocfaidh gníomh tarmligthe a ghlactar de bhun Airteagal 12(4), Airteagal 14(1a), Airteagal 24(4) nó an séú mír d'Airteagal 32 i bhfeidhm ach amháin mura mbeidh aon agóid curtha in iúl ag Parlaimint na hEorpa ná ag an gComhairle laistigh de thréimhse dhá mhí tar éis fógra faoin ngníomh sin a thabhairt do Pharlaimint na hEorpa agus don Chomhairle nó más rud é, roimh dhul in éag na tréimhse sin, go mbeidh Parlaimint na hEorpa agus an Chomhairle araon tar éis a chur in iúl don Choimisiún nach ndéanfaidh siad aon agóid. Déanfar an tréimhse sin a fhadú dhá mhí ar thionscnamh Pharlaimint na hEorpa nó na Comhairle.

* IO L 123, 12.5.2016, lch. 1.";

(9) in Airteagal 35, scriostar mír 3;

(10) in Airteagal 47, scriostar mír 3.

148. Rialachán (CE) Uimh. 1830/2003 ó Pharlaimint na hEorpa agus ón gComhairle an 22 Meán Fómhair 2003 maidir le hinrianaitheacht agus le lipéadú orgánach géinmhodhnaithe agus maidir le hinrianaitheacht táirgí bia agus táirgí beatha a tháirgtear ó orgánaigh ghéinmhodhnaithe agus lena leasaítear Treoir 2001/18/CE¹³

Chun cuspóirí Rialachán (CE) Uimh. 1830/2003 a bhaint amach, ba cheart an chumhacht chun gníomhartha a ghlacadh i gcomhréir le hAirteagal 290 den Chonradh a tharmligeann chuig an gCoimisiún chun an Rialachán sin a fhorlíonadh trí chóras a bhunú chun aitheantóirí uathúla a fhorbairt agus a shannadh d'orgánaigh ghéinmhodhnaithe. Tá sé tábhachtach, go háirithe, go rachadh an Coimisiún i mbun comhairliúcháin iomchuí le linn a chuid oibre ullmhúcháin, lena n-áirítear ar leibhéal na saineolaithe, agus go ndéanfar na comhairliúcháin sin i gcomhréir leis na prionsabail a leagtar síos i gComhaontú Idirinstitiúideach an **13 Aibreán 2016** maidir le Reachtóireacht Níos Fearr [...]. Go sonrach, chun rannpháirtíocht chomhionann in ullmhú na ngníomhartha tarmligthe a áirithiú, gheobhaidh Parlaimint na hEorpa agus an Chomhairle na doiciméid uile ag an am céanna leis na saineolaithe sna Ballstáit, agus beidh rochtain chórasach ag a gcuid saineolaithe ar chruinnithe ghrúpaí saineolaithe an Choimisiúin a bheidh ag déileáil le hullmhú na ngníomhartha tarmligthe.

Dá réir sin, leasaítear Rialachán (CE) Uimh. 1830/2003 mar a leanas:

¹³ IO L 268, 18.10.2003, lch. 24

(1) cuirtear an méid seo a leanas in ionad Airteagal 8:

"Airteagal 8
Aitheantóirí uathúla

Tabharfar de chumhacht don Choimisiún gníomhartha tarmligthe a ghlacadh, i gcomhréir le hAirteagal 9a, **lena bhforlíontar an Rialachán seo** trí chóras chun aitheantóirí uathúla a fhorbairt agus a shannadh d'OGManna, ag cur san áireamh forbairtí i bhfóraim idirnáisiúnta.";

(2) cuirtear isteach an tAirteagal 9a seo a leanas:

"Airteagal 9a
An tarmligeán a fheidhmiú

1. Is faoi réir na gcoinníollacha a leagtar síos san Airteagal seo a thugtar an chumhacht don Choimisiún chun gníomhartha tarmligthe a ghlacadh.
2. Déanfar an chumhacht chun gníomhartha tarmligthe a ghlacadh dá dtagraítear in Airteagal 8 a thabhairt don Choimisiún go ceann **tréimhse cúig bliana amhail [...]** ón [dáta theacht i bhfeidhm **an Rialacháin seo [...]**]. **Déanfaidh an Coimisiún, tráth nach déanaí ná naoi mí roimh dheireadh na tréimhse cúig bliana, tuarascáil a tharraingt suas maidir le tarmligeán na cumhachta. Déanfar tarmligeán na cumhachta a fhadú go hintuigthe go ceann tréimhsí comhfhaid, mura rud é go gcuireann Parlaimint na hEorpa nó an Chomhairle in aghaidh an fhadaithe sin tráth nach déanaí ná trí mhí roimh dheireadh gach tréimhse.**
3. Féadfaidh Parlaimint na hEorpa nó an Chomhairle tarmligeán na cumhachta dá dtagraítear in Airteagal 8 a chúlghairm aon tráth. Déanfaidh cinneadh chun cúlghairm a dhéanamh deireadh a chur le tarmligeán na cumhachta atá sonraithe sa chinneadh sin. Gabhfaidh éifeacht leis an lá tar éis fhoilsiú an chinnidh in *Iris Oifigiúil an Aontais Eorpaigh* nó ar dháta is déanaí a shonrófar sa chinneadh. Ní dhéanfaidh sé difear do bhailíocht aon ghníomhartha tarmligthe atá i bhfeidhm cheana.
4. Roimh dó gníomh tarmligthe a ghlacadh, rachaidh an Coimisiún i mbun comhairliúcháin le saineolaithe arna n-ainmniú ag gach Ballstát i gcomhréir leis na prionsabail a leagtar síos i gComhaontú Idirinstitiúideach **an 13 Aibreán 2016** maidir le Reachtóireacht Níos Fearr [...].*
5. A luaithe a ghlacfaidh sé gníomh tarmligthe, tabharfaidh an Coimisiún fógra, an tráth céanna, do Pharlaimint na hEorpa agus don Chomhairle faoi.

6. Ní thiocfadh gníomh tarmligthe a ghlactar de bhun Airteagal 8 i bhfeidhm ach amháin mura mbeidh aon agóid curtha in iúl ag Parlaimint na hEorpa ná ag an gComhairle laistigh de thréimhse dhá mhí tar éis fógra faoin ngníomh sin a thabhairt do Pharlaimint na hEorpa agus don Chomhairle nó más rud é, roimh dhul in éag na tréimhse sin, go mbeidh Parlaimint na hEorpa agus an Chomhairle araon tar éis a chur in iúl don Choimisiún nach ndéanfaidh siad aon agóid. Déanfar an tréimhse sin a fhadú dhá mhí ar thionscnamh Parlaimint na hEorpa nó na Comhairle.

* IO L 123, 12; 5. 2016, lch. 1.";

(3) in Airteagal 10, scriostar mír 2;

(4) in Airteagal 13, scriostar an chéad fhomhír de mhír 2.

149. Rialachán (CE) Uimh. 1831/2003 ó Pharlaimint na hEorpa agus ón gComhairle an 22 Meán Fómhair 2003 maidir le breiseáin lena n-úsáid i gcothú ainmhithe¹⁴

Chun cuspóirí Rialachán (CE) Uimh. 1831/2003 a bhaint amach, ba cheart an chumhacht chun gníomhartha a ghlacadh i gcomhréir le hAirteagal 290 den Chonradh a tharmligeann chuig an gCoimisiún chun Iarscríbhinní I, II, III agus IV a ghabhann leis an Rialachán sin a leasú chun iad a oiriúnú don dul chun cinn teicniúil agus chun an Rialachán sin a fhorlíonadh le rialacha lena bhféadfaidh forálacha simplithe a bheith ann maidir le húdarú breiseáin a bheidh údaráithe cheana lena n-úsáid i mbia. Tá sé tábhachtach, go háirithe, go rachadh an Coimisiún i mbun comhairliúcháin iomchuí le linn a chuid oibre ullmhúcháin, lena n-áirítear ar leibhéal na saineolaithe, agus go ndéanfar na comhairliúcháin sin i gcomhréir leis na prionsabail a leagtar síos i gComhaontú Idirinstitiúideach **an 13 Aibreán 2016** maidir le Reachtóireacht Níos Fearr [...]. Go sonrach, chun rannpháirtíocht chomhionann in ullmhú na ngníomhartha tarmligthe a áirithiú, gheobhaidh Parlaimint na hEorpa agus an Chomhairle na doiciméid uile ag an am céanna leis na saineolaithe sna Ballstáit, agus beidh rochtain chórasach ag a gcuid saineolaithe ar chruinnithe ghrúpaí saineolaithe an Choimisiúin a bheidh ag déileáil le hullmhú na ngníomhartha tarmligthe.

Dá réir sin, leasaítear Rialachán (CE) Uimh. 1831/2003 mar a leanas:

(1) in Airteagal 3, cuirtear an méid seo a leanas in ionad mhír 5:

"5. Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 21a lena leasaítear Iarscríbhinn IV chun na coinníollacha ginearálta a leagtar síos ann a oiriúnú don dul chun cinn teicneolaíoch nó eolaíoch.";

(2) in Airteagal 6, cuirtear an méid seo a leanas in ionad mhír 3:

"3. Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 21a lena leasaítear Iarscríbhinn I chun catagóirí de bhreiseáin i gcothú ainmhithe agus feidhmghrúpaí a oiriúnú mar thoradh ar an dul chun cinn teicneolaíoch agus eolaíoch.";

¹⁴ IO L 268, 18.10.2003, lch. 29

(3) In Airteagal 7(5), cuirtear an méid seo a leanas in ionad an tríú fomhír:

"5. Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 21a **lena bhforlíontar an Rialachán seo trí [...] rialacha a bhunú** lena bhféadfaidh forálacha simplithe a bheith ann maidir le húdarú breiseán a bheidh údaraithe cheana lena n-úsáid i mbia.”;

(4) in Airteagal 16, cuirtear an méid seo a leanas in ionad mhír 6:

"6. Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 21a lena leasaítear Iarscríbhinn III chun an dul chun cinn teicneolaíoch agus eolaíoch a chur san áireamh.”;

(5) in Airteagal 21, cuirtear an méid seo a leanas in ionad an ceathrú mír:

“Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 21a lena leasaítear Iarscríbhinn II.”;

(6) cuirtear isteach an tAirteagal 21a seo a leanas:

"Airteagal 21a
An tarmligeán a fheidhmiú

1. Is faoi réir na gcoinníollacha a leagtar síos san Airteagal seo a thugtar an chumhacht don Choimisiún chun gníomhartha tarmligthe a ghlacadh.

2. Déanfar an chumhacht chun gníomhartha tarmligthe a ghlacadh dá dtagraítear in Airteagal 3(5), Airteagal 6(3), Airteagal 7(5), Airteagal 16(6) agus Airteagal 21 a thabhairt don Choimisiún go ceann **tréimhse cúig bliana** [...] amhail ón [dáta theacht i bhfeidhm an Rialacháin seo [...]]. **Déanfaidh an Coimisiún, tráth nach déanaí ná naoi mí roimh dheireadh na tréimhse cúig bliana, tuarascáil a tharraingt suas maidir le tarmligeán na cumhachta. Déanfar tarmligeán na cumhachta a fhadú go hintuigthe go ceann tréimhsí comhfhaid, mura rud é go gcuireann Parlaimint na hEorpa nó an Chomhairle in aghaidh an fhadaíthe sin tráth nach déanaí ná trí mhí roimh dheireadh gach tréimhse.**

3. Féadfaidh Parlaimint na hEorpa nó an Chomhairle tarmligeán na cumhachta dá dtagraítear in Airteagail 3(5), 6(3), 7(5), 16(6) agus 21 a chúlghairm aon tráth. Déanfaidh cinneadh chun cúlghairm a dhéanamh deireadh a chur le tarmligeán na cumhachta atá sonraithe sa chinneadh sin. Gabhfaidh éifeacht leis an lá tar éis fhoilsiú an chinnidh in *Iris Oifigiúil an Aontais Eorpaigh* nó ar dháta is déanaí a shonrófar sa chinneadh. Ní dhéanfaidh sé difear do bhailíocht aon ghníomhartha tarmligthe atá i bhfeidhm cheana.

4. Roimh dó gníomh tarmligthe a ghlacadh, rachaidh an Coimisiún i mbun comhairliúcháin le saineolaithe arna n-ainmniú ag gach Ballstát i gcomhréir leis na prionsabail a leagtar síos i gComhaontú Idirinstitiúideach **an 13 Aibreán 2016** maidir le Reachtóireacht Níos Fearr [...]*.

5. A luaithe a ghlacfaidh sé gníomh tarmligthe, tabharfaidh an Coimisiún fógra, an tráth céanna, do Pharlaimint na hEorpa agus don Chomhairle faoi.

6. Ní thiocfadh gníomh tarmligthe a ghlactar de bhun Airteagail 3(5), 6(3), 7(5), 16(6) agus 21 i bhfeidhm ach amháin mura mbeidh aon agóid curtha in iúl ag Parlaimint na hEorpa ná ag an gComhairle laistigh de thréimhse dhá mhí tar éis fógra faoin ngníomh sin a thabhairt do Pharlaimint na hEorpa agus don Chomhairle nó más rud é, roimh dhul in éag na tréimhse sin, go mbeidh Parlaimint na hEorpa agus an Chomhairle araon tar éis a chur in iúl don Choimisiún nach ndéanfaidh siad aon agóid. Déanfar an tréimhse sin a fhadú dhá mhí ar thionscnamh Parlaimint na hEorpa nó na Comhairle.

* IO L 123, 12.5.2016, lch. 1.”;

(7) in Airteagal 22, scriostar mír 3.

150. Rialachán (CE) Uimh. 2065/2003 ó Pharlaimint na hEorpa agus ón gComhairle an 10 Samhain 2003 maidir le blastáin deataigh a úsáidtear nó a bheartaítear a úsáid i mbianna nó ar bhianna¹⁵

Chun cuspóirí Rialachán (CE) Uimh. 2065/2003 a ghnóthú, ba cheart an chumhacht chun gníomhartha a ghlacadh i gcomhréir le hAirteagal 290 den Chonradh a tharmligeann chuig an gCoimisiún chun na hIarscríbhinní a ghabhann leis an Rialachán sin a leasú tar éis cúnamh eolaíoch agus/nó teicniúil a iarraidh ar an údarás chun an Rialachán sin a fhorlíonadh le critéir cháilíochta le haghaidh modhanna anailíseacha bailíochtaithe. Tá sé tábhachtach, go háirithe, go rachadh an Coimisiún i mbun comhairliúcháin iomchuí le linn a chuid oibre ullmhúcháin, lena n-áirítear ar leibhéal na saineolaithe, agus go ndéanfar na comhairliúcháin sin i gcomhréir leis na prionsabail a leagtar síos i gComhaontú Idirinstitiúideach **an 13 Aibreán 2016** maidir le Reachtóireacht Níos Fearr [...]. Go sonrach, chun rannpháirtíocht chomhionann in ullmhú na ngníomhartha tarmligthe a áirithiú, gheobhaidh Parlaimint na hEorpa agus an Chomhairle na doiciméid uile ag an am céanna leis na saineolaithe sna Ballstáit, agus beidh rochtain chórasach ag a gcuid saineolaithe ar chruinnithe ghrúpaí saineolaithe an Choimisiúin a bheidh ag déileáil le hullmhú na ngníomhartha tarmligthe.

Dá réir sin, leasaítear Rialachán (CE) Uimh. 2065/2003 mar a leanas:

(1) in Airteagal 17, cuirtear an méid seo a leanas in ionad mhír 3:

"3. Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 18a **lena bhforlíontar an Rialachán seo trí** [...] chritéir cháilíochta le haghaidh modhanna anailíseacha bailíochtaithe dá dtagraítear i bpointe 4 d'iarscríbhinn II a bhunú, lena n-áirítear substaintí a bheidh le tomhas. Cuirfear an fhianaise eolaíoch a bheidh ar fáil san áireamh sna gníomhartha tarmligthe sin.”;

(2) in Airteagal 18, cuirtear an méid seo a leanas in ionad mhír 1:

"1. Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 18a lena leasaítear na hIarscríbhinní tar éis cúnamh eolaíoch agus/nó teicniúil a iarraidh ar an údarás.”;

¹⁵ IO L 309, 26.11.2003, lch. 1

(3) cuirtear isteach an tAirteagal 18a seo a leanas:

"Airteagal 18a
An tarmligean a fheidhmiú

1. Is faoi réir na gcoinníollacha a leagtar síos san Airteagal seo a thugtar an chumhacht don Choimisiún chun gníomhartha tarmligthe a ghlacadh.
2. Déanfar an chumhacht chun gníomhartha tarmligthe a ghlacadh dá dtagraítear in Airteagal 17(3) agus in Airteagal 18(1) a thabhairt don Choimisiún go ceann **tréimhse cúig bliana** [...] amhail ón [dáta theacht i bhfeidhm **an Rialacháin** seo [...]]. **Déanfaidh an Coimisiún, tráth nach déanaí ná naoi mí roimh dheireadh na tréimhse cúig bliana, tuarascáil a tharraingt suas maidir le tarmligean na cumhachta. Déanfar tarmligean na cumhachta a fhadú go hintuigthe go ceann tréimhsí comhfhaid, mura rud é go gcuireann Parlaimint na hEorpa nó an Chomhairle in aghaidh an fhadaíthe sin tráth nach déanaí ná trí mhí roimh dheireadh gach tréimhse.**
3. Féadfaidh Parlaimint na hEorpa nó an Chomhairle tarmligean na cumhachta dá dtagraítear in Airteagal 17(3) agus Airteagal 18(1) a chúlghairm aon tráth. Déanfaidh cinneadh chun cúlghairm a dhéanamh deireadh a chur le tarmligean na cumhachta atá sonraithe sa chinneadh sin. Gabhfaidh éifeacht leis an lá tar éis fhoilsiú an chinnidh in *Iris Oifigiúil an Aontais Eorpaigh* nó ar dháta is déanaí a shonrófar sa chinneadh. Ní dhéanfaidh sé difear do bhailíocht aon ghníomhartha tarmligthe atá i bhfeidhm cheana.
4. Roimh dó gníomh tarmligthe a ghlacadh, rachaidh an Coimisiún i mbun comhairliúcháin le saineolaithe arna n-ainmniú ag gach Ballstát i gcomhréir leis na prionsabail a leagtar síos i gComhaontú Idirinstitiúideach **an 13 Aibreán 2016** maidir le Reachtóireacht Níos Fearr [...]*.
5. A luaithe a ghlacfaidh sé gníomh tarmligthe, tabharfaidh an Coimisiún fógra, an tráth céanna, do Pharlaimint na hEorpa agus don Chomhairle faoi.
6. Ní thiocfaidh gníomh tarmligthe a ghlactar de bhun Airteagal 17(3) agus Airteagal 18(1) i bhfeidhm ach amháin mura mbeidh aon agóid curtha in iúl ag Parlaimint na hEorpa ná ag an gComhairle laistigh de thréimhse dhá mhí tar éis fógra faoin ngníomh sin a thabhairt do Pharlaimint na hEorpa agus don Chomhairle nó más rud é, roimh dhul in éag na tréimhse sin, go mbeidh Parlaimint na hEorpa agus an Chomhairle araon tar éis a chur in iúl don Choimisiún nach ndéanfaidh siad aon agóid. Déanfar an tréimhse sin a fhadú dhá mhí ar thionscnamh Pharlaimint na hEorpa nó na Comhairle.

* IO L 123, 12.5.2016, lch. 1.";

(4) in Airteagal 19, scriostar mír 3.

151. Rialachán (CE) Uimh. 2160/2003 ó Pharlaimint na hEorpa agus ón gComhairle an 17 Samhain 2003 maidir le salmonella agus le hoibreáin zónóiseacha bhia-iompartha eile a rialú¹⁶

Chun cuspóirí Rialachán (CE) Uimh. 2160/2003 a ghnóthú, ba cheart an chumhacht chun gníomhartha a ghlacadh i gcomhréir le hAirteagal 290 den Chonradh a tharmligean chuig an gCoimisiún chun Iarscríbhinn I, Iarscríbhinn II agus Iarscríbhinn III a ghabhann leis an Rialachán sin a leasú agus chun an Rialachán sin a fhorlíonadh maidir le spriocanna an Aontais i dtaca le leitheadúlacht zónóisí agus oibreán zónóiseach a laghdú, modhanna sonraithe rialaithe **is infheidhme i dtaca le leitheadúlacht zónóisí agus oibreán zónóiseach a laghdú, rialacha maidir leis na coinníollacha le haghaidh úsáid modhanna den sórt sin**, rialacha sonracha ar chritéir a bhaineann le hallmhairí ó thríú tíortha, freagrachtaí agus cúraimí shaotharlanna tagartha an Aontais agus freagrachtaí agus cúraimí áirithe na saotharlann tagartha náisiúnta. Tá sé tábhachtach, go háirithe, go rachadh an Coimisiún i mbun comhairliúcháin iomchuí le linn a chuid oibre ullmhúcháin, lena n-áirítear ar leibhéal na saineolaithe, agus go ndéanfar na comhairliúcháin sin i gcomhréir leis na prionsabail a leagtar síos i gComhaontú Idirinstitiúideach **an 13 Aibreán 2016** maidir le Reachtóireacht Níos Fearr [...]. Go sonrach, chun rannpháirtíocht chomhionann in ullmhú na ngníomhartha tarmligthe a áirithiú, gheobhaidh Parlaimint na hEorpa agus an Chomhairle na doiciméid uile ag an am céanna leis na saineolaithe sna Ballstáit, agus beidh rochtain chórasach ag a gcuid saineolaithe ar chruinnithe ghrúpaí saineolaithe an Choimisiúin a bheidh ag déileáil le hullmhú na ngníomhartha tarmligthe.

Chun coinníollacha aonfhoirmeacha a áirithiú maidir le Rialachán (CE) Uimh. 2160/2003 a chur chun feidhme, ba cheart cumhachtaí cur chun feidhme a thabhairt don Choimisiún i dtaca le modhanna tástála a fhormheas. Ba cheart na cumhachtaí sin a fheidhmiú i gcomhréir le Rialachán (AE) Uimh. 182/2011.

Chun coinníollacha aonfhoirmeacha a áirithiú maidir le Rialachán (CE) Uimh. 2160/2003 a chur chun feidhme, ba cheart cumhachtaí cur chun feidhme a thabhairt don Choimisiún chun rialacha mionsonraithe a chinneadh a fhéadfar a ghlacadh i dtaca leis na doiciméid agus na nósanna imeachta is gá chomh maith leis na híoscheanglais agus na modhanna rialaithe sonracha ar leith nach n-úsáidfear mar chuid de chlár rialaithe. Ba cheart na cumhachtaí sin a fheidhmiú i gcomhréir le Rialachán (AE) Uimh. 182/2011.

Dá réir sin, leasaítear Rialachán (CE) Uimh. 2160/2003 mar a leanas:

¹⁶ IO L 325, 12.12.2003, lch.1.

(1) leasaítear Airteagal 4 mar a leanas:

(a) cuirtear an méid seo a leanas in ionad mhír 1;

"1. Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 13a **lena bhforlíontar an Rialachán seo trí** [...] spriocanna an Aontais **a bhunú** i dtaca le leitheadúlacht zónóisí agus oibreán zónóiseach a laghdú a liostaítear i gColún 1 d'ianscríbhinn I, sna daonraí ainmhithe a liostaítear i gColún 2 d'ianscríbhinn I agus aird á tabhairt, go sonrach, ar an méid seo a leanas:

(a) an taithí a fuarthas faoi na bearta náisiúnta atá ann cheana; agus

(b) an fhaisnéis a cuireadh ar aghaidh chuig an gCoimisiún nó chuig an Údarás Eorpach um Shábháilteacht Bia de bhun cheanglais an Aontais atá ann cheana, go háirithe faoi chuimsiú na faisnéise dá bhforáiltear i dTreoir 2003/99/CE, agus go háirithe Airteagal 5 de.";

(b) i mír 6, cuirtear an méid seo a leanas in ionad phointe (a):

"(a) Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 13a lena leasaítear Ianscríbhinn I chun na gcríoch a liostaítear i bpointe (b), tar éis aird a thabhairt go sonrach ar na critéir a liostaítear i bpointe (c).";

(c) cuirtear an méid seo a leanas in ionad mhír 7:

"7. Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 13a lena leasaítear Ianscríbhinn III chun critéir a chur léi chun a chinneadh cé na séiritíopaí salmonella atá tábhachtach ó thaobh sláinte poiblí de.";

(2) in Airteagal 5, cuirtear an méid seo a leanas in ionad mhír 6:

"6. Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 13a lena leasaítear Ianscríbhinn II chun na ceanglais agus na rialacha samplála íosta a leagtar síos ann a oiriúnú, tar éis aird a thabhairt go sonrach ar na critéir a liostaítear i bpointe (c) d'Airteagal 4(6).";

(3) in Airteagal 8, cuirtear an méid seo a leanas in ionad mhír 1:

"1. Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 13a **lena bhforlíontar an Rialachán seo tríd** an méid seo a leanas **a bhunú** [...]:

(a) modhanna sonracha rialaithe a fhéadfar a chur i bhfeidhm nó a chuirfear i bhfeidhm i dtaca le leitheadúlacht zónóisí agus oibreán zónóiseach a laghdú ag céim an táirgthe phríomhúil ainmhithe agus ag céimeanna eile den bhiashlabhra;

(b) rialacha a fhéadfar a ghlacadh i dtaca leis na coinníollacha le haghaidh úsáid na modhanna dá dtagraítear i bpointe (a).

(c) [...]

(d) [...]"

Féadfaidh an Coimisiún, trí bhíthin gníomhartha cur chun feidhme, an méid seo a leanas a bhunú:

rialacha mionsonraithe a fhéadfar a ghlacadh i dtaca leis na doiciméid agus na nósanna imeachta is gá chomh maith leis na híoscheanglais maidir leis na modhanna dá dtagraítear i bpointe (a) den chéad fhomhír; agus

(b) modhanna rialaithe sonracha ar leith nach n-úsáidfear mar chuid de chláir rialaithe.

Déanfar na gníomhartha cur chun feidhme sin a ghlacadh i gcomhréir leis an nós imeachta scrúdúcháin dá dtagraítear in Airteagal 14(2)."

(4) in Airteagal 9, cuirtear an méid seo a leanas in ionad mhír 4:

"4. Gan dochar d'Airteagal 5(6), tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 13a **lena bhforlíontar an Rialachán seo trí** na rialacha maidir leis na Ballstáit a bhunú na critéir dá dtagraítear in Airteagal 5(5) agus i mír 2 den Airteagal seo a shocrú.";

(5) in Airteagal 10(5), cuirtear an méid seo a leanas in ionad an dara agus an tríú habairt:

"Féadfar an t-údarúchán a tharraingt siar i gcomhréir leis an nós imeachta céanna agus, gan dochar d'Airteagal 5(6), tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 13a **lena bhforlíontar an Rialachán seo trí** rialacha sonracha maidir leis na critéir sin a bhunú.";

(6) leasaítear Airteagal 11 mar a leanas:

(a) cuirtear an méid seo a leanas in ionad mhír 2:

"2. Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 13a **lena bhforlíontar an Rialachán seo** trí fhreagrachtaí agus cúraimí shaotharlanna tagartha an Aontais a leagan síos, go háirithe maidir lena ngníomhaíochtaí agus gníomhaíochtaí na saotharlann tagartha náisiúnta a chomhordú.";

(b) cuirtear an méid seo a leanas in ionad mhír 4:

"4. Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 13a **lena bhforlíontar an Rialachán seo trí** fhreagrachtaí agus cúraimí áirithe shaotharlanna tagartha an Aontais a leagan síos, go háirithe maidir lena ngníomhaíochtaí agus gníomhaíochtaí na saotharlann ábhartha sna Ballstáit arna n-ainmniú faoi Airteagal 12(1)(a) a chomhordú.";

(7) in Airteagal 12(3), cuirtear an méid seo a leanas in ionad an tríú fomhír:

"3. Féadfaidh an Coimisiún, trí bhíthin gníomhartha cur chun feidhme, modhanna eile tástála dá dtagraítear i mír 3 a fhormheas. Déanfar na gníomhartha cur chun feidhme sin a ghlacadh i gcomhréir leis an nós imeachta dá dtagraítear in Airteagal 14(2).";

(8) in Airteagal 13, cuirtear an méid seo a leanas in ionad na chéad fomhíre:

"Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 13a lena leasaítear gnéithe a bhaineann leis na deimhnithe sláinte ábhartha.";

(9) cuirtear isteach an tAirteagal 13a seo a leanas:

"Airteagal 13a
An tarmligeán a fheidhmiú

1. Is faoi réir na gcoinníollacha a leagtar síos san Airteagal seo a thugtar an chumhacht don Choimisiún chun gníomhartha tarmligthe a ghlacadh.

2. Déanfar an chumhacht chun gníomhartha tarmligthe a ghlacadh dá dtagraítear in Airteagal 3(1), (6) agus (7), Airteagal 5(6), **an chéad fhomhír d'**Airteagal 8(1), Airteagal 9(4), Airteagal 10(5), Airteagal 11(2) agus (4) agus Airteagal 13 a thabhairt go ceann **tréimhse cúig bliana** [...] amhail ón [dáta theacht i bhfeidhm **an Rialacháin seo** [...]]. **Déanfaidh an Coimisiún, tráth nach déanaí ná naoi mí roimh dheireadh na tréimhse cúig bliana, tuarascáil a tharraingt suas maidir le tarmligeán na cumhachta. Déanfar tarmligeán na cumhachta a fhadú go hintuigthe go ceann tréimhsí comhfhaid, mura rud é go gcuireann Parlaimint na hEorpa nó an Chomhairle in aghaidh an fhadaíthe sin tráth nach déanaí ná trí mhí roimh dheireadh gach tréimhse.**

3. Féadfaidh Parlaimint na hEorpa nó an Chomhairle tarmligean na cumhachta dá dtagraítear in Airteagal 3(1), (6) agus (7), Airteagal 5(6), **an chéad fhomhír** d'Airteagal 8(1), Airteagal 9(4), Airteagal 10(5), Airteagal 11(2) agus (4) agus Airteagal 13 a chúlghairm aon tráth. Déanfaidh cinneadh chun cúlghairm a dhéanamh deireadh a chur le tarmligean na cumhachta atá sonraithe sa chinneadh sin. Gabhfaidh éifeacht leis an lá tar éis fhoilsiú an chinnidh in *Iris Oifigiúil an Aontais Eorpaigh* nó ar dháta is déanaí a shonrófar sa chinneadh. Ní dhéanfaidh sé difear do bhailíocht aon ghníomhartha tarmligthe atá i bhfeidhm cheana.

4. Roimh dó gníomh tarmligthe a ghlacadh, rachaidh an Coimisiún i mbun comhairliúcháin le saineolaithe arna n-ainmniú ag gach Ballstát i gcomhréir leis na prionsabail a leagtar síos i gComhaontú Idirinstitiúideach **an 13 Aibreán 2016** maidir le Reachtóireacht Níos Fearr [...]*.

5. A luaithe a ghlacfaidh sé gníomh tarmligthe, tabharfaidh an Coimisiún fógra, an tráth céanna, do Pharlaimint na hEorpa agus don Chomhairle faoi.

6. Ní thiocfaidh gníomh tarmligthe a ghlactar de bhun in Airteagal 3(1), Airteagal 3(6) agus Airteagal 3(7), Airteagal 5(6), **an chéad fhomhír** d'Airteagal 8(1), Airteagal 9(4), Airteagal 10(5), Airteagal 11(2) agus Airteagal 11(4) agus Airteagal 13 i bhfeidhm ach amháin mura mbeidh aon agóid curtha in iúl ag Parlaimint na hEorpa nó ag an gComhairle laistigh de thréimhse dhá mhí tar éis fógra faoin ngníomh sin a thabhairt do Pharlaimint na hEorpa agus don Chomhairle nó más rud é, roimh dhul in éag na tréimhse sin, go mbeidh Parlaimint na hEorpa agus an Chomhairle araon tar éis a chur in iúl don Choimisiún nach ndéanfaidh siad aon agóid. Déanfar an tréimhse sin a fhadú dhá mhí ar thionscnamh Pharlaimint na hEorpa nó na Comhairle.

* IO L 123, 12.5.2016, lch. 1.";

(9) in Airteagal 14, scriostar mír 3.

152. Treoir 2004/23/CE ó Pharlaimint na hEorpa agus ón gComhairle an 31 Márta 2004 maidir le caighdeáin cáilíochta agus sábháilteachta a leagan síos do dheonú, soláthar, tástáil, próiseáil, caomhnú, stóráil agus dáileadh fíochán agus ceall daonna¹⁷

Chun cuspóirí Threoir (CE) Uimh. 2004/23/CE a ghnóthú, ba cheart an chumhacht chun gníomhartha a ghlacadh i gcomhréir le hAirteagal 290 den Chonradh a tharmligean chuig an gCoimisiún chun an Treoir sin a fhorlíonadh le ceanglais inrianaitheachta le haghaidh fíochán agus ceall, agus le haghaidh táirgí agus ábhair a thagann i dteagmháil leis na fíocháin agus na cealla sin agus a bhfuil tionchar acu ar a gcáilíocht, agus chun an Rialachán sin a fhorlíonadh le ceanglais theicniúla áirithe. Tá sé tábhachtach, go háirithe, go rachadh an Coimisiún i mbun comhairliúcháin iomchuí le linn a chuid oibre ullmhúcháin, lena n-áirítear ar leibhéal na saineolaithe, agus go ndéanfar na comhairliúcháin sin i gcomhréir leis na prionsabail a leagtar síos i gComhaontú Idirinstitiúideach **an 13 Aibreán 2016** maidir le Reachtóireacht Níos Fearr [...]. Go sonrach, chun rannpháirtíocht chomhionann in ullmhú na ngníomhartha tarmligthe a áirithiú, gheobhaidh Parlaimint na hEorpa agus an Chomhairle na doiciméid uile ag an am céanna leis na saineolaithe sna Ballstáit, agus beidh rochtain chórasach ag a gcuid saineolaithe ar chruinnithe ghrúpaí saineolaithe an Choimisiúin a bheidh ag déileáil le hullmhú na ngníomhartha tarmligthe.

Chun coinníollacha aonfhoirmeacha a áirithiú maidir le Treoir Uimh. 2004/23/CE a chur chun feidhme, ba cheart cumhachtaí cur chun feidhme a thabhairt don Choimisiún chun nósanna imeachta a bhunú maidir leis an inrianaitheacht a áirithiú agus chun caighdeáin choibhéiseacha cáilíochta agus sábháilteachta na bhfíochán agus na gceall allmhairithe a fhíorú. Ba cheart na cumhachtaí sin a fheidhmiú i gcomhréir le Rialachán (AE) Uimh. 182/2011.

Dá réir sin, leasaítear Treoir 2004/23/CE mar a leanas:

(1) in Airteagal 8, cuirtear an méid seo a leanas in ionad mhír 5 agus mhír 6:

"5. Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 28a **lena bhforlíontar an Treoir seo trí** [...] ceanglais inrianaitheachta le haghaidh fíochán agus ceall a bhunú, agus le haghaidh táirgí agus ábhair a thagann i dteagmháil leis na fíocháin agus na cealla sin agus a bhfuil tionchar acu ar a gcáilíocht agus sábháilteacht a bhunú.

6. Bunóidh an Coimisiún na nósanna imeachta chun inrianaitheacht a áirithiú ar leibhéal an Aontais trí bhíthin gníomhartha cur chun feidhme. Déanfar na gníomhartha cur chun feidhme sin a ghlacadh i gcomhréir leis an nós imeachta dá dtagraítear in Airteagal 29(2).";

(2) in Airteagal 9, cuirtear an méid seo a leanas in ionad mhír 4:

"4. Bunóidh an Coimisiún na nósanna imeachta maidir leis na caighdeáin choibhéiseacha cáilíochta agus sábháilteachta a fhíorú i gcomhréir le mír 1 trí bhíthin gníomhartha cur chun feidhme. Déanfar na gníomhartha cur chun feidhme sin a ghlacadh i gcomhréir leis an nós imeachta dá dtagraítear in Airteagal 29(2).";

¹⁷ IO L 102, 7.4.2004, lch. 48.

(3) in Airteagal 28, cuirtear an méid seo a leanas in ionad an dara agus an tríú mír:

"Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 28a **lena bhforlíontar an Treoir seo trí [...]** na ceanglais theicniúla dá dtagraítear i bpointe (a) go pointe (i) den chéad mhír a bhunú.

Más rud é, i gcás na gceanglas teicniúil dá dtagraítear i bpointe (d) agus i bpointe (e) den chéad mhír, go n-éilítear amhlaidh ar mhórfhorais phráinne, beidh feidhm ag an nós imeachta dá bhforáiltear in Airteagal 28b maidir le gníomhartha tarmligthe a ghlactar de bhun an Airteagail seo."

(4) cuirtear isteach an tAirteagal 28a agus an tAirteagal 28b seo a leanas:

"Airteagal 28a
An tarmligeán a fheidhmiú

1. Is faoi réir na gcoinníollacha a leagtar síos san Airteagal seo a thugtar an chumhacht don Choimisiún chun gníomhartha tarmligthe a ghlacadh.

2. Déanfar tarmligeán na cumhachta dá dtagraítear in Airteagal 8(5) agus sa dara mír d'Airteagal 28 a thabhairt don Choimisiún go ceann **tréimhse cúig bliana [...]** amhail ón [dáta theacht i bhfeidhm an **Rialacháin** seo [...]]. **Déanfaidh an Coimisiún, tráth nach déanaí ná naoi mí roimh dheireadh na tréimhse cúig bliana, tuarascáil a tharraingt suas maidir le tarmligeán na cumhachta. Déanfar tarmligeán na cumhachta a fhadú go hintuigthe go ceann tréimhsí comhfhaid, mura rud é go gcuireann Parlaimint na hEorpa nó an Chomhairle in aghaidh an fhadaíthe sin tráth nach déanaí ná trí mhí roimh dheireadh gach tréimhse.**

3. Féadfaidh Parlaimint na hEorpa nó an Chomhairle tarmligeán na cumhachta dá dtagraítear in Airteagal 8(5) agus sa dara mír d'Airteagal 28 a chúlghairm aon tráth. Déanfaidh cinneadh chun cúlghairm a dhéanamh deireadh a chur le tarmligeán na cumhachta a shonraítear sa chinneadh sin. Gabhfaidh éifeacht leis an lá tar éis fhoilsiú an chinnidh in *Iris Oifigiúil an Aontais Eorpaigh* nó ar dháta is déanaí a shonrófar sa chinneadh. Ní dhéanfaidh sé difear do bhailíocht aon ghníomhartha tarmligthe atá i bhfeidhm cheana.

4. Roimh dó gníomh tarmligthe a ghlacadh, rachaidh an Coimisiún i mbun comhairliúcháin le saineolaithe arna n-ainmniú ag gach Ballstát i gcomhréir leis na prionsabail a leagtar síos i gComhaontú Idirinstitiúideach **an 13 Aibreán 2016** maidir le Reachtóireacht Níos Fearr [...].*

5. A luaithe a ghlacfaidh sé gníomh tarmligthe, tabharfaidh an Coimisiún fógra, an tráth céanna, do Pharlaimint na hEorpa agus don Chomhairle faoi.

6. Ní thiocfaidh gníomh tarmligthe a ghlactar de bhun Airteagal 8(5) agus an dara mír d'Airteagal 28 i bhfeidhm ach amháin mura mbeidh aon agóid curtha in iúl ag Parlaimint na hEorpa ná ag an gComhairle laistigh de thréimhse dhá mhí tar éis fógra faoin ngníomh sin a thabhairt do Pharlaimint na hEorpa agus don Chomhairle nó más rud é, roimh dhul in éag na tréimhse sin, go mbeidh Parlaimint na hEorpa agus an Chomhairle araon tar éis a chur in iúl don Choimisiún nach ndéanfaidh siad aon agóid. Déanfar an tréimhse sin a fhadú dhá mhí ar thionscnamh Parlaimint na hEorpa nó na Comhairle.

Airteagal 28b
An nós imeachta práinne

1. Tiocfaidh gníomhartha tarmligthe a ghlactar faoin Airteagal seo i bhfeidhm gan mhoill agus beidh feidhm acu ar choinníoll nach ndéanfar agóid i gcomhréir le mír 2. Déanfar na cúiseanna le húsáid a bhaint as an nós imeachta práinne a lua san fhógra faoi ghníomhartha tarmligthe a thugtar do Pharlaimint na hEorpa agus don Chomhairle.

2. Féadfaidh Parlaimint na hEorpa nó an Chomhairle agóid a dhéanamh i gcoinne gníomh tarmligthe i gcomhréir leis an nós imeachta dá dtagraítear in Airteagal 28a(6). I gcás den sórt sin, déanfaidh an Coimisiún an gníomh tarmligthe a aisghairm láithreach tar éis do Pharlaimint na hEorpa nó don Chomhairle fógra a thabhairt don Choimisiún maidir leis an gcinneadh agóid a dhéanamh."

* IO L 123, 12.5.2016, lch. 1.";

(5) in Airteagal 29, scriostar mír 3 agus mír 4.

153. Rialachán (CE) Uimh. 852/2004 ó Pharlaimint na hEorpa agus ón gComhairle an 29 Aibreán 2004 maidir le sláinteachas earraí bia¹⁸

Chun cuspóirí Rialachán (CE) Uimh. 852/2004 a ghnóthú, ba cheart an chumhacht chun gníomhartha a ghlacadh i gcomhréir le hAirteagal 290 den Chonradh a tharmligean chuig an gCoimisiún chun Iarscríbhinn I agus Iarscríbhinn II a ghabhann leis an Rialachán sin a leasú agus chun an Rialachán sin a fhorlíonadh maidir le bearta sláinteachais sonracha, ceanglais i ndáil le bunáochtaí gnólachtaí bia a fhorghnóthú, [...] agus maidir le maoluithe ar na hIarscríbhinní a ghabhann leis an Rialachán sin. Tá sé tábhachtach, go háirithe, go rachadh an Coimisiún i mbun comhairliúcháin iomchuí le linn a chuid oibre ullmhúcháin, lena n-áirítear ar leibhéal na saineolaithe, agus go ndéanfar na comhairliúcháin sin i gcomhréir leis na prionsabail a leagtar síos i gComhaontú Idirinstitiúideach **an 13 Aibreán 2016** maidir le Reachtóireacht Níos Fearr [...]. Go sonrach, chun rannpháirtíocht chomhionann in ullmhú na ngníomhartha tarmligthe a áirithiú, gheobhaidh Parlaimint na hEorpa agus an Chomhairle na doiciméid uile ag an am céanna leis na saineolaithe sna Ballstáit, agus beidh rochtain chórasach ag a gcuid saineolaithe ar chruinnithe ghrúpaí saineolaithe an Choimisiúin a bheidh ag déileáil le hullmhú na ngníomhartha tarmligthe.

¹⁸ IO L 139, 30.4.2004, lch. 1

Chun coinníollacha aonfhoirmeacha a áirithiú maidir le Rialachán (CE) Uimh. 852/2004 a chur chun feidhme, ba cheart cumhachtaí cur chun feidhme a thabhairt don Choimisiún le forálacha sonracha a leagan síos chun ceanglais an Rialacháin seo a chur i bhfeidhm i leith earraí bia sonracha chun dul i ngleic le rioscaí sonracha nó le guaiseacha a thiocfaidh chun cinn i ndáil leis an tsláinte phoiblí. Ba cheart na cumhachtaí sin a fheidhmiú i gcomhréir le Rialachán (AE) Uimh. 182/2011.

Dá réir sin, leasaítear Rialachán (CE) Uimh. 852/2004 mar a leanas:

(1) in Airteagal 4, cuirtear an méid seo a leanas in ionad mhír 4:

"4. Tabharfar de chumhacht don Choimisiún gníomhartha tarmlichte a ghlacadh i gcomhréir le hAirteagal 13a **lena bhforlíontar an Rialachán seo trí** na bearta sláinteachais sonracha dá dtagraítear i mír 3 a ghlacadh, go háirithe i dtaca leis an méid seo a leanas:

(a) na critéir mhicribhitheolaíocha agus na modhanna bainteacha samplála agus anailíse a chinneadh;

(b) ceanglais shonracha a thabhairt isteach maidir le teocht a rialú agus an slabhra fuar a choinneáil; agus

(c) spriocanna micribhitheolaíocha sonracha a shocrú.";

(2) in Airteagal 6(3), cuirtear an méid seo a leanas in ionad phointe (c):

"(c) trí bhíthin gníomh tarmlichte a thabharfar de chumhacht don Choimisiún a ghlacadh i gcomhréir le hAirteagal 13a."

(3) cuirtear an méid seo a leanas in ionad Airteagal 12:

"Airteagal 12

Déanfaidh an Coimisiún, **trí bhíthin gníomhartha cur chun feidhme**, an méid seo a leanas **a leagan síos, [...] forálacha sonracha chun ceanglais an Rialacháin seo a chur i bhfeidhm i leith earraí bia shonracha chun dul i ngleic le rioscaí sonracha nó le guaiseacha a thiocfaidh chun cinn i ndáil leis an tsláinte phoiblí. Déanfar na gníomhartha cur chun feidhme sin a ghlacadh i gcomhréir leis an nós imeachta scrúdúcháin dá dtagraítear in Airteagal 14(2)**";

(4) in Airteagal 13, cuirtear an méid seo a leanas in ionad mhír 1 agus mhír 2:

"1. Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 13a lena leasaítear Iarscríbhinn I agus Iarscríbhinn II. Beidh sé d'aidhm ag na leasuithe gnóthú chuspóirí an Rialacháin a áirithiú agus éascú, agus na fachtóirí riosca ábhartha á gcur san áireamh, agus tabharfar bonn cirt leis na leasuithe sin ar bhonn an méid seo a leanas:

- (a) an taithí a fuair oibreoirí gnólachtaí bia agus/nó údaráis inniúla, go háirithe i gcomhthéacs chur i bhfeidhm córas atá bunaithe ar HACCP (Anailís Guaise agus Pointí Rialúcháin Criticiúla) agus na nósanna imeachta atá bunaithe ar phrionsabail HACCP de bhun Airteagal 5;
- (b) an taithí a fuair an Coimisiún, go háirithe torthaí a chuid iniúchóireachtaí;
- (c) forbairtí teicneolaíocha agus a n-iarmhairtí praiticiúla agus ionchais tomhaltóirí maidir le comhdhéanamh bia;
- (d) comhairle nua eolaíoch, go háirithe measúnuithe rioscaí nua;
- (e) critéir mhicribhitheolaíocha agus critéir teochta le haghaidh earraí bia.

Bainfidh na leasuithe dá dtagraítear sa chéad fhomhír leis an méid seo a leanas:

- (a) forálacha chun sláinteachas le haghaidh táirgeadh príomhúil agus oibríochtaí gaolmhara;
- (b) ceanglais maidir le háitreabh agus trealamh bia;
- (c) forálacha is infheidhme maidir le hearraí bia, lena n-áirítear iompar, clúdach agus pacáistiú;
- (d) cóireáil teasa bia-ábhar;
- (e) dramhbhia a láimhseáil;
- (f) ceanglais maidir le soláthar uisce;
- (g) sláinteachas agus oiliúint daoine atá ag obair sna réimsí láimhseála bia.

2. Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 13a **lena bhforlíontar an Rialachán seo trí** mhaoluithe a dheonú ar Iarscríbhinn I agus Iarscríbhinn II, agus na fachtóirí riosca ábhartha á gcur san áireamh agus ar choinníoll nach ndéanfaidh na maoluithe sin difear do ghnóthú chuspóirí an Rialacháin seo, mar atá:

- (a) cur chun feidhme Airteagal 5 le haghaidh gnólachtaí beaga a éascú;
- (b) bunaíochtaí a dhéanann amhábhbar a tháirgeadh, a láimhseáil nó a phróiseáil, ar amhábhbar é a bheartaítear le haghaidh táirgeadh táirgí bia an-mhínphróiseáilte agus ar amhábhbar é a ndearnadh cóireáil air chun a shábháilteacht a áirithiú."

(6) cuirtear isteach an tAirteagal 13a seo a leanas:

"Airteagal 13a
An tarmligean a fheidhmiú

1. Is faoi réir na gcoinníollacha a leagtar síos san Airteagal seo a thugtar an chumhacht don Choimisiún chun gníomhartha tarmligthe a ghlacadh.
2. Déanfar an chumhacht chun gníomhartha tarmligthe a ghlacadh dá dtagraítear in Airteagal 4(4), Airteagal 6(3)(c) [...] agus Airteagal 13(1) agus (2) a thabhairt don Choimisiún go ceann **tréimhse cúig bliana** [...] amhail ón [dáta theacht i bhfeidhm **an Rialacháin seo [...]. Déanfaidh an Coimisiún, tráth nach déanaí ná naoi mí roimh dheireadh na tréimhse cúig bliana, tuarascáil a tharraingt suas maidir le tarmligean na cumhachta. Déanfar tarmligean na cumhachta a fhadú go hintuigthe go ceann tréimhsí comhfhaid, mura rud é go gcuireann Parlaimint na hEorpa nó an Chomhairle in aghaidh an fhadaithe sin tráth nach déanaí ná trí mhí roimh dheireadh gach tréimhse.**
3. Féadfaidh Parlaimint na hEorpa nó an Chomhairle tarmligean na cumhachta dá dtagraítear in Airteagal 4(4), Airteagal 6(3)(c) [...] agus Airteagal 13(1) agus Airteagal 13(2) a chúlghairm aon tráth. Déanfaidh cinneadh chun cúlghairm a dhéanamh deireadh a chur le tarmligean na cumhachta atá sonraithe sa chinneadh sin. Gabhfaidh éifeacht leis an lá tar éis fhoilsiú an chinnidh in *Iris Oifigiúil an Aontais Eorpaigh* nó ar dháta is déanaí a shonrófar sa chinneadh. Ní dhéanfaidh sé difear do bhailíocht aon ghníomhartha tarmligthe atá i bhfeidhm cheana.
4. Roimh dó gníomh tarmligthe a ghlacadh, rachaidh an Coimisiún i mbun comhairliúcháin le saineolaithe arna n-ainmniú ag gach Ballstát i gcomhréir leis na prionsabail a leagtar síos i gComhaontú Idirinstitiúideach **an 13 Aibreán 2016** maidir le Reachtóireacht Níos Fearr [...].*
5. A luaithe a ghlacfaidh sé gníomh tarmligthe, tabharfaidh an Coimisiún fógra, an tráth céanna, do Pharlaimint na hEorpa agus don Chomhairle faoi.
6. Ní thiocfaidh gníomh tarmligthe a ghlactar de bhun Airteagal 4(4), Airteagal 6(3)(c) [...] Airteagal 13(1) agus Airteagal 13(2) i bhfeidhm ach amháin mura mbeidh aon agóid curtha in iúl ag Parlaimint na hEorpa ná ag an gComhairle laistigh de thréimhse dhá mhí tar éis fógra faoin ngníomh sin a thabhairt do Pharlaimint na hEorpa agus don Chomhairle nó más rud é, roimh dhul in éag na tréimhse sin, go mbeidh Parlaimint na hEorpa agus an Chomhairle araon tar éis a chur in iúl don Choimisiún nach ndéanfaidh siad aon agóid. Déanfar an tréimhse sin a fhadú dhá mhí ar thionscnamh Pharlaimint na hEorpa nó na Comhairle.

* IO L 123, 12.5.2016, lch. 1.";

(5) in Airteagal 14, scriostar mír 3.

154. Rialachán (CE) Uimh. 853/2004 ó Pharlaimint na hEorpa agus ón gComhairle an 29 Aibreán 2004 lena leagtar síos rialacha sonracha sláinteachais le haghaidh bia de bhunadh ainmhíoch¹⁹

Chun cuspóirí Rialachán (CE) Uimh. 853/2004 a ghnóthú, ba cheart an chumhacht chun gníomhartha a ghlacadh i gcomhréir le hAirteagal 290 den Chonradh a tharmligean chuig an gCoimisiún chun Iarscríbhinn II agus Iarscríbhinn III a ghabhann leis an Rialachán sin a leasú agus chun an Rialachán sin a fhorlíonadh maidir le húsáid substaintí seachas uisce inólta chun éilliú dromchla a bhaint de tháirgí de thionscnamh ainmhíoch, maidir le leasuithe ar na ráthaíochtaí speisialta i dtaca le bia ar leith de thionscnamh ainmhíoch a chur ar an margadh sa tSualainn nó san Fhionlainn agus maidir le maoluithe ar Iarscríbhinn II agus III a ghabhann leis an Rialachán (CE) Uimh. 853/2004 sin. Tá sé tábhachtach, go háirithe, go rachadh an Coimisiún i mbun comhairliúcháin iomchuí le linn a chuid oibre ullmhúcháin, lena n-áirítear ar leibhéal na saineolaithe, agus go ndéanfar na comhairliúcháin sin i gcomhréir leis na prionsabail a leagtar síos i gComhaontú Idirinstitiúideach **an 13 Aibreán 2016** maidir le Reachtóireacht Níos Fearr [...]. Go sonrach, chun rannpháirtíocht chomhionann in ullmhú na ngníomhartha tarmligthe a áirithiú, gheobhaidh Parlaimint na hEorpa agus an Chomhairle na doiciméid uile ag an am céanna leis na saineolaithe sna Ballstáit, agus beidh rochtain chórasach ag a gcuid saineolaithe ar chruinnithe ghrúpaí saineolaithe an Choimisiúin a bheidh ag déileáil le hullmhú na ngníomhartha tarmligthe.

Dá réir sin, leasaítear Rialachán (CE) Uimh. 853/2004 mar a leanas:

(1) in Airteagal 3, cuirtear an méid seo a leanas in ionad mhír 2:

"2. "Ní úsáidfídh oibreoirí gnólachtaí bia aon substaint seachas uisce inólta – nó uisce glan, má cheadaítear le Rialachán (CE) Uimh. 852/2004 nó leis an Rialachán seo é a úsáid – chun éilliú dromchla a bhaint de tháirgí de thionscnamh ainmhíoch, mura rud é go bhfuil úsáid na substainte sin formheasta ag an gCoimisiún. Chun na críche sin, tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 11a **lena bhforlíontar an Rialachán seo.** Comhlíonfaidh oibreoirí gnólachtaí bia aon choinníollacha úsáide a fhéadfar a ghlacadh faoin nós imeachta céanna. Ní dhéanfaidh úsáid substainte formheasta difear don dualgas atá ar an oibreoir gnólachtaí bia ceanglais an Rialacháin seo a chomhlíonadh.";

(2) in Airteagal 8(3), cuirtear an méid seo a leanas in ionad phointe (a):

"(a) Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 11a [lena leasaítear mír 1 agus mír 2 chun na ceanglais a leagtar amach sna míreanna sin a thabhairt cothrom le dáta], chun athruithe i gcláir rialaithe na mBallstát nó chun glacadh critéir mhicribhitheolaíocha i gcomhréir le Rialachán (CE) Uimh. 852/2004 a chur san áireamh.";

(3) scriostar Airteagal 9;

¹⁹ IO L 139, 30.4.2004, lch. 55

(4) in Airteagal 10, cuirtear an méid seo a leanas in ionad mhír 1 agus mhír 2:

"1. Tabharfar de chumhacht don Choimisiún gníomhartha tarmlichte a ghlacadh i gcomhréir le hAirteagal 11a lena leasaítear Iarscríbhinn II agus Iarscríbhinn III. Beidh sé d'aidhm ag na leasuithe gnóthú chuspóirí an Rialacháin a áirithiú agus éascú, agus na fachtóirí riosca ábhartha á gcur san áireamh, agus tabharfar bonn cirt leis na leasuithe sin ar bhonn an méid seo a leanas:

- (a) an taithí a fuair oibreoirí gnólachtaí bia agus/nó údaráis inniúla, go háirithe i gcomhthéacs cur chun feidhme córas atá bunaithe ar HACCP de bhun Airteagal 5;
- (b) an taithí a fuair an Coimisiún, go háirithe torthaí a chuid iniúcháireachtaí;
- (c) forbairtí teicneolaíocha agus a n-iarmhairtí praiticiúla agus ionchais tomhaltóirí maidir le comhdhéanamh bia;
- (d) comhairle eolaíoch, go háirithe measúnuithe rioscaí nua;
- (e) critéir mhicribhitheolaíocha agus critéir teochta le haghaidh earraí bia;
- (f) athruithe ar phatrúin tomhaltais.

Bainfidh na leasuithe dá dtagraítear sa chéad fhomhír leis an méid seo a leanas:

- (a) na ceanglais maidir le marc aitheantais táirgí de thionscnamh ainmhíoch;
- (b) cuspóirí nósanna imeachta atá bunaithe ar HACCP;
- (c) na ceanglais maidir le faisnéis faoin slabhra bia;
- (d) na ceanglais shonracha maidir le sláinteachas an áitribh ina ndéantar táirgí de thionscnamh ainmhíoch a tháirgeadh, a láimhseáil, a phróiseáil, a stóráil nó a dháileadh, lena n-áirítear an modh iompair;
- (e) na ceanglais shonracha maidir le sláinteachas na n-oibríochtaí lena n-áirítear táirgí de thionscnamh ainmhíoch a tháirgeadh, a láimhseáil, a stóráil, a iompar nó a dháileadh;
- (f) na rialacha maidir le feoil a iompar nuair a bhíonn sí te;
- (g) na caighdeáin nó na seiceálacha sláinte, i gcás ina bhfuil fianaise eolaíoch ann a léiríonn go bhfuil siad riachtanach chun an tsláinte phoiblí a chosaint;
- (h) leathnú Chaibidil IX de Roinn VII d'Iarscríbhinn III chun moilisc dhébhlaoscacha bheo seachas pectinidae a chur san áireamh;

(i) na critéir chun a chinneadh cá huair a léiríonn sonraí eipidéimeolaíocha nach guais sláinte atá san iascach maidir le seadáin a bheith ann agus, dá bharr sin, lena chinneadh cá huair a fhéadfaidh údarás inniúil oibreoirí gnólachtaí bia a údarú gan táirgí iascaigh a reo i gcomhréir le Cuid D de Chaibidil III de Roinn VIII d'Iarscríbhinn III;

(j) na caighdeáin bhreise sláinte le haghaidh moilisc dhébhlascacha bheo i gcomhar leis an tsaotharlann tagartha ábhartha de chuid an Aontais, lena n-áirítear:

(i) teorainnluachanna agus modhanna anailíse le haghaidh biotocsainí muirí eile;

(ii) nósanna imeachta maidir le tástáil víreas agus caighdeáin víreolaíocha;

agus

(iii) pleananna samplála agus na modhanna agus na lamháltais anailíseacha a bheidh le cur i bhfeidhm chun comhlíonadh na gcaighdeán sláinte a sheiceáil;

2. Tabharfar de chumhacht don Choimisiún gníomhartha tarmhligthe a ghlacadh i gcomhréir le hAirteagal 11a **lena bhforlíontar an Rialachán seo trí** mhaoluithe a dheonú ar Iarscríbhinn I agus Iarscríbhinn II, agus na fachtóirí riosca ábhartha á gcur san áireamh agus ar choinníoll nach ndéanfaidh na maoluithe sin difear do ghnóthú chuspóirí an Rialacháin seo, mar atá:

(a) cur chun feidhme [...] **na gceanglas a leagtar síos sna hIarscríbhinní a éascú i** [...] ngnólachtaí beaga;

(b) úsáid leanúnach modhanna seanbhunaithe ag céim ar bith den táirgeadh, den phróiseáil nó den dáileadh bia a chumasú;

(c) riar ar riachtanais gnólachtaí bia atá suite i réigiúin atá faoi réir srianta geografacha ar leith;

(d) **obair a éascú** do na bunaíochtaí sin a tháirgeann amhábhair a bheartaítear le haghaidh táirgeadh táirgí bia an-mhínphróiseáilte ar amhábhair é a ndearnadh cóireáil air chun a shábháilteacht a áirithiú.";

(5) leasaítear Airteagal 11 mar a leanas:

(a) cuirtear an méid seo a leanas in ionad an fhrása réamhráitigh:

"Gan dochar do chur i bhfeidhm ginearálta Airteagal 9 agus Airteagal 10(1), féadfaidh an Coimisiún na bearta seo a leanas a leagan síos trí bhíthin gníomh cur chun feidhme. Déanfar na gníomhartha cur chun feidhme sin a ghlacadh i gcomhréir leis an nós imeachta dá dtagraítear in Airteagal 12(2);";

(b) scriostar míreanna 1, 5, 6, 7 agus 8.

(6) cuirtear isteach an tAirteagal 11a seo a leanas:

"Airteagal 11a
An tarmligeán a fheidhmiú

1. Is faoi réir na gcoinníollacha a leagtar síos san Airteagal seo a thugtar an chumhacht don Choimisiún chun gníomhartha tarmligthe a ghlacadh.
2. Déanfar an chumhacht chun gníomhartha tarmligthe a ghlacadh dá dtagraítear in Airteagal 3(2), Airteagal 8(3)(a) agus Airteagal 10(1) agus (2) a thabhairt don Choimisiún go ceann **tréimhse cúig bliana amhail [...]** ón [dáta theacht i bhfeidhm an **Rialacháin seo [...]**]. **Déanfaidh an Coimisiún, tráth nach déanaí ná naoi mí roimh dheireadh na tréimhse cúig bliana, tuarascáil a tharraingt suas maidir le tarmligeán na cumhachta. Déanfar tarmligeán na cumhachta a fhadú go hintuigthe go ceann tréimhsí comhfhaid, mura rud é go gcuireann Parlaimint na hEorpa nó an Chomhairle in aghaidh an fhadaíthe sin tráth nach déanaí ná trí mhí roimh dheireadh gach tréimhse.**
3. Féadfaidh Parlaimint na hEorpa nó an Chomhairle tarmligeán na cumhachta dá dtagraítear in Airteagal 3(2), Airteagal 8(3)(a), Airteagal 10(1) agus Airteagal 10(2) a chúlghairm aon tráth. Déanfaidh cinneadh chun cúlghairm a dhéanamh deireadh a chur le tarmligeán na cumhachta atá sonraithe sa chinneadh sin. Gabhfaidh éifeacht leis an lá tar éis fhoilsiú an chinidh in *Iris Oifigiúil an Aontais Eorpaigh* nó ar dháta is déanaí a shonrófar sa chinneadh. Ní dhéanfaidh sé difear do bhailíocht aon ghníomhartha tarmligthe atá i bhfeidhm cheana.
4. Roimh dó gníomh tarmligthe a ghlacadh, rachaidh an Coimisiún i mbun comhairliúcháin le saineolaithe arna n-ainmniú ag gach Ballstát i gcomhréir leis na prionsabail a leagtar síos i gComhaontú Idirinstitiúideach **an 13 Aibreán 2016** maidir le Reachtóireacht Níos Fearr [...]*.
5. A luaithe a ghlacfaidh sé gníomh tarmligthe, tabharfaidh an Coimisiún fógra, an tráth céanna, do Pharlaimint na hEorpa agus don Chomhairle faoi.
6. Ní thiocfaidh gníomh tarmligthe a ghlactar de bhun Airteagal 3(2), Airteagal 8(3)(a), Airteagal 10(1) agus Airteagal 10(2) i bhfeidhm ach amháin mura mbeidh aon agóid curtha in iúl ag Parlaimint na hEorpa ná ag an gComhairle laistigh de thréimhse dhá mhí tar éis fógra faoin ngníomh sin a thabhairt do Pharlaimint na hEorpa agus don Chomhairle nó más rud é, roimh dhul in éag na tréimhse sin, go mbeidh Parlaimint na hEorpa agus an Chomhairle araon tar éis a chur in iúl don Choimisiún nach ndéanfaidh siad aon agóid. Déanfar an tréimhse sin a fhadú dhá mhí ar thionscnamh Pharlaimint na hEorpa nó na Comhairle.

* IO L 123, 12.5.2016, lch. 1.";

(7) in Airteagal 12, scriostar mír 3.

156. Rialachán (CE) Uimh. 183/2005 ó Pharlaimint na hEorpa agus ón gComhairle an 12 Eanáir 2005 maidir le ceanglais a leagan síos i ndáil le sláinteachas beatha ainmhithe²⁰

Chun cuspóirí Rialachán (CE) Uimh. 183/2005 a ghnóthú, ba cheart an chumhacht chun gníomhartha a ghlacadh i gcomhréir le hAirteagal 290 den Chonradh a tharmligean chuig an gCoimisiún chun Iarscríbhinn I, Iarscríbhinn II agus Iarscríbhinn III a ghabhann leis an Rialachán sin a leasú chun iad a oiriúnú don dul chun cinn teicniúil agus chun an Rialachán sin a fhorlíonadh trí na critéir agus na spriocanna micribhitheolaíochta sonracha a shainiú agus trí mhaolú ar Iarscríbhinn I, Iarscríbhinn II agus Iarscríbhinn III a ghabhann leis an Rialachán sin a dheonú. Tá sé tábhachtach, go háirithe, go rachadh an Coimisiún i mbun comhairliúcháin iomchuí le linn a chuid oibre ullmhúcháin, lena n-áirítear ar leibhéal na saineolaithe, agus go ndéanfar na comhairliúcháin sin i gcomhréir leis na prionsabail a leagtar síos i gComhaontú Idirinstitiúideach maidir le Reachtóireacht Níos Fearr **an 13 Aibreán 2016** [...]. Go sonrach, chun rannpháirtíocht chomhionann in ullmhú na ngníomhartha tarmligthe a áirithiú, gheobhaidh Parlaimint na hEorpa agus an Chomhairle na doiciméid uile ag an am céanna leis na saineolaithe sna Ballstáit, agus beidh rochtain chórasach ag a gcuid saineolaithe ar chruinnithe ghrúpaí saineolaithe an Choimisiúin a bheidh ag déileáil le hullmhú na ngníomhartha tarmligthe.

Dá réir sin, leasaítear Rialachán (CE) Uimh. 183/2005 mar a leanas:

(1) in Airteagal 5(3), cuirtear an méid seo a leanas in ionad an dara fomhír:

Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 30a **lena bhforlíontar an Rialachán seo trí** na critéir agus na spriocanna dá dtagraítear i bpointe (a) agus i bpointe (b) a shainiú.";

(2) in Airteagal 10, cuirtear an méid seo a leanas in ionad phointe (3):

"(3) go gceanglaítear formheas le rialachán tarmligthe a bhfuil sé de chumhacht ag an gCoimisiún a ghlacadh i gcomhréir le hAirteagal 30a **chun an Rialachán seo a fhorlíonadh.**";

(3) in Airteagal 27, cuirtear an méid seo a leanas in ionad an dara mír:

"Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 30a chun Iarscríbhinn I, Iarscríbhinn II agus Iarscríbhinn III a leasú.";

(4) cuirtear an méid seo a leanas in ionad Airteagal 28:

"Airteagal 28

Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 30a **lena bhforlíontar an Rialachán seo trí** mhaoluithe a dheonú ar Iarscríbhinn I, Iarscríbhinn II agus Iarscríbhinn III ar chúiseanna áirithe, ar choinníoll nach ndéanfaidh na maoluithe sin difear do ghnóthú chuspóirí an Rialacháin seo. ”;

²⁰ IO L 35, 8.2.2005, lch. 1.

(5) cuirtear isteach an tAirteagal 30a seo a leanas:

"Airteagal 30a

An tarmligeán a fheidhmiú

1. Is faoi réir na gcoinníollacha a leagtar síos san Airteagal seo a thugtar an chumhacht don Choimisiún chun gníomhartha tarmligthe a ghlacadh.
2. Déanfar an chumhacht chun gníomhartha tarmligthe a ghlacadh dá dtagraítear in Airteagal 5(3), in Airteagal 10(3), Airteagal 27 agus Airteagal 28 a thabhairt don Choimisiún go ceann **tréimhse cúig bliana** amhail [...] ón [dáta theacht i bhfeidhm an **Rialacháin** seo [...]]. **Déanfaidh an Coimisiún, tráth nach déanaí ná naoi mí roimh dheireadh na tréimhse cúig bliana, tuarascáil a tharraingt suas maidir le tarmligeán na cumhachta. Déanfar tarmligeán na cumhachta a fhadú go hintuigthe go ceann tréimhsí comhfhaid, mura rud é go gcuireann Parlaimint na hEorpa nó an Chomhairle in aghaidh an fhadaíthe sin tráth nach déanaí ná trí mhí roimh dheireadh gach tréimhse.**
3. Féadfaidh Parlaimint na hEorpa nó an Chomhairle tarmligeán na cumhachta dá dtagraítear in Airteagal 5(3), Airteagal 10(3), Airteagal 27 agus Airteagal 28 a chúlghairm aon tráth. Déanfaidh cinneadh chun cúlghairm a dhéanamh deireadh a chur le tarmligeán na cumhachta atá sonraithe sa chinneadh sin. Gabhfaidh éifeacht leis an lá tar éis fhoilsiú an chinnidh in *Iris Oifigiúil an Aontais Eorpaigh* nó ar dháta is déanaí a shonrófar sa chinneadh. Ní dhéanfaidh sé difear do bhailíocht aon ghníomhartha tarmligthe atá i bhfeidhm cheana.
4. Roimh dó gníomh tarmligthe a ghlacadh, rachaidh an Coimisiún i mbun comhairliúcháin le saineolaithe arna n-ainmniú ag gach Ballstát i gcomhréir leis na prionsabail a leagtar síos i gComhaontú Idirinstitiúideach **an 13 Aibreán 2016** maidir le Reachtóireacht Níos Fearr [...]*.
5. A luaithe a ghlacfaidh sé gníomh tarmligthe, tabharfaidh an Coimisiún fógra, an tráth céanna, do Pharlaimint na hEorpa agus don Chomhairle faoi.
6. Ní thiocfaidh gníomh tarmligthe a ghlactar de bhun Airteagal 5(3), Airteagal 10(3), Airteagal 27 agus Airteagal 28 i bhfeidhm ach amháin mura mbeidh aon agóid curtha in iúl ag Parlaimint na hEorpa ná ag an gComhairle laistigh de thréimhse dhá mhí tar éis fógra faoin ngníomh sin a thabhairt do Pharlaimint na hEorpa agus don Chomhairle nó más rud é, roimh dhul in éag na tréimhse sin, go mbeidh Parlaimint na hEorpa agus an Chomhairle araon tar éis a chur in iúl don Choimisiún nach ndéanfaidh siad aon agóid. Déanfar an tréimhse sin a fhadú dhá mhí ar thionscnamh Pharlaimint na hEorpa nó na Comhairle.

* IO L 123, 12.5.2016, lch. 1.";

(5) in Airteagal 31, scriostar mír 3.

157. Rialachán (CE) Uimh. 1901/2006 ó Pharlaimint na hEorpa agus ón gComhairle an 12 Nollaig 2006 maidir le táirgí íocshláinte le haghaidh úsáid péidiatraic agus lena leasaítear Rialachán (CEE) Uimh. 1768/92, Treoir 2001/20/CE, Treoir 2001/83/CE agus Rialachán (CE) Uimh. 726/2004²¹

Chun cuspóirí Rialachán (CE) Uimh. 1901/2006 a ghnóthú, ba cheart an chumhacht chun gníomhartha a ghlacadh i gcomhréir le hAirteagal 290 den Chonradh a tharmligean chuig an gCoimisiún chun an Rialachán sin a fhorlíonadh trí bhíthin an méid seo a leanas:

- tuilleadh sonraithe a dhéanamh ar na forais chun tionscnamh nó cur i gcrích beart áirithe a chur siar [...].
- [...]

Tá sé tábhachtach, go háirithe, go rachadh an Coimisiún i mbun comhairliúcháin iomchuí le linn a chuid oibre ullmhúcháin, lena n-áirítear ar leibhéal na saineolaithe, agus go ndéanfar na comhairliúcháin sin i gcomhréir leis na prionsabail a leagtar síos i gComhaontú Idirinstitiúideach **an 13 Aibreán 2016** maidir le Reachtóireacht Níos Fearr [...]. Go sonrach, chun rannpháirtíocht chomhionann in ullmhú na ngníomhartha tarmligthe a áirithiú, gheobhaidh Parlaimint na hEorpa agus an Chomhairle na doiciméid uile ag an am céanna leis na saineolaithe sna Ballstáit, agus beidh rochtain chórasach ag a gcuid saineolaithe ar chruinnithe ghrúpaí saineolaithe an Choimisiúin a bheidh ag déileáil le hullmhú na ngníomhartha tarmligthe.

Dá réir sin, leasaítear Rialachán (CE) Uimh. 1901/2006 mar a leanas:

(1) in Airteagal 20, cuirtear an méid seo a leanas in ionad mhír 2:

"2. Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 50a **lena bhforlíontar an Rialachán seo, trí** na forais a shainiú a thuilleadh chun iarchur a cheadú, ar bhonn na taithí a gheofar mar gheall ar mhír 1 a fheidhmiú.";

[...]

(2[...]) cuirtear an méid seo a leanas in ionad theideal Roinn 2 de Chaibidil I:

"Roinn 2

An tarmligean a fheidhmiú";

(3[...]) tar éis theideal Roinn 2 de Chaibidil 1 cuirtear isteach an tAirteagal 50a seo a leanas:

"Airteagal 50a

1. Is faoi réir na gcoinníollacha a leagtar síos san Airteagal seo a thugtar an chumhacht don Choimisiún chun gníomhartha tarmligthe a ghlacadh.

²¹ IO L 378, 27.12.2006, lch. 1.

2. Déanfar an chumhacht chun gníomhartha tarmligthe a ghlacadh dá dtagraítear in Airteagal 20(2) a thabhairt don Choimisiún go ceann **tréimhse cúig bliana** [...] amhail ón [dáta theacht i bhfeidhm **an Rialacháin seo** [...]]. **Déanfaidh an Coimisiún, tráth nach déanaí ná naoi mí roimh dheireadh na tréimhse cúig bliana, tuarascáil a tharraingt suas maidir le tarmligean na cumhachta. Déanfar tarmligean na cumhachta a fhadú go hintuigthe go ceann tréimhsí comhfhaid, mura rud é go gcuireann Parlaimint na hEorpa nó an Chomhairle in aghaidh an fhadaíthe sin tráth nach déanaí ná trí mhí roimh dheireadh gach tréimhse.**

3. Féadfaidh Parlaimint na hEorpa nó an Chomhairle tarmligean na cumhachta [...] dá dtagraítear in Airteagal 20(2) a chúlghairm aon tráth. Déanfaidh cinneadh chun cúlghairm a dhéanamh deireadh a chur le tarmligean na cumhachta atá sonraithe sa chinneadh sin. Gabhfaidh éifeacht leis an lá tar éis fhoilsiú an chinnidh in *Iris Oifigiúil an Aontais Eorpaigh* nó ar dháta is déanaí a shonrófar sa chinneadh. Ní dhéanfaidh sé difear do bhailíocht aon ghníomhartha tarmligthe atá i bhfeidhm cheana.

4. Roimh dó gníomh tarmligthe a ghlacadh, rachaidh an Coimisiún i mbun comhairliúchán le saineolaithe arna n-ainmniú ag gach Ballstát i gcomhréir leis na prionsabail a leagtar síos i gComhaontú Idirinstitiúideach **an 13 Aibreán 2016** maidir le Reachtóireacht Níos Fearr [...]*.

5. A luaithe a ghlacfaidh sé gníomh tarmligthe, tabharfaidh an Coimisiún fógra, an tráth céanna, do Pharlaimint na hEorpa agus don Chomhairle faoi.

6. Ní thiocfaidh gníomh tarmligthe a ghlactar de bhun Airteagal 20[...] (4) i bhfeidhm ach amháin mura mbeidh aon agóid curtha in iúl ag Parlaimint na hEorpa ná ag an gComhairle laistigh de thréimhse dhá mhí tar éis fógra faoin ngníomh sin a thabhairt do Pharlaimint na hEorpa agus don Chomhairle nó más rud é, roimh dhul in éag na tréimhse sin, go mbeidh Parlaimint na hEorpa agus an Chomhairle araon tar éis a chur in iúl don Choimisiún nach ndéanfaidh siad aon agóid. Déanfar an tréimhse sin a fhadú dhá mhí ar thionscnamh Pharlaimint na hEorpa nó na Comhairle.

IO L 123, 12.5.2016, lch. 1.";

(4[...]) Scriostar Airteagal 51.

158. Rialachán (CE) Uimh. 1924/2006 ó Pharlaimint na hEorpa agus ón gComhairle an 20 Nollaig 2006 maidir le maímh chothúcháin agus shláinte a dhéantar i leith bianna²²

Chun cuspóirí Rialachán (CE) Uimh. 1924/2003 a ghnóthú, ba cheart an chumhacht chun gníomhartha a ghlacadh i gcomhréir le hAirteagal 290 den Chonradh a tharmligean chuig an gCoimisiún chun an Iarscríbhinn A ghabhann leis an Rialachán sin a leasú chun í a oiriúnú don dul chun cinn teicniúil agus chun an Rialachán sin a fhorlíonadh maidir leis an méid seo a leanas:

- an fhaisnéis chothúcháin le haghaidh earraí bia neamh-réamhphacáistithe a bheidh ar díol leis an tomhaltóir deiridh nó le holl-lónadóirí agus le haghaidh earraí bia a phacálfar ag an bpointe díola arna iarraidh sin don cheannaitheoir nó a bheidh réamhphacáistithe d'fhonn iad a dhíol láithreach;
- maoluithe ar nósanna imeachta údarúcháin atá nasctha le trádmharcanna, ainmneacha branda nó ainmneacha fantaise a úsáid;
- maoluithe i dtaca le cásanna cothaitheach nach féidir méid dóthanach díobh a sholáthar le haiste chothrom, ilchineálach bia;
- próifílí sainiúla cothaitheach a chaithfidh bia nó catagóirí áirithe bia a chomhlíonadh ionas go ndéanfaí maímh chothúcháin nó shláinte ina leith;
- bearta lena gcinnfear na bianna nó na catagóirí bianna a mbeidh srian nó toirmeasc ar mhaímh chothúcháin nó shláinte a dhéanamh ina leith.

Tá sé tábhachtach, go háirithe, go rachadh an Coimisiún i mbun comhairliúcháin iomchuí le linn a chuid oibre ullmhúcháin, lena n-áirítear ar leibhéal na saineolaithe, agus go ndéanfar na comhairliúcháin sin i gcomhréir leis na prionsabail a leagtar síos i gComhaontú Idirinstitiúideach **an 13 Aibreán 2016** maidir le Reachtóireacht Níos Fearr [...]. Go sonrach, chun rannpháirtíocht chomhionann in ullmhú na ngníomhartha tarmligthe a áirithiú, gheobhaidh Parlaimint na hEorpa agus an Chomhairle na doiciméid uile ag an am céanna leis na saineolaithe sna Ballstáit, agus beidh rochtain chórasach ag a gcuid saineolaithe ar chruinnithe ghrúpaí saineolaithe an Choimisiúin a bheidh ag déileáil le hullmhú na ngníomhartha tarmligthe.

Chun coinníollacha aonfhoirmeacha a áirithiú maidir le Rialachán (CE) Uimh. 1924/2006 a chur chun feidhme, ba cheart cumhachtaí cur chun feidhme a thabhairt don Choimisiún maidir le liosta an Aontais a ghlacadh de na maímh i leith sláinte atá ceadaithe seachas na maímh sin a thagraíonn do bhaol galar a laghdú agus d'fhorbairt agus sláinte leanaí agus coinníollacha a n-úsáide, nó aon athruithe nó breiseanna ar an liosta sin a ghlacadh, agus maidir le cinntí deiridh ar iarratais ar mhaímh a údarú. Ba cheart na cumhachtaí sin a fheidhmiú i gcomhréir le Rialachán (AE) Uimh. 182/2011.

Dá réir sin, leasaítear Rialachán (CE) Uimh. 1924/2006 mar a leanas:

²² IO L 404, 30.12.2006, lch. 9

(1) leasaítear Airteagal 1 mar a leanas:

(a) i mír 2, cuirtear an méid seo a leanas in ionad an dara fomhír:

"Ní bheidh feidhm ag Airteagal 7 ná ag Airteagal 10(2)(a) agus (b) maidir le hearraí bia neamh-réamhphacáistithe (lena n-áirítear táirgí úra amhail torthaí, glasraí nó arán) a bheidh ar díol leis an tomhaltóir deiridh nó le holl-lónadóirí agus i gcás earraí bia a phacálfar ag an bpointe díola arna iarraidh sin don cheannaitheoir nó a bheidh réamhphacáistithe d'fhonn iad a dhíol láithreach. Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 24a **lena bhforlíontar an Rialachán seo tríd** an bhfaisnéis lipéadaithe le haghaidh na n-earraí bia neamh-réamhphacáistithe sin a **bhunú [...]**. Féadfaidh feidhm a bheith ag na forálacha náisiúnta go dtí go nglacfar na bearta tarmligthe sin faoi dheoidh.";

(b) cuirtear an méid seo a leanas in ionad mhír 4:

"4. Maidir le tuairisceoirí cineálacha (ainmníochtaí) a úsáideadh go traidisiúnta chun tréith ar leith d'aicme bianna nó deochanna a léiriú a d'fhéadfadh éifeacht ar shláinte an duine a thabhairt le tuiscint, féadfaidh oibreoirí gnólachtaí bia iarratas a dhéanamh ar mhaolú ar mhír 3. Cuirfear an t-iarratas chuig údarás inniúil náisiúnta Ballstáit agus cuirfidh an t-údarás sin ar aghaidh chuig an gCoimisiún gan mhoill é. Glacfaidh an Coimisiún na rialacha d'oibreoirí gnólachtaí bia a mbeidh iarratais den sórt sin le déanamh dá réir, agus poibleoidh sé iad, chun a áirithiú go ndéileálfar leis an iarratas go trédhearcach agus laistigh de thréimhse réasúnta. Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 24a lenabhforlíontar **an Rialachán seo trí fhoráil a dhéanamh do [...]** mhaoluithe ar mhír 3.";

(2) Leasaítear Airteagal 3 mar a leanas:

(a) sa dara fomhír, cuirtear an méid seo a leanas in ionad phointe (d):

"(d) a dhearbhu, a mholadh ná a thabhairt le tuiscint nach féidir le haiste chothrom ilchineálach bia an méid cuí cothaitheach a sholáthar tríd is tríd;"

(b) cuirtear isteach an fhomhír seo a leanas:

"Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 24a **lena bhforlíontar an Rialachán seo trí** mhaolú a dhéanamh ar phointe (d) den dara fomhír den Airteagal seo i gcás cothaitheach nach féidir méid dóthanach díobh a sholáthar le haiste chothrom, ilchineálach bia; áireofar sna gníomhartha tarmligthe coinníollacha maidir leis na maoluithe a chur i bhfeidhm, agus na coinníollacha ar leith atá i ngach Ballstát á gcur san áireamh.";

(3) leasaítear Airteagal 4 mar a leanas:

(a) leasaítear mír 1 mar a leanas:

(i) cuirtear an méid seo a leanas in ionad na chéad fhomhíre:

"1. Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 24a faoin 19 Eanáir 2009 **lena bhforlíontar an Rialachán seo trí phróifílí sainiúla cothaitheach a bhunú, lena n-áirítear díolúintí, a chaithfidh bia nó catagóirí áirithe bia a chomhlíonadh chun maímh chothúcháin nó shláinte a dhéanamh ina leith agus na coinníollacha maidir le húsáid maíomh cothúcháin nó sláinte i gcomhair bianna nó catagóirí bianna a úsáid i ndáil le próifílí cothaitheach.**";

(ii) cuirtear an méid seo a leanas in ionad an séú fomhír:

"Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 24a **lena bhforlíontar an Rialachán seo trí [...] na próifílí cothaitheach agus coinníollacha a n-úsáide a nuashonrú chun na forbairtí eolaíocha ábhartha a chur san áireamh. Chun na críche sin, rachaidh an Coimisiún i gcomhairle le páirtithe leasmhara, go háirithe oibreoirí gnólachtaí bia agus grúpaí tomhaltóirí.**";

(b) cuirtear an méid seo a leanas in ionad mhír 5:

"5. Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 24a **lena bhforlíontar an Rialachán seo trí bhearta a leagan síos [...]** a bhaineann leis na bianna nó na catagóirí bia seachas iad sin dá dtagraítear i mír 3 den Airteagal seo a chinneadh a mbeidh srian nó toirmeasc ar mhaímh chothúcháin nó shláinte a dhéanamh ina leith faoi threoir na fianaise eolaíche."

(4) in Airteagal 8, cuirtear an méid seo a leanas in ionad mhír 2:

"2. Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 24a lena leasaítear an Iarscríbhinn, tar éis dul i gcomhairle leis an údarás, i gcás inarb iomchuí. Más iomchuí, déanfaidh an Coimisiún páirtithe leasmhara, go háirithe oibreoirí gnólachtaí bia agus grúpaí tomhaltóirí, a tharraingt isteach sa phróiseas chun an dearcadh agus an tuiscint ar na maímh i dtrácht a mheas."

(5) in Airteagal 13, cuirtear an méid seo a leanas in ionad mhír 3 agus mhír 4:

"3. Déanfaidh an Coimisiún, tar éis dul i gcomhairle leis an údarás, liosta an Aontais de mhaímh cheadaithe dá dtagraítear i mír 1 agus na coinníollacha riachtanacha go léir chun na maímh sin a úsáid a ghlacadh trí bhíthin gníomh cur chun feidhme faoin 31 Eanáir 2010 ar a dhéanaí. Déanfar na gníomhartha cur chun feidhme sin a ghlacadh i gcomhréir leis an nós imeachta dá dtagraítear in Airteagal 25(2).

4. Déanfaidh an Coimisiún, tar éis dul i gcomhairle leis an údarás, ar thionscnamh an Choimisiúin féin nó tar éis iarraidh a fháil ó Bhallstát, aon athruithe ar an liosta dá dtagraítear i mír 3 a ghlacadh trí bhíthin gníomh cur chun feidhme, ar athruithe iad a bheidh bunaithe ar fhianaise eolaíoch a nglactar go ginearálta léi. Déanfar na gníomhartha cur chun feidhme sin a ghlacadh i gcomhréir leis an nós imeachta dá dtagraítear in Airteagal 25(2).";

(6) leasaítear Airteagal 17(3) mar a leanas:

(a) cuirtear an méid seo a leanas in ionad na chéad fhomhíre:

"Glacfaidh an Coimisiún cinneadh deiridh maidir leis an iarratas trí bhíthin gníomh cur chun feidhme. Déanfar na gníomhartha cur chun feidhme sin a ghlacadh i gcomhréir leis an nós imeachta dá dtagraítear in Airteagal 25(2).";

(b) sa dara fomhír, cuirtear an méid seo a leanas in ionad phointe (b):

"(b) roimh dhul in éag na tréimhse cúig bliana, má shásaíonn an maíomh fós na coinníollacha a leagtar síos leis an Rialachán seo, glacfaidh an Coimisiún bearta, trí bhíthin gníomh cur chun feidhme maidir leis an maíomh a údarú gan srian lena úsáid. Déanfar na gníomhartha cur chun feidhme sin a ghlacadh i gcomhréir leis an nós imeachta dá dtagraítear in Airteagal 25(2).";

(7) leasaítear Airteagal 18(5) mar a leanas:

(a) cuirtear an méid seo a leanas in ionad na chéad fhomhíre:

"I gcás ina n-eiseoidh an t-údarás tuairim nach dtacaíonn leis an maíomh a chur leis an liosta dá dtagraítear i mír 4, glacfaidh an Coimisiún cinneadh ar an iarratas trí bhíthin gníomh cur chun feidhme. Déanfar na gníomhartha cur chun feidhme sin a ghlacadh i gcomhréir leis an nós imeachta dá dtagraítear in Airteagal 25(2).";

(b) sa dara fomhír, cuirtear an méid seo a leanas in ionad phointe (b):

"(b) roimh dhul in éag na tréimhse cúig bliana, má shásaíonn an maíomh fós na coinníollacha a leagtar síos leis an Rialachán seo, glacfaidh an Coimisiún bearta, trí bhíthin gníomh cur chun feidhme, maidir leis an maíomh a údarú gan srian lena úsáid. Déanfar na gníomhartha cur chun feidhme sin a ghlacadh i gcomhréir leis an nós imeachta dá dtagraítear in Airteagal 25(2).";

(8) cuirtear isteach an tAirteagal 24a seo a leanas:

"Airteagal 24a
An tarmligean a fheidhmiú

1. Is faoi réir na gcoinníollacha a leagtar síos san Airteagal seo a thugtar an chumhacht don Choimisiún chun gníomhartha tarmligthe a ghlacadh.
2. Déanfar an chumhacht chun gníomhartha tarmligthe a ghlacadh dá dtagraítear in Airteagal 1(2) agus (4), Airteagal 3, Airteagal 4(1) agus (5) agus Airteagal 8(2) a thabhairt don Choimisiún go ceann **tréimhse cúig bliana amháil [...]** ón [dáta theacht i bhfeidhm an **Rialacháin** seo [...]]. **Déanfaidh an Coimisiún, tráth nach déanaí ná naoi mí roimh dheireadh na tréimhse cúig bliana, tuarascáil a tharraingt suas maidir le tarmligean na cumhachta. Déanfar tarmligean na cumhachta a fhadú go hintuigthe go ceann tréimhsí comhfhaid, mura rud é go gcuireann Parlaimint na hEorpa nó an Chomhairle in aghaidh an fhadaíthe sin tráth nach déanaí ná trí mhí roimh dheireadh gach tréimhse.**
3. Féadfaidh Parlaimint na hEorpa nó an Chomhairle tarmligean na cumhachta dá dtagraítear in 1(2) agus (4), Airteagal 3, Airteagal 4(1) agus (5) agus Airteagal 8(2) a chúlghairm aon tráth. Déanfaidh cinneadh chun cúlghairm a dhéanamh deireadh a chur le tarmligean na cumhachta atá sonraithe sa chinneadh sin. Gabhfaidh éifeacht leis an lá tar éis fhoilsiú an chinnidh in *Iris Oifigiúil an Aontais Eorpaigh* nó ar dháta is déanaí a shonrófar sa chinneadh. Ní dhéanfaidh sé difear do bhailíocht aon ghníomhartha tarmligthe atá i bhfeidhm cheana.
4. Roimh dó gníomh tarmligthe a ghlacadh, rachaidh an Coimisiún i mbun comhairliúcháin le saineolaithe arna n-ainmniú ag gach Ballstát i gcomhréir leis na prionsabail a leagtar síos i gComhaontú Idirinstitiúideach **an 13 Aibreán 2016** maidir le Reachtóireacht Níos Fearr [...]*.
5. A luaithe a ghlacfaidh sé gníomh tarmligthe, tabharfaidh an Coimisiún fógra, an tráth céanna, do Pharlaimint na hEorpa agus don Chomhairle faoi.
6. Ní thiocfaidh gníomh tarmligthe a ghlactar de bhun Airteagal 1(2) agus Airteagal 1(4), Airteagal 3, Airteagal 4(1) agus Airteagal 4(5) agus Airteagal 8(2) i bhfeidhm ach amháin mura mbeidh aon agóid curtha in iúl ag Parlaimint na hEorpa ná ag an gComhairle laistigh de thréimhse dhá mhí tar éis fógra faoin ngníomh sin a thabhairt do Pharlaimint na hEorpa agus don Chomhairle nó más rud é, roimh dhul in éag na tréimhse sin, go mbeidh Parlaimint na hEorpa agus an Chomhairle araon tar éis a chur in iúl don Choimisiún nach ndéanfaidh sia aon agóid. Déanfar an tréimhse sin a fhadú dhá mhí ar thionscnamh Pharlaimint na hEorpa nó na Comhairle.

* IO L 123, 12.5.2016, lch. 1.";

(9) in Airteagal 25, scriostar mír 3;

(10) leasaítear Airteagal 28 mar a leanas:

(a) i mír 4, scriostar pointe (b);

(b) i mír 6(a), cuirtear an méid seo a leanas in ionad phointe (ii):

"(ii) tar éis dul i gcomhairle leis an údarás, glacfaidh an Coimisiún, trí bhíthin gníomh cur chun feidhme, cinneadh maidir leis na maímh i leith sláinte a údarófar ar an dóigh sin. Déanfar na gníomhartha cur chun feidhme sin a ghlacadh i gcomhréir leis an nós imeachta dá dtagraítear in Airteagal 25(2).";

159. Rialachán (CE) Uimh. 1925/2006 ó Pharlaimint na hEorpa agus ón gComhairle an 20 Nollaig 2006 maidir le vitimíní agus mianraí agus substaintí áirithe eile a chur le bia²³

Chun cuspóirí Rialachán (CE) Uimh. 1925/2006 a ghnóthú, ba cheart an chumhacht chun gníomhartha a ghlacadh i gcomhréir le hAirteagal 290 den Chonradh a tharmligean chuig an gCoimisiún chun Iarscríbhinn I agus Iarscríbhinn II a ghabhann leis an Rialachán sin a leasú chun í a oiriúnú don dul chun cinn teicniúil agus eolaíoch agus chun Iarscríbhinn III a ghabhann leis an Rialachán sin a leasú **maidir le** [...] substaintí áirithe eile a bhfuil toirmeasc nó srian orthu nó atá faoi ghrinnschrúdú an Aontais agus chun an Rialachán sin a fhorlíonadh trí na bianna nó na catagóirí bianna breise a chinneadh nach gceadaítear vitimíní agus mianraí a chur leo, na critéir íonachta a chinneadh i gcomhair foirmlithe vitimíní agus substaintí mianracha agus an t-íosmhéid a chinneadh de mhaolú ar an méid suntasach i gcás vitimín nó mianra a bheith sa bhia. Tá sé tábhachtach, go háirithe, go rachadh an Coimisiún i mbun comhairliúcháin iomchuí le linn a chuid oibre ullmhúcháin, lena n-áirítear ar leibhéal na saineolaithe, agus go ndéanfar na comhairliúcháin sin i gcomhréir leis na prionsabail a leagtar síos i gComhaontú Idirinstitiúideach **an 13 Aibreán 2016** maidir le Reachtóireacht Níos Fearr [...]. Go sonrach, chun rannpháirtíocht chomhionann in ullmhú na ngníomhartha tarmligthe a áirithiú, gheobhaidh Parlaimint na hEorpa agus an Chomhairle na doiciméid uile ag an am céanna leis na saineolaithe sna Ballstáit, agus beidh rochtain chórasach ag a gcuid saineolaithe ar chruinnithe ghrúpaí saineolaithe an Choimisiúin a bheidh ag déileáil le hullmhú na ngníomhartha tarmligthe.

Chun coinníollacha aonfhoirmeacha a áirithiú maidir le Rialachán (CE) Uimh. 1925/2006 a chur chun feidhme, ba cheart cumhachtaí cur chun feidhme a thabhairt don Choimisiún i dtaca leis na huasmhéideanna vitimíní nó mianraí a chuirtear le bia agus i dtaca leis na coinníollacha a chuirfeadh srian nó toirmeasc ar vitimín sonrach nó ar mhianra sonrach a chur **le bia nó le catagóir bia**. Ba cheart na cumhachtaí sin a fheidhmiú i gcomhréir le Rialachán (AE) Uimh. 182/2011.

²³ IO L 404, 30.12.2006, lch. 26

Dá réir sin, leasaítear Rialachán (CE) Uimh. 1925/2006 mar a leanas:

(1) in Airteagal 3, cuirtear an méid seo a leanas in ionad mhír 3:

"3. Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 13a lena leasaítear na liostaí atá in Iarscríbhinn I agus in Iarscríbhinn II chun iad a oiriúnú don dul chun cinn teicniúil.

Más rud é, i gcás vitimín nó mianra a bhaint de na liostaí dá dtagraítear i mír 1 den Airteagal seo, go n-éilítear amhlaidh ar mhórfhoras práinne, beidh feidhm ag an nós imeachta dá bhforáiltear in Airteagal 13b maidir le gníomhartha tarmligthe a ghlactar de bhun an Airteagail seo.

Sula ndéanfar na leasuithe sin, rachaidh an Coimisiún i mbun comhairliúcháin le páirtithe leasmhara, go háirithe oibreoirí gnólachtaí bia agus grúpaí tomhaltóirí.";

(2) in Airteagal 4, cuirtear an méid seo a leanas in ionad an dara fomhír:

"Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 13a **lena bhforlíontar an Rialachán seo trí bhearta a leagan síos [...]** lena gcinnefar na bianna nó na catagóirí bianna breise nach gceadaítear vitimíní agus mianraí a chur leo faoi threoír na fianaise eolaíche agus a luach cothaitheach á chur san áireamh.";

(3) in Airteagal 5, cuirtear an méid seo a leanas in ionad mhír 1:

"1. Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 13a **lena bhforlíontar an Rialachán seo trí bhearta a leagan síos [...]** lena gcinnefar na critéir íonachta i gcomhair foirmlithe vitimíní agus substaintí mianracha a liostaítear in Iarscríbhinn II, ach amháin i gcás ina bhfuil feidhm ag na critéir íonachta de bhun mhír 2 den Airteagal seo.";

(4) leasaítear Airteagal 6 mar a leanas:

(a) cuirtear an méid seo a leanas in ionad mhír 1 agus mhír 2:

"1. I gcás ina gcuirfeadh vitimín nó mianra le bianna, ní rachaidh méid iomlán an vitimín nó an mianra a bheidh, ar chúis ar bith, sa bhia amhail mar a dhíoltar é thar na huasmhéideanna. Déanfaidh an Coimisiún na méideanna sin a shocrú trí bhíthin gníomh cur chun feidhme. Déanfar na gníomhartha cur chun feidhme sin a ghlacadh i gcomhréir leis an nós imeachta dá dtagraítear in Airteagal 14(2). Féadfaidh an Coimisiún, chun na críche sin, dréachtbhearta maidir leis na huasmhéideanna a thiolacadh faoin 19 Eanáir 2009. Maidir le táirgí tiubhaithe agus táirgí dihiodráitithe, is iad na huasmhéideanna a leagfar síos na méideanna sin a bheidh sna bianna agus iad á n-ullmhú lena gcaitheamh de réir threoracha an déantóra.

2. Saineoidh an Coimisiún, trí bhíthin gníomh cur chun feidhme, aon choinníollacha a chuirfeadh srian nó toirmeasc ar vitimín sonracha nó ar mhianra sonracha a chur le bia nó le catagóir bianna trí bhíthin gníomh cur chun feidhme. Déanfar na gníomhartha cur chun feidhme sin a ghlacadh i gcomhréir leis an nós imeachta dá dtagraítear in Airteagal 14(2).";

(b) cuirtear an méid seo a leanas in ionad mhír 6:

"6. Nuair a chuirtear vitimín nó mianra le bia beidh méid an-bheag ar a laghad den vitimín nó den mhianra sin ann sa bhia nuair a shainítear an méid sin i gcomhréir le pointe 2 de Chuid A d'Iarscríbhinn XIII de Rialachán (AE) Uimh. 1169/2011. Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 13a **lena bhforlíontar an Rialachán seo trí bhearta a leagan síos [...]** lena gcinnfear na híosmhéideanna vitimín nó mianra sa bhia, lena n-áirítear aon mhéideanna níos ísle de mhaolú ar na méideanna suntasacha, i gcás bianna nó catagóirí bianna sonracha.";

(5) in Airteagal 7, cuirtear an méid seo a leanas in ionad mhír 1:

"1. "1. Ní bheidh i lipéadú, i gcur i láthair ná i bhfógraíocht bianna a mbeidh vitimíní agus mianraí curtha leo aon ní a dhearbódh nó a thabharfadh le tuiscint nach féidir le haiste chothrom ilchinealach bia méideanna cuí cothaitheach a sholáthar. Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 13a **lena bhforlíontar an Rialachán seo trí** mhaolú a dhéanamh ón riail seo maidir le cothaitheach ar leith.";

(6) leasaítear Airteagal 8 mar a leanas:

(a) cuirtear an méid seo a leanas in ionad mhír 2:

"2. Ar a thionscnamh féin nó ar bhonn na faisnéise a chuirfidh na Ballstáit ar fáil dó, tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 13a chun Iarscríbhinn III a leasú chun an tsubstaint nó an comhábhar dá dtagraítear i mír 1 den Airteagal seo a chur san áireamh. Déanfar an gníomh tarmligthe sin, i ngach cás, tar éis don Údarás measúnú a dhéanamh ar an bhfaisnéis a bheidh ar fáil agus comhlíonfaidh sé na coinníollacha seo a leanas:

(a) má aithnítear éifeacht dhíobhálach ar an tsláinte, déanfar an tsubstaint agus/nó an comhábhar ina bhfuil an tsubstaint:

(i) a áireamh i gCuid A d'Iarscríbhinn III agus beidh toirmisc ar an tsubstaint nó an comhábhar ina bhfuil an tsubstaint a chur le bianna nó a úsáid i monarú bianna; nó

(ii) a áireamh i gCuid B d'Iarscríbhinn III agus ní cheadófar an tsubstaint nó an comhábhar ina bhfuil an tsubstaint a chur le bianna ná a úsáid i monarú bianna ach amháin faoi na coinníollacha a shonrófar san Iarscríbhinn sin;

(b) má aithnítear go bhféadfadh éifeachtaí díobhálacha ar an tsláinte a bheith ann ach go bhfuil neamhchinnteacht eolaíoch fós ann, áireofar an tsubstaint i gCuid C d'Iarscríbhinn III.

Más rud é, i gcás an tsubstaint nó an comhábhar a áireamh i gCuid A nó i gCuid B d'Iarscríbhinn III, go n-éilítear amhlaidh ar mhórfhoras práinne, beidh feidhm ag an nós imeachta dá bhforáiltear in Airteagal 13b maidir le gníomhartha tarmligthe a ghlactar de bhun an Airteagail seo.";

(b) cuirtear an méid seo a leanas in ionad mhír 5:

"5. Laistigh de cheithre bliana ón dáta a mbeidh substaint liostaithe i gCuid C d'Iarscríbhinn III agus ag cur san áireamh thuairim an Údaráis faoi aon chomhad a thíolacfar lena mheasúnú mar a luaitear i mír 4 den Airteagal seo, tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 13a lena leasaítear Iarscríbhinn III chun úsáid substainte a cheadú a liostaítear i gCuid C d'Iarscríbhinn III nó chun í a liostú i gCuid A nó i gCuid B d'Iarscríbhinn III, de réir mar is iomchuí.

Más rud é, i gcás an tsubstaint nó an comhábhar a áireamh i gCuid A nó i gCuid B d'Iarscríbhinn III, go n-éilítear amhlaidh ar mhórfhoras práinne, beidh feidhm ag an nós imeachta dá bhforáiltear in Airteagal 13b maidir le gníomhartha tarmligthe a ghlactar de bhun an Airteagail seo.";

(7) cuirtear isteach an tAirteagal 13a agus an tAirteagal 13b seo a leanas:

"Airteagal 13a

An tarmligeán a fheidhmiú

1. Is faoi réir na gcoinníollacha a leagtar síos san Airteagal seo a thugtar an chumhacht don Choimisiún chun gníomhartha tarmligthe a ghlacadh.

2. Déanfar an chumhacht chun gníomhartha tarmligthe a ghlacadh dá dtagraítear in Airteagal 3(3), Airteagal 4, Airteagal 5(1), Airteagal 6(6), Airteagal 7(1) agus Airteagal 8(2) agus (5) a thabhairt don Choimisiún go ceann **tréimhse cúig bliana amhail [...]** ón [dáta theacht i bhfeidhm an **Rialacháin seo [...]**]. **Déanfaidh an Coimisiún, tráth nach déanaí ná naoi mí roimh dheireadh na tréimhse cúig bliana, tuarascáil a tharraingt suas maidir le tarmligeán na cumhachta. Déanfar tarmligeán na cumhachta a fhadú go hintuigthe go ceann tréimhsí comhfhaid, mura rud é go gcuireann Parlaimint na hEorpa nó an Chomhairle in aghaidh an fhadaithe sin tráth nach déanaí ná trí mhí roimh dheireadh gach tréimhse.**

3. Féadfaidh Parlaimint na hEorpa nó an Chomhairle tarmligeán na cumhachta dá dtagraítear in Airteagal 3(3), Airteagal 4, Airteagal 5(1), Airteagal 6(6), Airteagal 7(1) agus Airteagal 8(2) agus (5) a chúlghairm aon tráth. Déanfaidh cinneadh chun cúlghairm a dhéanamh deireadh a chur le tarmligeán na cumhachta atá sonraithe sa chinneadh sin. Gabhfaidh éifeacht leis an lá tar éis fhoilsiú an chinnidh in *Iris Oifigiúil an Aontais Eorpaigh* nó ar dháta is déanaí a shonrófar sa chinneadh. Ní dhéanfaidh sé difear do bhailíocht aon ghníomhartha tarmligthe atá i bhfeidhm cheana.

4. Roimh dó gníomh tarmligthe a ghlacadh, rachaidh an Coimisiún i mbun comhairliúcháin le saineolaithe arna n-ainmniú ag gach Ballstát i gcomhréir leis na prionsabail a leagtar síos i gComhaontú Idirinstitiúideach **an 13 Aibreán 2016** maidir le Reachtóireacht Níos Fearr [...]*.

5. A luaithe a ghlacfaidh sé gníomh tarmligthe, tabharfaidh an Coimisiún fógra, an tráth céanna, do Pharlaimint na hEorpa agus don Chomhairle faoi.

6. Ní thiocfaidh gníomh tarmligthe a ghlactar de bhun Airteagal 3(3), Airteagal 4, Airteagal 5(1), Airteagal 6(6), Airteagal 7(1) agus Airteagal 8(2) agus Airteagal 8(5) i bhfeidhm ach amháin mura mbeidh aon agóid curtha in iúl ag Parlaimint na hEorpa ná ag an gComhairle laistigh de thréimhse dhá mhí tar éis fógra faoin ngníomh sin a thabhairt do Pharlaimint na hEorpa agus don Chomhairle nó más rud é, roimh dhul in éag na tréimhse sin, go mbeidh Parlaimint na hEorpa agus an Chomhairle araon tar éis a chur in iúl don Choimisiún nach ndéanfaidh siad aon agóid. Déanfar an tréimhse sin a fhadú dhá mhí ar thionscnamh Pharlaimint na hEorpa nó na Comhairle.

Airteagal 13b

An nós imeachta práinne

1. Tiocfaidh gníomhartha tarmligthe a ghlactar faoin Airteagal seo i bhfeidhm gan mhoill agus beidh feidhm acu ar choinníoll nach ndéanfar agóid i gcomhréir le mír 2. Déanfar na cúiseanna le húsáid a bhaint as an nós imeachta práinne a lua san fhógra faoi ghníomhartha tarmligthe a thugtar do Pharlaimint na hEorpa agus don Chomhairle.

2. Féadfaidh Parlaimint na hEorpa nó an Chomhairle agóid a dhéanamh i gcoinne gníomh tarmligthe i gcomhréir leis an nós imeachta dá dtagraítear in Airteagal 13a(6). I gcás den sórt sin, déanfaidh an Coimisiún an gníomh tarmligthe a aisghairm láithreach tar éis do Pharlaimint na hEorpa nó don Chomhairle fógra a thabhairt don Choimisiún maidir leis an gcinneadh agóid a dhéanamh.

* IO L 123, 12.5.2016, lch. 1.";

(8) in Airteagal 14, scriostar mír 3 agus mír 4.

160. Rialachán (CE) Uimh. 1394/2007 ó Pharlaimint na hEorpa agus ón gComhairle an 13 Samhain 2007 maidir le táirgí íocshláinte ardteiripe agus lena leasaítear Treoir 2001/83/CE agus Rialachán (CE) Uimh. 726/2004²⁴

Chun cuspóirí Rialachán (CE) Uimh. 1394/2007 a ghnóthú, ba cheart an chumhacht chun gníomhartha a ghlacadh i gcomhréir le hAirteagal 290 den Chonradh a tharmligeann chuig an gCoimisiún chun na hlarscríbhinní a ghabhann leis an Rialachán sin a leasú chun iad a oiriúnú don dul chun cinn teicniúil agus eolaíoch. Tá sé tábhachtach, go háirithe, go rachadh an Coimisiún i mbun comhairliúcháin iomchuí le linn a chuid oibre ullmhúcháin, lena n-áirítear ar leibhéal na saineolaithe, agus go ndéanfar na comhairliúcháin sin i gcomhréir leis na prionsabail a leagtar síos i gComhaontú Idirinstitiúideach maidir le Reachtóireacht Níos Fearr **an 13 Aibreán 2016** [...]. Go sonrach, chun rannpháirtíocht chomhionann in ullmhú na ngníomhartha tarmligthe a áirithiú, gheobhaidh Parlaimint na hEorpa agus an Chomhairle na doiciméid uile ag an am céanna leis na saineolaithe sna Ballstáit, agus beidh rochtain chórasach ag a gcuid saineolaithe ar chruinnithe ghrúpaí saineolaithe an Choimisiúin a bheidh ag déileáil le hullmhú na ngníomhartha tarmligthe.

²⁴ IO L 324, 10.12.2007, lch. 121.

Dá réir sin, leasaítear Rialachán (CE) Uimh. 1394/2007 mar a leanas:

(1) cuirtear an méid seo a leanas in ionad Airteagal 24:

"Airteagal 24
Leasú ar Iarscríbhinní

Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 25a lena leasaítear na hIarscríbhinní chun iad a oiriúnú don dul chun cinn teicniúil agus eolaíoch, tar éis dul i gcomhairle leis an nGníomhaireacht.";

(2) cuirtear isteach an tAirteagal 25a seo a leanas:

"Airteagal 25a
An tarmligean a fheidhmiú

1. Is faoi réir na gcoinníollacha a leagtar síos san Airteagal seo a thugtar an chumhacht don Choimisiún chun gníomhartha tarmligthe a ghlacadh.

2. Déanfar an chumhacht chun gníomhartha tarmligthe a ghlacadh dá dtagraítear in Airteagal 24 a thabhairt don Choimisiún go ceann **tréimhse cúig bliana amhail [...]** ón [dáta theacht i bhfeidhm an **Rialacháin** seo [...]]. **Déanfaidh an Coimisiún, tráth nach déanaí ná naoi mí roimh dheireadh na tréimhse cúig bliana, tuarascáil a tharraingt suas maidir le tarmligean na cumhachta. Déanfar tarmligean na cumhachta a fhadú go hintuigthe go ceann tréimhsí comhfhaid, mura rud é go gcuireann Parlaimint na hEorpa nó an Chomhairle in aghaidh an fhadaíthe sin tráth nach déanaí ná trí mhí roimh dheireadh gach tréimhse.**

3. Féadfaidh Parlaimint na hEorpa nó an Chomhairle tarmligean na cumhachta dá dtagraítear in Airteagal 24 a chúlghairm aon tráth. Déanfaidh cinneadh chun cúlghairm a dhéanamh deireadh a chur le tarmligean na cumhachta atá sonraithe sa chinneadh sin. Gabhfaidh éifeacht leis an lá tar éis fhoilsiú an chinnidh in *Iris Oifigiúil an Aontais Eorpaigh* nó ar dháta is déanaí a shonrófar sa chinneadh. Ní dhéanfaidh sé difear do bhailíocht aon ghníomhartha tarmligthe atá i bhfeidhm cheana.

4. Roimh dó gníomh tarmligthe a ghlacadh, rachaidh an Coimisiún i mbun comhairliúchán le saineolaithe arna n-ainmniú ag gach Ballstát i gcomhréir leis na prionsabail a leagtar síos i gComhaontú Idirinstitiúideach **an 13 Aibreán 2016** maidir le Reachtóireacht Níos Fearr [...].*

5. A luaithe a ghlacfaidh sé gníomh tarmligthe, tabharfaidh an Coimisiún fógra, an tráth céanna, do Pharlaimint na hEorpa agus don Chomhairle faoi.

6. Ní thiocfaidh gníomh tarmligthe a ghlactar de bhun Airteagal 24 i bhfeidhm ach amháin mura mbeidh aon agóid curtha in iúl ag Parlaimint na hEorpa ná ag an gComhairle laistigh de thréimhse dhá mhí tar éis fógra faoin ngníomh sin a thabhairt do Pharlaimint na hEorpa agus don Chomhairle nó más rud é, roimh dhul in éag na tréimhse sin, go mbeidh Parlaimint na hEorpa agus an Chomhairle araon tar éis a chur in iúl don Choimisiún nach ndéanfaidh siad aon agóid. Déanfar an tréimhse sin a fhadú dhá mhí ar thionscnamh Pharlaimint na hEorpa nó na Comhairle.

* IO L 123, 12.5.2016, lch. 1 ²⁵;

(3) in Airteagal 26, scriostar mír 3.

161. Treoir 2009/32/CE ó Pharlaimint na hEorpa agus ón gComhairle an 23 Aibreán 2009 maidir le comhfhogasú dhlíthe na mBallstát a bhaineann le tuaslagóirí eastóscúcháin a úsáidtear i dtáirgeadh earraí bia agus comhábhar bia²⁵

Chun cuspóirí Threoir 2009/32/CE a bhaint amach, ba cheart an chumhacht chun gníomhartha a ghlacadh i gcomhréir le hAirteagal 290 den Chonradh a tharmligeann chuig an gCoimisiún chun Iarscríbhinn I a ghabhann leis an Treoir sin a leasú chun í a oiriúnú don dul chun cinn teicniúil. [...]. Tá sé tábhachtach, go háirithe, go rachadh an Coimisiún i mbun comhairliúcháin iomchuí le linn a chuid oibre ullmhúcháin, lena n-áirítear ar leibhéal na saineolaithe, agus go ndéanfar na comhairliúcháin sin i gcomhréir leis na prionsabail a leagtar síos i gComhaontú Idirinstitiúideach **an 13 Aibreán 2016** maidir le Reachtóireacht Níos Fearr [...]. Go sonrach, chun rannpháirtíocht chomhionann in ullmhú na ngníomhartha tarmligthe a áirithiú, gheobhaidh Parlaimint na hEorpa agus an Chomhairle na doiciméid uile ag an am céanna leis na saineolaithe sna Ballstáit, agus beidh rochtain chórasach ag a gcuid saineolaithe ar chruinnithe ghrúpaí saineolaithe an Choimisiúin a bheidh ag déileáil le hullmhú na ngníomhartha tarmligthe.

Chun coinníollacha aonfhoirmeacha a áirithiú maidir le Treoir 2009/32/CE a chur chun feidhme, ba cheart cumhachtaí cur chun feidhme a thabhairt don Choimisiún chun na modhanna anailíse atá riachtanach a bhunú le fíorú an bhfuiltear ag comhlíonadh na critéir íonachta agus an nós imeachta maidir le samplaí a ghlacadh agus na modhanna maidir le hanailís a dhéanamh ar na tuaslagóirí eastóscúcháin a liostaítear in Iarscríbhinn 1 a ghabhann leis an Treoir sin agus na huasteorainneacha ceadaithe caidmiam agus mearcair sna tuaslagóirí sin. Ba cheart na cumhachtaí sin a fheidhmiú i gcomhréir le Rialachán (AE) Uimh. 182/2011.

Ba cheart don Choimisiún gníomhartha cur chun feidhme atá infheidhme láithreach a ghlacadh más rud é, i gcásanna a bhfuil údar cuí leo agus a bhaineann le sláinte an duine a chosaint, go n-éilítear amhlaidh ar mhórfhorais phráinne.

Dá réir sin, leasaítear Treoir 2009/32/CE mar a leanas:

²⁵ IO L 141, 6.6.2009, lch. 3

(1) cuirtear an méid seo a leanas in ionad Airteagal 4:

"Airteagal 4

1. Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 5a a bhaineann le hIarscríbhinn I a leasú i bhfianaise an dul chun cinn eolaíoch agus theicniúil sa réimse úsáide tuaslagóirí, coinníollacha a n-úsáide agus uasteorainneacha na n-iarmhar.

Más rud é, i gcás sláinte an duine a chosaint, go n-éilítear amhlaidh ar mhórfhorais phráinne, beidh feidhm ag an nós imeachta dá bhforáiltear in Airteagal 5b maidir le gníomhartha tarmligthe a ghlactar de bhun na chéad fhomhíre.

2. Féadfaidh an Coimisiún, **trí bhíthin gníomhartha cur chun feidhme, an méid seo a leanas a bhunú: [...]**

(a) na modhanna anailíse is gá chun comhlíonadh na gcritéar íonachta ghinearálta agus shonracha dá bhforáiltear in Airteagal 3 a fhíorú;

(b) an nós imeachta maidir le samplaí a ghlacadh agus na modhanna maidir le hanailís cháilíochtúil agus chainníochtúil a dhéanamh ar na tuaslagóirí eastóscúcháin a liostaítear in Iarscríbhinn I agus a úsáidtear in earraí bia agus i gcomhábhair bia;

(c) más gá, critéir íonachta shonracha do na tuaslagóirí eastóscúcháin a liostaítear in Iarscríbhinn I, agus go háirithe na huasteorainneacha ceadaithe mearcair agus caidmiam sna tuaslagóirí eastóscúcháin.

Déanfar na gníomhartha cur chun feidhme sin a ghlacadh i gcomhréir leis an nós imeachta scrúdúcháin dá dtagraítear in Airteagal 6(2).

Ar mhórfhorais phráinne chuí-réasúnaithe a bhaineann le sláinte an duine a chosaint, féadfaidh an Coimisiún na gníomhartha cur chun feidhme a ghlacadh a bheidh infheidhme láithreach i gcomhréir leis an nós imeachta dá dtagraítear in Airteagal 6(2a) maidir leis na gníomhartha cur chun feidhme a ghlacfar de bhun phointe (c) den mhír seo."

*** Rialachán (AE) Uimh. 182/2011 ó Pharlaimint na hEorpa agus ón gComhairle an 16 Feabhra 2011 lena leagtar síos na rialacha agus na prionsabail ghinearálta a bhaineann leis na sásraí maidir le rialú ag na Ballstáit ar fheidhmiú cumhachtaí cur chun feidhme ag an gCoimisiún (IO L 55, 28.2.2011, lch. 13).**

[...]"

(2) in Airteagal 5, cuirtear an méid seo a leanas in ionad mhír 3:

"3. I gcás ina n-éilítear amhlaidh ar mhórfhorais phráinne, tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 5a a bhaineann le leasuithe ar an Treoir seo a measfar gá a bheith leo chun na deacrachtaí a luaitear i mír 1 a réiteach agus chun cosaint shláinte an duine a áirithiú.

Sa chás sin, féadfaidh aon Bhallstát a ghlac bearta coimirce na bearta sin a choimeád i bhfeidhm go dtí go dtiocfaidh na leasuithe i bhfeidhm ar a chríoch."

(3) cuirtear isteach an tAirteagal 5a agus an tAirteagal 5b seo a leanas:

"Airteagal 5a

1. Is faoi réir na gcoinníollacha a leagtar síos san Airteagal seo a thugtar an chumhacht don Choimisiún chun gníomhartha tarmligthe a ghlacadh.
2. Déanfar an chumhacht chun gníomhartha tarmligthe a ghlacadh dá dtagraítear in Airteagal 4(1) agus in Airteagal 5(3) a thabhairt don Choimisiún go ceann **tréimhse cúig bliana amhail [...]** ón [dáta theacht i bhfeidhm an **Rialacháin** seo [...]]. **Déanfaidh an Coimisiún, tráth nach déanaí ná naoi mí roimh dheireadh na tréimhse cúig bliana, tuarascáil a tharraingt suas maidir le tarmligeán na cumhachta. Déanfar tarmligeán na cumhachta a fhadú go hintuigthe go ceann tréimhsí comhfhaid, mura rud é go gcuireann Parlaimint na hEorpa nó an Chomhairle in aghaidh an fhadaithe sin tráth nach déanaí ná trí mhí roimh dheireadh gach tréimhse.**
3. Féadfaidh Parlaimint na hEorpa nó an Chomhairle tarmligeán na cumhachta dá dtagraítear in Airteagal 4(1) agus Airteagal 5(3) a chúlghairm aon tráth. Déanfaidh cinneadh chun cúlghairm a dhéanamh deireadh a chur le tarmligeán na cumhachta atá sonraithe sa chinneadh sin. Gabhfaidh éifeacht leis an lá tar éis fhoilsiú an chinnidh in *Iris Oifigiúil an Aontais Eorpaigh* nó ar dháta is déanaí a shonrófar sa chinneadh. Ní dhéanfaidh sé difear do bhailíocht aon ghníomhartha tarmligthe atá i bhfeidhm cheana.
4. Roimh dó gníomh tarmligthe a ghlacadh, rachaidh an Coimisiún i mbun comhairliúcháin le saineolaithe arna n-ainmniú ag gach Ballstát i gcomhréir leis na prionsabail a leagtar síos i gComhaontú Idirinstitiúideach **an 13 Aibreán 2016** maidir le Reachtóireacht Níos Fearr [...]*.
5. A luaithe a ghlacfaidh sé gníomh tarmligthe, tabharfaidh an Coimisiún fógra, an tráth céanna, do Pharlaimint na hEorpa agus don Chomhairle faoi.
6. Ní thiocfaidh gníomh tarmligthe a ghlactar de bhun Airteagal 4(1) agus Airteagal 5(3) i bhfeidhm ach amháin mura mbeidh aon agóid curtha in iúl ag Parlaimint na hEorpa ná ag an gComhairle laistigh de thréimhse dhá mhí tar éis fógra faoin ngníomh sin a thabhairt do Pharlaimint na hEorpa agus don Chomhairle nó más rud é, roimh dhul in éag na tréimhse sin, go mbeidh Parlaimint na hEorpa agus an Chomhairle araon tar éis a chur in iúl don Choimisiún nach ndéanfaidh siad aon agóid. Déanfar an tréimhse sin a fhadú dhá mhí ar thionscnamh Pharlaimint na hEorpa nó na Comhairle.

Airteagal 5b

1. Tiocfaidh gníomhartha tarmligthe a ghlactar faoin Airteagal seo i bhfeidhm gan mhoill agus beidh feidhm acu ar choinníoll nach ndéanfar agóid i gcomhréir le mír 2. Déanfar na cúiseanna le húsáid a bhaint as an nós imeachta práinne a lua san fhógra faoi ghníomhartha tarmligthe a thugtar do Pharlaimint na hEorpa agus don Chomhairle.

2. Féadfaidh Parlaimint na hEorpa nó an Chomhairle agóid a dhéanamh i gcoinne gníomh tarmligthe i gcomhréir leis an nós imeachta dá dtagraítear in Airteagal 5a(6). I gcás den sórt sin, déanfaidh an Coimisiún an gníomh tarmligthe a aisghairm láithreach tar éis do Pharlaimint na hEorpa nó don Chomhairle fógra a thabhairt don Choimisiún maidir leis an gcinneadh agóid a dhéanamh.

* IO L 123, 12.05.2016, lch. 1.";

([...]**4**) [...] Leasaítear Airteagal 6 **mar a leanas**: [...]

(a) cuirtear an méid seo a leanas in ionad mhír 2:

"2. I gcás ina ndéanfar tagairt don mhír seo, beidh feidhm ag Airteagal 5 de Rialachán (AE) Uimh. 182/2011 ó Pharlaimint na hEorpa agus ón gComhairle.";

(b) cuirtear isteach an mhír 2a seo a leanas:

"I gcás ina ndéanfar tagairt don mhír seo, beidh feidhm ag Airteagal 8 de Rialachán (AE) Uimh. 182/2011 ó Pharlaimint na hEorpa agus ón gComhairle*, i gcomhar le hAirteagal 5 de.";

* Rialachán (AE) Uimh. 182/2011 ó Pharlaimint na hEorpa agus ón gComhairle an 16 Feabhra 2011 lena leagtar síos na rialacha agus na prionsabail ghinearálta a bhaineann leis na sásraí maidir le rialú ag na Ballstáit ar fheidhmiú cumhachtaí cur chun feidhme ag an gCoimisiún (IO L 55, 28.2.2011, lch. 13).

(c) scriostar mír 3 agus mír 4.

162. Treoir 2009/41/CE ó Pharlaimint na hEorpa agus ón gComhairle an 6 Bealtaine 2009 maidir le húsáid imshrianta miocrorgánach géinmhodhnaithe²⁶

Chun cuspóirí Threoir 2009/41/CE a ghnóthú, ba cheart an chumhacht chun gníomhartha a ghlacadh i gcomhréir le hAirteagal 290 den Chonradh a tharmligean chuig an gCoimisiún chun na hiarscríbhinní a ghabhann leis an Treoir sin a leasú chun iad a oiriúnú don dul chun cinn teicniúil agus chun cineálacha miocrorgánach géinmhodhnaithe a liostú nach bhfuil an Treoir infheidhme maidir leo más rud é go bhfuil a sábháilteacht socraithe i gcomhréir leis na critéir a leagtar amach sa Treoir sin. Tá sé tábhachtach, go háirithe, go rachadh an Coimisiún i mbun comhairliúcháin iomchuí le linn a chuid oibre ullmhúcháin, lena n-áirítear ar leibhéal na saineolaithe, agus go ndéanfar na comhairliúcháin sin i gcomhréir leis na prionsabail a leagtar síos i gComhaontú Idirinstitiúideach **an 13 Aibreán 2016** maidir le Reachtóireacht Níos Fearr [...]. Go sonrach, chun rannpháirtíocht chomhionann in ullmhú na ngníomhartha tarmligthe a áirithiú, gheobhaidh Parlaimint na hEorpa agus an Chomhairle na doiciméid uile ag an am céanna leis na saineolaithe sna Ballstáit, agus beidh rochtain chórasach ag a gcuid saineolaithe ar chruinnithe ghrúpaí saineolaithe an Choimisiúin a bheidh ag déileáil le hullmhú na ngníomhartha tarmligthe.

²⁶ IO L 125, 21.5.2009, lch. 75.

Dá réir sin, leasaítear Treoir 2009/41/CE mar a leanas:

(1) cuirtear an méid seo a leanas in ionad Airteagal 19:

"Airteagal 19

Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 19a lena leasaítear na nithe seo a leanas:

(a) **cuid B agus cuid C d'Iarscríbhinn [...] II, Iarscríbhinn III, Iarscríbhinn IV agus Iarscríbhinn V** chun iad a oiriúnú don dul chun cinn teicniúil;

(b) Cuid C d'Iarscríbhinn II chun an liosta de chineálacha miocrorgánach géinmhodhnaithe dá dtagraítear i bpointe (b) d'Airteagal 3(1) a bhunú agus a thabhairt cothrom le dáta.";

(2) cuirtear isteach an tAirteagal 19a seo a leanas:

"Airteagal 19a

1. Is faoi réir na gcoinníollacha a leagtar síos san Airteagal seo a thugtar an chumhacht don Choimisiún chun gníomhartha tarmligthe a ghlacadh.

2. Déanfar an chumhacht chun gníomhartha tarmligthe a ghlacadh dá dtagraítear in Airteagal 19 a thabhairt don Choimisiún go ceann **tréimhse cúig bliana amhail [...]** ón [dáta theacht i bhfeidhm **an Rialacháin seo [...]**]. **Déanfaidh an Coimisiún, tráth nach déanaí ná naoi mí roimh dheireadh na tréimhse cúig bliana, tuarascáil a tharraingt suas maidir le tarmligeán na cumhachta. Déanfar tarmligeán na cumhachta a fhadú go hintuigthe go ceann tréimhsí comhfhaid, mura rud é go gcuireann Parlaimint na hEorpa nó an Chomhairle in aghaidh an fhadaíthe sin tráth nach déanaí ná trí mhí roimh dheireadh gach tréimhse.**

3. Féadfaidh Parlaimint na hEorpa nó an Chomhairle tarmligeán na cumhachta dá dtagraítear in Airteagal 19 a chúlghairm aon tráth. Déanfaidh cinneadh chun cúlghairm a dhéanamh deireadh a chur le tarmligeán na cumhachta atá sonraithe sa chinneadh sin. Gabhfaidh éifeacht leis an lá tar éis fhoilsiú an chinnidh in *Iris Oifigiúil an Aontais Eorpaigh* nó ar dháta is déanaí a shonrófar sa chinneadh. Ní dhéanfaidh sé difear do bhailíocht aon ghníomhartha tarmligthe atá i bhfeidhm cheana.

4. Roimh dó gníomh tarmligthe a ghlacadh, rachaidh an Coimisiún i mbun comhairliúcháin le saineolaithe arna n-ainmniú ag gach Ballstát i gcomhréir leis na prionsabail a leagtar síos i gComhaontú Idirinstitiúideach **an 13 Aibreán 2016** maidir le Reachtóireacht Níos Fearr [...]*.

5. A luaithe a ghlacfaidh sé gníomh tarmligthe, tabharfaidh an Coimisiún fógra, an tráth céanna, do Pharlaimint na hEorpa agus don Chomhairle faoi.

6. Ní thiocfaidh gníomh tarmligthe a ghlactar de bhun Airteagal 19 i bhfeidhm ach amháin mura mbeidh aon agóid curtha in iúl ag Parlaimint na hEorpa ná ag an gComhairle laistigh de thréimhse dhá mhí tar éis fógra faoin ngníomh sin a thabhairt do Parlaimint na hEorpa agus don Chomhairle nó más rud é, roimh dhul in éag na tréimhse sin, go mbeidh Parlaimint na hEorpa agus an Chomhairle araon tar éis a chur in iúl don Choimisiún nach ndéanfaidh siad aon agóid. Déanfar an tréimhse sin a fhadú dhá mhí ar thionscnamh Parlaimint na hEorpa nó na Comhairle.

* IO L 123, 12; 5. 2016, lch. 1.";

(3) in Airteagal 20, scriostar mír 2;

(4) i gCuid B d'Iarscríbhinn II, cuirtear an méid seo a leanas in ionad phointe (1):

"1. Réamhrá

Déanfar na cineálacha miocrorgánach géinmhodhnaithe a liostaítear i gCuid C de bhun Airteagal 19 a eisiáil ó raon feidhme na Treorach seo. Cuirfear miocrorgánach géinmhodhnaithe leis an liosta ar bhonn cás ar chás agus ní eisiafar ach gach miocrorgánach géinmhodhnaithe a dhéanfar a shainaithint go soiléir. Ní bheidh an t-eisiáil seo infheidhme ach amháin i gcás ina n-úsáidfear an miocrorgánach géinmhodhnaithe faoi choinníollacha úsáide imshrianta. Ní bheidh sé infheidhme maidir le miocrorgánaigh ghéinmhodhnaithe a scaoileadh d'aon ghnó. Sula ndéanfar miocrorgánach géinmhodhnaithe a liostú i gCuid C, ní mór a chruthú go gcomhlíonfaidh sé na critéir a thugtar thíos.";

(5) cuirtear an méid seo a leanas in ionad Chuid C d'Iarscríbhinn II:

"Cuid C

Cineálacha miocrorgánach géinmhodhnaithe a chomhlíonann na critéir a liostaítear i gCuid B:

... (le comhlánú de bhun Airteagal 19)."

163. Treoir 2009/54/CE ó Parlaimint na hEorpa agus ón gComhairle an 18 Meitheamh 2009 maidir le huiscí mianraí a shaothrú agus a chur ar an margadh²⁷

Chun cuspóirí Threoir 2009/54/CE a ghnóthú, ba cheart an chumhacht chun gníomhartha a ghlacadh i gcomhréir le hAirteagal 290 den Chonradh a tharmligean chuig an gCoimisiún chun an Iarscríbhinn A ghabhann leis an Treoir sin a leasú chun cosaint na sláinte poiblí a áirithiú agus chun an Treoir sin a fhorlíonadh **leis na bearta a bhaineann le cóireáil uisce**. [...]

- [...]
- [...]
- [...]
- [...]
- [...]

²⁷ IO L 164, 26.6.2009, lch. 45

Tá sé tábhachtach, go háirithe, go rachadh an Coimisiún i mbun comhairliúcháin iomchuí le linn a chuid oibre ullmhúcháin, lena n-áirítear ar leibhéal na saineolaithe, agus go ndéanfar na comhairliúcháin sin i gcomhréir leis na prionsabail a leagtar síos i gComhaontú Idirinstitiúideach **an 13 Aibreán 2016** maidir le Reachtóireacht Níos Fearr [...]. Go sonrach, chun rannpháirtíocht chomhionann in ullmhú na ngníomhartha tarmligthe a áirithiú, gheobhaidh Parlaimint na hEorpa agus an Chomhairle na doiciméid uile ag an am céanna leis na saineolaithe sna Ballstáit, agus beidh rochtain chórasach ag a gcuid saineolaithe ar chruinnithe ghrúpaí saineolaithe an Choimisiúin a bheidh ag déileáil le hullmhú na ngníomhartha tarmligthe.

Chun coinníollacha aonfhoirmeacha a áirithiú maidir le cur chun feidhme Threoir 2009/54/CE, ba cheart cumhachtaí cur chun feidhme a thabhairt don Choimisiún chun an méid seo a leanas a chinneadh:

- teorainneacha le haghaidh tiúchan comhábhar uiscí mianraí;
- aon fhorálacha is gá chun ardleibhéal comhábhar áirithe a léiriú ar an lipéadú;
- coinníollacha i dtaca le haer ózónsaibhrithe a úsáid chun uisce mianraí a chóireáil, faisnéis maidir le cóireálacha uisce mianraí;
- modhanna anailíse chun a dheimhniú nach bhfuil aon truailliú sna huiscí mianraí;
- na nósanna imeachta samplála agus na modhanna anailíse is gá chun saintréithe micribhitheolaíochta na n-uiscí mianraí a sheiceáil.

Ba cheart na cumhachtaí sin a fheidhmiú i gcomhréir le Rialachán (AE) Uimh. 182/2011 ó Pharlaimint na hEorpa agus ón gComhairle.

Dá réir sin, leasaítear Treoir 2009/54/CE mar a leanas:

(1) in Airteagal 4(1), cuirtear an méid seo a leanas in ionad an dara fomhír:

"Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 13a **lena bhforlíontar an Rialachán seo trí** na bearta dá dtagraítear i bpointe b(i) agus i bpointe (c)(i) den chéad fomhír a leagadh síos.";

(2) in Airteagal 9(4), cuirtear an méid seo a leanas in ionad an dara fomhír:

"Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 13a **lena bhforlíontar an Rialachán seo** trí na bearta dá dtagraítear i bpointe (d) den chéad fomhír a leagadh síos [...].";

(3) in Airteagal 11(4), cuirtear an méid seo a leanas in ionad na chéad fomhíre agus an dara fomhír:

"Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 13a **a bhaineann le leasuithe ar [...]** an Treoir seo **a measfar gá a bheith leo chun aghaidh a thabhairt ar na cásanna a luaitear i mír 1 agus [...]** chun cosaint shláinte an duine a áirithiú.

Más rud é go n-éilítear amhlaidh ar mhórfhorais phráinne, beidh feidhm ag an nós imeachta dá bhforáiltear in Airteagal 13b maidir le gníomhartha tarmligthe a ghlactar de bhun an Airteagail seo.";

(4) in Airteagal 12, cuirtear an méid seo a leanas in ionad an dara mír:

Féadfaidh an Coimisiún **a chinneadh, trí bhíthin gníomhartha cur chun feidhme, [...] na bearta dá dtagraítear i bpointe (a) go pointe (f) den chéad mhír. Déanfar na gníomhartha cur chun feidhme sin a ghlacadh i gcomhréir leis an nós imeachta scrúdúcháin dá dtagraítear in Airteagal 14(2).**

(5) cuirtear isteach an tAirteagal 13a agus an tAirteagal 13b seo a leanas:

"Airteagal 13a

1. Is faoi réir na gcoinníollacha a leagtar síos san Airteagal seo a thugtar an chumhacht don Choimisiún chun gníomhartha tarmligthe a ghlacadh.
2. Déanfar an chumhacht chun gníomhartha tarmligthe a ghlacadh dá dtagraítear in Airteagal 4(1), Airteagal 9(4) [...] agus Airteagal 11(4) [...] a thabhairt don Choimisiún go ceann **tréimhse cúig bliana amhail [...] ón [dáta theacht i bhfeidhm an Rialacháin seo [...]]. Déanfaidh an Coimisiún, tráth nach déanaí ná naoi mí roimh dheireadh na tréimhse cúig bliana, tuarascáil a tharraingt suas maidir le tarmligean na cumhachta. Déanfar tarmligean na cumhachta a fhadú go hintuigthe go ceann tréimhsí comhfhaid, mura rud é go gcuireann Parlaimint na hEorpa nó an Chomhairle in aghaidh an fhadaithe sin tráth nach déanaí ná trí mhí roimh dheireadh gach tréimhse.**
3. Féadfaidh Parlaimint na hEorpa nó an Chomhairle tarmligean na gcumhachtaí dá dtagraítear in Airteagal 4(1), Airteagal 9(4) **agus** Airteagal 11(4) [...] a chúlghairm aon tráth. Déanfaidh cinneadh chun cúlghairm a dhéanamh deireadh a chur le tarmligean na cumhachta atá sonraithe sa chinneadh sin. Gabhfaidh éifeacht leis an lá tar éis fhoilsiú an chinnidh in *Iris Oifigiúil an Aontais Eorpaigh* nó ar dháta is déanaí a shonrófar sa chinneadh. Ní dhéanfaidh sé difear do bhailíocht aon ghníomhartha tarmligthe atá i bhfeidhm cheana.
4. Roimh dó gníomh tarmligthe a ghlacadh, rachaidh an Coimisiún i mbun comhairliúcháin le saineolaithe arna n-ainmniú ag gach Ballstát i gcomhréir leis na prionsabail a leagtar síos i gComhaontú Idirinstitiúideach **an 13 Aibreán 2016** maidir le Reachtóireacht Níos Fearr [...]*.
5. A luaithe a ghlacfaidh sé gníomh tarmligthe, tabharfaidh an Coimisiún fógra, an tráth céanna, do Pharlaimint na hEorpa agus don Chomhairle faoi.
6. Ní thiocfaidh gníomh tarmligthe a ghlactar de bhun Airteagal 4(1), Airteagal 9(4) [...] **agus** Airteagal 11(4) i bhfeidhm ach amháin mura mbeidh aon agóid curtha in iúl ag Parlaimint na hEorpa ná ag an gComhairle laistigh de thréimhse dhá mhí tar éis fógra faoin ngníomh sin a thabhairt do Pharlaimint na hEorpa agus don Chomhairle nó más rud é, roimh dhul in éag na tréimhse sin, go mbeidh Parlaimint na hEorpa agus an Chomhairle araon tar éis a chur in iúl don Choimisiún nach ndéanfaidh siad aon agóid. Déanfar an tréimhse sin a fhadú dhá mhí ar thionscnamh Pharlaimint na hEorpa nó na Comhairle.

Airteagal 13b

1. Tiocfaidh gníomhartha tarmligthe a ghlactar faoin Airteagal seo i bhfeidhm gan mhoill agus beidh feidhm acu ar choinníoll nach ndéanfar agóid i gcomhréir le mír 2. Déanfar na cúiseanna le húsáid a bhaint as an nós imeachta práinne a lua san fhógra faoi ghníomhartha tarmligthe a thugtar do Pharlaimint na hEorpa agus don Chomhairle.

2. Féadfaidh Parlaimint na hEorpa nó an Chomhairle agóid a dhéanamh i gcoinne gníomh tarmligthe i gcomhréir leis an nós imeachta dá dtagraítear in Airteagal 13a(6). I gcás den sórt sin, déanfaidh an Coimisiún an gníomh tarmligthe a aisghairm láithreach tar éis do Pharlaimint na hEorpa nó don Chomhairle fógra a thabhairt don Choimisiún maidir leis an gcinneadh agóid a dhéanamh.

* IO L 123, 12.5. 2016, lch. 1."

(6) leasaítear Airteagal 14 **mar a leanas:** [...]

(a) Cuirtear an méid seo a leanas in ionad mhír 2:

"2. I gcás ina ndéanfar tagairt don mhír seo, beidh feidhm ag Airteagal 5 de Rialachán (AE) Uimh. 182/2011 ó Pharlaimint na hEorpa agus ón gComhairle.";

* Rialachán (AE) Uimh. 182/2011 ó Pharlaimint na hEorpa agus ón gComhairle an 16 Feabhra 2011 lena leagtar síos na rialacha agus na prionsabail ghinearálta a bhaineann leis na sásraí maidir le rialú ag na Ballstáit ar fheidhmiú cumhachtaí cur chun feidhme ag an gCoimisiún (IO L 55, 28.2.2011, lch. 13).

(b) Scriostar mír 3.

164. Treoir 2009/128/CE ó Pharlaimint na hEorpa agus ón gComhairle an 21 Deireadh Fómhair 2009 lena mbunaítear creat do ghníomhaíocht an Chomhphobail chun úsáid inbhuanaithe lotnaidicídí a bhaint amach²⁸

Chun creat a bhunú do ghníomhaíocht an Aontais chun úsáid inbhuanaithe lotnaidicídí a bhaint amach, ba cheart an chumhacht chun gníomhartha a ghlacadh i gcomhréir le hAirteagal 290 den Chonradh a tharmligean chuig an gCoimisiún chun larscríbhinn I go hIarscríbhinn IV a ghabhann le Treoir 2009/128/CE a leasú chun aird a thabhairt ar an dul chun cinn eolaíoch agus teicniúil. Tá sé tábhachtach, go háirithe, go rachadh an Coimisiún i mbun comhairliúcháin iomchuí le linn a chuid oibre ullmhúcháin, lena n-áirítear ar leibhéal na saineolaithe, agus go ndéanfar na comhairliúcháin sin i gcomhréir leis na prionsabail a leagtar síos i gComhaontú Idirinstitiúideach **an 13 Aibreán 2016** maidir le Reachtóireacht Níos Fearr [...]. Go sonrach, chun rannpháirtíocht chomhionann in ullmhú na ngníomhartha tarmligthe a áirithiú, gheobhaidh Parlaimint na hEorpa agus an Chomhairle na doiciméid uile ag an am céanna leis na saineolaithe sna Ballstáit, agus beidh rochtain chórasach ag a gcuid saineolaithe ar chruinnithe ghrúpaí saineolaithe an Choimisiúin a bheidh ag déileáil le hullmhú na ngníomhartha tarmligthe.

²⁸ IO L 309, 24.11.2009, lch. 71.

Dá réir sin, leasaítear Treoir 2009/128/CE mar a leanas:

(1) in Airteagal 5, cuirtear an méid seo a leanas in ionad mhír 3:

"3. Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 20a lena leasaítear Iarscríbhinn I chun aird a thabhairt ar an dul chun cinn eolaíoch agus teicniúil.";

(2) in Airteagal 8, cuirtear an méid seo a leanas in ionad mhír 7:

"7. Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 20a lena leasaítear Iarscríbhinn II chun aird a thabhairt ar an dul chun cinn eolaíoch agus teicniúil.";

(3) in Airteagal 14(4), cuirtear an méid seo a leanas in ionad an dara fomhír:

"Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 20a lena leasaítear Iarscríbhinn III chun aird a thabhairt ar an dul chun cinn eolaíoch agus teicniúil.";

(4) in Airteagal 15(1), cuirtear an méid seo a leanas in ionad an dara fomhír:

"Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 20a lena leasaítear Iarscríbhinn IV chun aird a thabhairt ar an dul chun cinn eolaíoch agus teicniúil.";

(5) cuirtear isteach an tAirteagal 20a seo a leanas:

"Airteagal 20a

An tarmligeán a fheidhmiú

1. Is faoi réir na gcoinníollacha a leagtar síos san Airteagal seo a thugtar an chumhacht don Choimisiún chun gníomhartha tarmligthe a ghlacadh.

2. Déanfar an chumhacht chun gníomhartha tarmligthe a ghlacadh dá dtagraítear in Airteagal 5(3), Airteagal 8(7), Airteagal 14(4) agus Airteagal 15(1) a thabhairt don Choimisiún go ceann **tréimhse cúig bliana amhail [...]** ón [dáta theacht i bhfeidhm an Rialacháin seo [...]]. **Déanfaidh an Coimisiún, tráth nach déanaí ná naoi mí roimh dheireadh na tréimhse cúig bliana, tuarascáil a tharraingt suas maidir le tarmligeán na cumhachta. Déanfar tarmligeán na cumhachta a fhadú go hintuigthe go ceann tréimhsí comhfhaid, mura rud é go gcuireann Parlaimint na hEorpa nó an Chomhairle in aghaidh an fhadaíthe sin tráth nach déanaí ná trí mhí roimh dheireadh gach tréimhse.**

3. Féadfaidh Parlaimint na hEorpa nó an Chomhairle tarmligeán na cumhachta dá dtagraítear in Airteagal 5(3), Airteagal 8(7), Airteagal 14(4) agus Airteagal 15(1) a chúlghairm aon tráth. Déanfaidh cinneadh chun cúlghairm a dhéanamh deireadh a chur le tarmligeán na cumhachta atá sonraithe sa chinneadh sin. Gabhfaidh éifeacht leis an lá tar éis fhoilsiú an chinnidh in *Iris Oifigiúil an Aontais Eorpaigh* nó ar dháta is déanaí a shonrófar sa chinneadh. Ní dhéanfaidh sé difear do bhailíocht aon ghníomhartha tarmligthe atá i bhfeidhm cheana.

4. Roimh dó gníomh tarmligthe a ghlacadh, rachaidh an Coimisiún i mbun comhairliúcháin le saineolaithe arna n-ainmniú ag gach Ballstát i gcomhréir leis na prionsabail a leagtar síos i gComhaontú Idirinstitiúideach **an 13 Aibreán 2016** maidir le Reachtóireacht Níos Fearr [...]*.

5. A luaithé a ghlacfaidh sé gníomh tarmligthe, tabharfaidh an Coimisiún fógra, an tráth céanna, do Pharlaimint na hEorpa agus don Chomhairle faoi.

6. Ní thiocfaidh gníomh tarmligthe a ghlactar de bhun Airteagal 5(3), Airteagal 8(7), Airteagal 14(4) agus Airteagal 15(1) i bhfeidhm ach amháin mura mbeidh aon agóid curtha in iúl ag Parlaimint na hEorpa ná ag an gComhairle laistigh de thréimhse dhá mhí tar éis fógra faoin ngníomh sin a thabhairt do Pharlaimint na hEorpa agus don Chomhairle nó más rud é, roimh dhul in éag na tréimhse sin, go mbeidh Parlaimint na hEorpa agus an Chomhairle araon tar éis a chur in iúl don Choimisiún nach ndéanfaidh siad aon agóid. Déanfar an tréimhse sin a fhadú dhá mhí ar thionscnamh Pharlaimint na hEorpa nó na Comhairle.

(6) in Airteagal 21, scriostar mír 2.

* IO L 123, 12; 5. 2016, lch. 1."

165. Rialachán (CE) Uimh. 470/2009 ó Pharlaimint na hEorpa agus ón gComhairle an 6 Bealtaine 2009 lena leagtar síos nósanna imeachta Comhphobail chun teorainneacha na n-iarmhar a bhunú do shubstaintí atá gníomhach ó thaobh na cógaseolaíochta de i mbia-ábhair de thionscnamh ainmhíoch agus lena n-aisghairtear Rialachán (CEE) Uimh. 2377/90 ón gComhairle agus lena leasaítear Treoir 2001/82/CE ó Pharlaimint na hEorpa agus ón gComhairle agus Rialachán (CE) Uimh. 726/2004 ó Pharlaimint na hEorpa agus ón gComhairle²⁹

Chun cuspóirí Rialachán (CE) 470/2009 a ghnóthú, ba cheart an chumhacht chun gníomhartha a ghlacadh i gcomhréir le hAirteagal 290 den Chonradh a tharmligean chuig an gCoimisiún chun an Rialachán sin a fhorlónadh le modhanna eolaíochta chun pointí tagartha a bhunú le haghaidh gníomhaíochta, rialacha maidir le gníomhaíochtaí i gcás ina ndearbhaítear go bhfuil substaint neamhúdaraíthe thoirmiscthe ann, chomh maith le prionsabail mhodheolaíochta do mheasúnuithe riosca agus na moltaí don bhainistiú riosca agus rialacha maidir le húsáid uasteorainn na n-iarmhar a bunaíodh do shubstaint atá gníomhach ó thaobh na cógaseolaíochta de i mbia-ábhar áirithe le haghaidh bia-ábhar eile a eascraíonn ón speiceas céanna, nó a bunaíodh do shubstaint atá gníomhach ó thaobh na cógaseolaíochta de i speiceas amháin nó i níos mó ná speiceas amháin le haghaidh speicis eile. Tá sé tábhachtach, go háirithe, go rachadh an Coimisiún i mbun comhairliúcháin iomchuí le linn a chuid oibre ullmhúcháin, lena n-áirítear ar leibhéal na saineolaithe, agus go ndéanfar na comhairliúcháin sin i gcomhréir leis na prionsabail a leagtar síos i gComhaontú Idirinstitiúideach **an 13 Aibreán 2016** maidir le Reachtóireacht Níos Fearr [...]. Go sonrach, chun rannpháirtíocht chomhionann in ullmhú na ngníomhartha tarmligthe a áirithiú, gheobhaidh Parlaimint na hEorpa agus an Chomhairle na doiciméid uile ag an am céanna leis na saineolaithe sna Ballstáit, agus beidh rochtain chórasach ag a gcuid saineolaithe ar chruinnithe ghrúpaí saineolaithe an Choimisiúin a bheidh ag déileáil le hullmhú na ngníomhartha tarmligthe.

²⁹ IO L 152, 16.6.2009, lch. 11.

Chun coinníollacha aonfhoirmeacha a áirithiú maidir le forálacha ábhartha Rialachán (CE) Uimh. 470/2009 a chur chun feidhme, ba cheart cumhachtaí cur chun feidhme a thabhairt don Choimisiún i dtaca le pointí tagartha le haghaidh gníomhaíocht i leith iarmhair ó shubstaintí atá gníomhach ó thaobh na cógaseolaíochta de. Ba cheart na cumhachtaí sin a fheidhmiú i gcomhréir le Rialachán (AE) Uimh. 182/2011.

Dá réir sin, leasaítear Rialachán (CE) Uimh. 470/2009 mar a leanas:

(1) cuirtear an méid seo a leanas in ionad Airteagal 13(2):

"2. Tabharfar de chumhacht don Choimisiún gníomhartha tarmhligthe a ghlacadh i gcomhréir le hAirteagal 24a **chun an Rialachán seo a fhorlíonadh tríd** an méid seo a leanas **a leagan síos** [...]:

(a) prionsabail mhodheolaíochta do mheasúnuithe riosca agus na moltaí don bhainistiú riosca dá dtagraítear in Airteagal 6 agus in Airteagal 7, lena n-áirítear ceanglais theicniúla i gcomhréir le caighdeáin a comhaontaíodh go hidirnáisiúnta;

(b) rialacha maidir le húsáid uasteorainn na n-iarmhar a bunaíodh do shubstaint atá gníomhach ó thaobh na cógaseolaíochta de i mbia-ábhar áirithe le haghaidh bia-ábhar eile a eascraíonn ón speiceas céanna, nó a bunaíodh do shubstaint atá gníomhach ó thaobh na cógaseolaíochta de i speiceas amháin nó i níos mó ná speiceas amháin le haghaidh speiceas eile, dá dtagraítear in Airteagal 5. Sonrófar, leis na rialacha sin, conas is féidir agus cad iad na himthosca inar féidir sonraí eolaíocha maidir le hiarmhair i mbia-ábhar áirithe nó i speiceas amháin nó níos mó ná speiceas amháin a úsáid chun uasteorainn na n-iarmhar a bhunú i mbia-ábhair eile, nó i speicis eile.";

(2) cuirtear an méid seo a leanas in ionad Airteagal 18:

"Airteagal 18

Pointí tagartha le haghaidh gníomhaíochta

Nuair a mheasfar gur gá sin chun feidhmiú na rialuithe a áirithiú do bhia de thionscnamh ainmhíoch a allmhairíodh nó a cuireadh ar an margadh i gcomhréir le Rialachán (CE) Uimh. 882/2004, féadfaidh an Coimisiún, trí bhíthin gníomh cur chun feidhme, pointí tagartha le haghaidh gníomhaíocht a bhunú i leith iarmhair ó shubstaintí atá gníomhach ó thaobh na cógaseolaíochta de agus nach bhfuil faoi réir aicmiú i gcomhréir le hAirteagal 14(2)(a), (b) nó (c). Déanfar na gníomhartha cur chun feidhme sin a ghlacadh i gcomhréir leis an nós imeachta dá dtagraítear in Airteagal 26(2).

Déanfar na pointí tagartha le haghaidh gníomhaíochta a athbhreithniú go rialta i bhfianaise sonraí eolaíocha nua a bhaineann le sábháilteacht bia, i bhfianaise thoradh na n-imscrúduithe agus thoradh na dtástálacha anailíse dá dtagraítear in Airteagal 24 agus i bhfianaise an dul chun cinn theicneolaíoch.

Ar mhórfhorais phráinne chuí-réasúnaithe a bhaineann le sláinte an duine a chosaint, féadfaidh an Coimisiún na gníomhartha cur chun feidhme a ghlacadh a bheidh infheidhme láithreach i gcomhréir leis an nós imeachta dá dtagraítear in Airteagal 26(2)(a).";

(3) in Airteagal 19(3), cuirtear an méid seo a leanas in ionad an dara fomhír:

"Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 24a **lena bhforlíontar an Rialachán seo trí** na modhanna mhodheolaíochta agus modhanna eolaíochta a leagadh síos chun pointí tagartha le haghaidh gníomhaíochta **a leagan síos.**";

(4) in Airteagal 24, cuirtear an méid seo a leanas in ionad mhír 4:

"4. Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 24a, **lena bhforlíontar an Rialachán seo trí rialacha a leagan síos maidir le [...]** cur i bhfeidhm an Airteagail seo.";

(5) cuirtear an tAirteagal 24a seo a leanas isteach faoi Theideal V:

"Airteagal 24a
An tarmligeán a fheidhmiú

1. Is faoi réir na gcoinníollacha a leagtar síos san Airteagal seo a thugtar an chumhacht don Choimisiún chun gníomhartha tarmligthe a ghlacadh.
2. Déanfar na cumhachtaí chun gníomhartha tarmligthe a ghlacadh dá dtagraítear in Airteagal 13(2), in Airteagal 19(3) agus in Airteagal 24(4) a thabhairt don Choimisiún go ceann **tréimhse cúig bliana amhail [...]** ón [dáta theacht i bhfeidhm an **Rialacháin** seo [...]]. **Déanfaidh an Coimisiún, tráth nach déanaí ná naoi mí roimh dheireadh na tréimhse cúig bliana, tuarascáil a tharraingt suas maidir le tarmligeán na cumhachta. Déanfar tarmligeán na cumhachta a fhadú go hintuigthe go ceann tréimhsí comhfhaid, mura rud é go gcuireann Parlaimint na hEorpa nó an Chomhairle in aghaidh an fhadaíthe sin tráth nach déanaí ná trí mhí roimh dheireadh gach tréimhse.**
3. Féadfaidh Parlaimint na hEorpa nó an Chomhairle tarmligeán na cumhachta dá dtagraítear in Airteagal 13(2), in Airteagal 19(3) agus in Airteagal 24(4) a chúlghairm aon tráth. Déanfaidh cinneadh chun cúlghairm a dhéanamh deireadh a chur le tarmligeán na cumhachta atá sonraithe sa chinneadh sin. Gabhfaidh éifeacht leis an lá tar éis fhoilsiú an chinnidh in *Iris Oifigiúil an Aontais Eorpaigh* nó ar dháta is déanaí a shonrófar sa chinneadh. Ní dhéanfaidh sé difear do bhailíocht aon ghníomhartha tarmligthe atá i bhfeidhm cheana.
4. Roimh dó gníomh tarmligthe a ghlacadh, rachaidh an Coimisiún i mbun comhairliúcháin le saineolaithe arna n-ainmniú ag gach Ballstát i gcomhréir leis na prionsabail a leagtar síos i gComhaontú Idirinstitiúideach **an 13 Aibreán 2016** maidir le Reachtóireacht Níos Fearr [...]*.
5. A luaithe a ghlacfaidh sé gníomh tarmligthe, tabharfaidh an Coimisiún fógra, an tráth céanna, do Pharlaimint na hEorpa agus don Chomhairle faoi.

6. Ní thiocfadh gníomh tarmligthe a ghlactar de bhun Airteagal 13(2), Airteagal 19(3) agus Airteagal 24(4) i bhfeidhm ach amháin mura mbeidh aon agóid curtha in iúl ag Parlaimint na hEorpa ná ag an gComhairle laistigh de thréimhse dhá mhí tar éis fógra faoin ngníomh sin a thabhairt do Pharlaimint na hEorpa agus don Chomhairle nó más rud é, roimh dhul in éag na tréimhse sin, go mbeidh Parlaimint na hEorpa agus an Chomhairle araon tar éis a chur in iúl don Choimisiún nach ndéanfaidh siad aon agóid. Déanfar an tréimhse sin a fhadú dhá mhí ar thionscnamh Parlaimint na hEorpa nó na Comhairle.

* IO L 123, 12; 5. 2016, lch. 1.";

(6) in Airteagal 25, scriostar mír 3;

(7) leasaítear Airteagal 26 mar a leanas:

(a) cuirtear isteach an mhír 2a seo a leanas:

"I gcás ina ndéanfar tagairt don mhír seo, beidh feidhm ag Airteagal 8 de Rialachán (AE) Uimh. 182/2011 ó Pharlaimint na hEorpa agus ón gComhairle*, i gcomhar le hAirteagal 5 de.

* Rialachán (AE) Uimh. 182/2011 ó Pharlaimint na hEorpa agus ón gComhairle an 16 Feabhra 2011 lena leagtar síos na rialacha agus na prionsabail ghinearálta a bhaineann leis na sásraí maidir le rialú ag na Ballstáit ar fheidhmiú cumhachtaí cur chun feidhme ag an gCoimisiún (IO L 55, 28.2.2011, lch. 13).";

(b) scriostar mír 3 agus mír 4.

166. Rialachán (CE) Uimh. 767/2009 ó Pharlaimint na hEorpa agus ón gComhairle an 13 Iúil 2009 maidir le beatha a chur ar an margadh agus a úsáid, lena leasaítear Rialachán (CE) Uimh. 1831/2003O Pharlaimint na hEorpa agus ón gComhairle agus lena n-aisghairtear Treoracha 79/373/CEE ón gComhairle, 80/511/CEE ón gCoimisiún, Treoracha 82/471/CEE, 83/228/CEE, 93/74/CEE, 93/113/CE agus 96/25/CE ón gComhairle agus Cinneadh 2004/217/CE ón gCoimisiún³⁰

Chun cuspóirí Rialachán (CE) Uimh. 767/2009 a bhaint amach, ba cheart an chumhacht chun gníomhartha a ghlacadh i gcomhréir le hAirteagal 290 den Chonradh a tharmligeann chuig an gCoimisiún chun na hIarscríbhinní a ghabhann leis an Rialachán sin a leasú chun iad a oiriúnú don dul chun cinn teicniúil agus chun an Rialachán sin a fhorlíonadh le liosta de chatagóirí ábhar beatha. Tá sé tábhachtach, go háirithe, go rachadh an Coimisiún i mbun comhairliúcháin iomchuí le linn a chuid oibre ullmhúcháin, lena n-áirítear ar leibhéal na saineolaithe, agus go ndéanfar na comhairliúcháin sin i gcomhréir leis na prionsabail a leagtar síos i gComhaontú Idirinstitiúideach **an 13 Aibreán 2016** maidir le Reachtóireacht Níos Fearr [...]. Go sonrach, chun rannpháirtíocht chomhionann in ullmhú na ngníomhartha tarmligthe a áirithiú, gheobhaidh Parlaimint na hEorpa agus an Chomhairle na doiciméid uile ag an am céanna leis na saineolaithe sna Ballstáit, agus beidh rochtain chórasach ag a gcuid saineolaithe ar chruinnithe ghrúpaí saineolaithe an Choimisiúin a bheidh ag déileáil le hullmhú na ngníomhartha tarmligthe.

³⁰ IO L 229, 1.9.2009, lch. 1

Chun coinníollacha aonfhoirmeacha a áirithiú maidir le Rialachán (CE) Uimh. 767/2009 a chur chun feidhme, ba cheart cumhachtaí cur chun feidhme a thabhairt don Choimisiún lena shoiléiriú an ábhar beatha atá i gceist le hábhar áirithe, agus an liosta d'úsáidí atá beartaithe a thabhairt cothrom le dáta agus uasmhéid eisíontas ceimiceach a shocrú. Ba cheart na cumhachtaí sin a fheidhmiú i gcomhréir le Rialachán (AE) Uimh. 182/2011.

Dá réir sin, leasaítear Rialachán (CE) Uimh. 767/2009 mar a leanas:

(1) in Airteagal 6(2), cuirtear an méid seo a leanas in ionad an dara fomhír agus an tríú fomhír:

"Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 27a lena leasaítear Iarscríbhinn III.

Más rud é go n-éilítear amhlaidh ar mhórfhorais práinne, beidh feidhm ag an nós imeachta dá bhforáiltear in Airteagal 27b maidir le gníomhartha tarmligthe a ghlactar de bhun an Airteagail seo.";

(2) in Airteagal 7, cuirtear an méid seo a leanas in ionad mhír 2:

Féadfaidh an Coimisiún gníomhartha cur chun feidhme a ghlacadh d'fhonn a shoiléiriú an ábhar beatha atá i gceist le táirge áirithe chun críocha an Rialacháin seo. Déanfar na gníomhartha cur chun feidhme sin a ghlacadh i gcomhréir leis an nós imeachta dá dtagraítear in Airteagal 28(3).";

(3) in Airteagal 10, cuirtear an méid seo a leanas in ionad mhír 5:

"5. Laistigh de shé mhí tar éis dó iarratas bailí a fháil nó, i gcás inarb iomchuí, tar éis dó tuairim a fháil ón Udarás, glacfaidh an Coimisiún gníomhartha cur chun feidhme lena nuashonrófar an liosta d'úsáidí atá beartaithe, má chomhlíontar na coinníollacha a leagtar síos i mír 2. Déanfar na gníomhartha cur chun feidhme sin a ghlacadh i gcomhréir leis an nós imeachta dá dtagraítear in Airteagal 28(3).";

(4) in Airteagal 17(4), cuirtear an méid seo a leanas in ionad an dara fomhír:

"Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 27a **lena bhforlíontar an Rialachán seo tríd [...]** an liosta de chatagóirí ábhar beatha dá dtagraítear i mír 2(c) **a bhunú.**";

(5) in Airteagal 20(2), cuirtear an méid seo a leanas in ionad an dara fomhír:

"2. Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 27a lena leasaítear Iarscríbhinn VIII.";

(6) in Airteagal 26, cuirtear an méid seo a leanas in ionad mhír 3:

"3. Déanfar leasuithe ar an gCatalóg Chomhphobail lena socraítear uasmhéid na n-eisíontas ceimiceach dá dtagraítear i bpointe 1 d'Iarscríbhinn I nó na leibhéil d'iontais luibheacha dá dtagraítear i bpointe 2 d'Iarscríbhinn I nó na leibhéil taise dá dtagraítear i bpointe 6 d'Iarscríbhinn I nó na sonraí a chuirtear in ionad an dearbhaithe éigeantaigh dá dtagraítear in Airteagal 16(1)(b), déanfar na leasuithe sin a ghlacadh trí bhíthin gníomh cur chun feidhme. Déanfar na gníomhartha cur chun feidhme sin a ghlacadh i gcomhréir leis an nós imeachta dá dtagraítear in Airteagal 28(3).";

(7) in Airteagal 27, cuirtear an méid seo a leanas in ionad mhír 1:

"1. Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 27a lena leasaítear na hIarscríbhinní chun iad a oiriúnú don dul chun cinn eolaíoch agus teicniúil.";

(8) cuirtear isteach Airteagal 27a agus Airteagal 27b seo a leanas:

"Airteagal 27a

An tarmligeán a fheidhmiú

1. Is faoi réir na gcoinníollacha a leagtar síos san Airteagal seo a thugtar an cumhacht don Choimisiún chun gníomhartha tarmligthe a ghlacadh.

2. Déanfar an cumhacht chun gníomhartha tarmligthe a ghlacadh dá dtagraítear in Airteagal 6(2), Airteagal 17(4), Airteagal 20(2) agus Airteagal 27(1) a thabhairt don Choimisiún go ceann **tréimhse cúig bliana amhail [...]** ón [dáta theacht i bhfeidhm an **Rialacháin** seo [...]]. **Déanfaidh an Coimisiún, tráth nach déanaí ná naoi mí roimh dheireadh na tréimhse cúig bliana, tuarascáil a tharraingt suas maidir le tarmligeán na cumhachta. Déanfar tarmligeán na cumhachta a fhadú go hintuigthe go ceann tréimhsí comhfhaid, mura rud é go gcuireann Parlaimint na hEorpa nó an Chomhairle in aghaidh an fhadaithe sin tráth nach déanaí ná trí mhí roimh dheireadh gach tréimhse.**

3. Féadfaidh Parlaimint na hEorpa nó an Chomhairle tarmligeán na cumhachta dá dtagraítear in Airteagal 6(2), Airteagal 17(4), Airteagal 20(2) agus Airteagal 27(1) a chúlghairm aon tráth. Déanfaidh cinneadh chun cúlghairm a dhéanamh deireadh a chur le tarmligeán na cumhachta atá sonraithe sa chinneadh sin. Gabhfaidh éifeacht leis an lá tar éis fhoilsiú an chinnidh in *Iris Oifigiúil an Aontais Eorpaigh* nó ar dháta is déanaí a shonrófar sa chinneadh. Ní dhéanfaidh sé difear do bhailíocht aon ghníomhartha tarmligthe atá i bhfeidhm cheana.

4. Roimh dó gníomh tarmligthe a ghlacadh, rachaidh an Coimisiún i mbun comhairliúcháin le saineolaithe arna n-ainmniú ag gach Ballstát i gcomhréir leis na prionsabail a leagtar síos i gComhaontú Idirinstitiúideach **an 13 Aibreán 2016** maidir le Reachtóireacht Níos Fearr [...]*.

5. A luaithe a ghlacfaidh sé gníomh tarmligthe, tabharfaidh an Coimisiún fógra, an tráth céanna, do Pharlaimint na hEorpa agus don Chomhairle faoi.

6. Ní thiocfaidh gníomh tarmligthe a ghlactar de bhun Airteagal 6(2), Airteagal 17(4), Airteagal 20(2) agus Airteagal 27(1) i bhfeidhm ach amháin mura mbeidh aon agóid curtha in iúl ag Parlaimint na hEorpa ná ag an gComhairle laistigh de thréimhse dhá mhí tar éis fógra faoin ngníomh sin a thabhairt do Pharlaimint na hEorpa agus don Chomhairle nó más rud é, roimh dhul in éag na tréimhse sin, go mbeidh Parlaimint na hEorpa agus an Chomhairle araon tar éis a chur in iúl don Choimisiún nach ndéanfaidh siad aon agóid. Déanfar an tréimhse sin a fhadú dhá mhí ar thionscnamh Parlaimint na hEorpa nó na Comhairle.

Airteagal 27b

An nós imeachta práinne

1. Tiocfaidh gníomhartha tarmligthe a ghlactar faoin Airteagal seo i bhfeidhm gan mhoill agus beidh feidhm acu ar choinníoll nach ndéanfar agóid i gcomhréir le mír 2. Déanfar na cúiseanna le húsáid a bhaint as an nós imeachta práinne a lua san fhógra faoi ghníomhartha tarmligthe a thugtar do Pharlaimint na hEorpa agus don Chomhairle.

2. Féadfaidh Parlaimint na hEorpa nó an Chomhairle agóid a dhéanamh i gcoinne gníomh tarmligthe i gcomhréir leis an nós imeachta dá dtagraítear in Airteagal 27a(6). I gcás den sórt sin, déanfaidh an Coimisiún an gníomh tarmligthe a aisghairm láithreach tar éis do Pharlaimint na hEorpa nó don Chomhairle fógra a thabhairt don Choimisiún maidir leis an gcinneadh agóid a dhéanamh.

* IO L 123, 12; 5. 2016, lch. 1.";

(9) in Airteagal 28, scriostar mír 4, mír 5 agus mír 6;

(10) in Airteagal 32, scriostar mír 4.

167. Rialachán (CE) Uimh. 1069/2009 ó Pharlaimint na hEorpa agus ón gComhairle an 21 Deireadh Fómhair 2009 lena leagtar síos rialacha sláinte maidir le seachtháirgí ainmhithe agus táirgí díorthaithe nach bhfuil ceaptha mar bhia don duine agus lena n-aisghairtear Rialachán (CE) Uimh. 1774/2002 (Rialachán maidir le seachtháirgí ainmhithe)³¹

Chun cuspóirí Rialachán (CE) Uimh. 1069/2009, a bhaint amach, ba cheart an chumhacht chun gníomhartha a ghlacadh i gcomhréir le hAirteagal 290 den Chonradh a tharmligean chuig an gCoimisiún chun an Rialachán sin a fhorlíonadh maidir le:

- pointe deiridh sa slabhra monaraíochta;
- galair in-tarchurtha thromchúiseacha a chinneadh;
- na coinníollacha atá ceaptha chun leathadh galar atá teagmhálach don duine nó d'ainmhithe a chosc;
- na catagóirí chun dul chun cinn eolaíoch a chur san áireamh maidir le measúnú ar an leibhéal riosca;

³¹ IO L 300, 14.11.2009, lch. 1.

- seiceálaithe agus rialuithe ar úsáidí seachtháirgí ainmhithe agus táirgí díorthaithe agus coinníollacha i ndáil le beathú;
- maoluithe i dtaca le taighde agus críocha sonraithe eile;
- bearta áirithe i dtaca le bailiú, iompar agus diúscairt;
- malairt modhanna a údarú i ndáil le seachtháirgí ainmhithe nó táirgí díorthaithe a úsáid nó a dhiúscairt;
- bearta áirithe i dtaca le bailiú agus sainaithint;
- bearta áirithe i dtaca le catagóir agus iompar;
- bearta áirithe i dtaca le bailiú, iompar agus inrianaitheacht;
- bearta áirithe i dtaca le clárú agus formheas;
- seachtháirgí ainmhithe agus táirgí díorthaithe atá beartaithe mar bheatha d'ainmhithe saothraithe a chur ar an margadh;
- leasacháin orgánacha agus feabhsaitheoirí ithreach a chur ar an margadh;
- bearta áirithe i ndáil le táirgí díorthaithe eile;
- bearta áirithe i ndáil le táirgí allmhairithe agus táirgí ar idirthuras;
- cuspoirí maidir le honnmhairithe ábhair ó chatagóir 1, ábhair ó chatagóir 2 agus táirgí a dhíoraítear astu;
- rialuithe maidir le seoladh chuig Ballstáit eile.

Tá sé tábhachtach, go háirithe, go rachadh an Coimisiún i mbun comhairliúcháin iomchuí le linn a chuid oibre ullmhúcháin, lena n-áirítear ar leibhéal na saineolaithe, agus go ndéanfar na comhairliúcháin sin i gcomhréir leis na prionsabail a leagtar síos i gComhaontú Idirinstitiúideach **an 13 Aibreán 2016** maidir le Reachtóireacht Níos Fearr [...]. Go sonrach, chun rannpháirtíocht chomhionann in ullmhú na ngníomhartha tarmligthe a áirithiú, gheobhaidh Parlaimint na hEorpa agus an Chomhairle na doiciméid uile ag an am céanna leis na saineolaithe sna Ballstáit, agus beidh rochtain chórasach ag a gcuid saineolaithe ar chruinnithe ghrúpaí saineolaithe an Choimisiúin a bheidh ag déileáil le hullmhú na ngníomhartha tarmligthe.

Chun coinníollacha aonfhoirmeacha a áirithiú maidir le Rialachán (CE) Uimh. 1069/2009 a chur chun feidhme, ba cheart cumhachtaí cur chun feidhme a thabhairt don Choimisiún, i ndáil le doiciméadacht áirithe, paraiméadair don phróiseas monaraíochta agus riachtanais tástála is infheidhme maidir leis an táirge deiridh, múnlaí do dheimhnithe sláinte, doiciméid thráchtála agus dearbhuithe a bheidh le gabháil le coinsíneachtaí agus ina saineofar na coinníollacha faoinar féidir a lua gur bailíodh nó gur monaraíodh na seachtháirgí ainmhithe nó na táirgí díorthaithe lena mbaineann i gcomhréir le ceanglais an Rialacháin seo. Ba cheart na cumhachtaí sin a fheidhmiú i gcomhréir le Rialachán (AE) Uimh. 182/2011.

Dá réir sin, leasaítear Rialachán (CE) Uimh. 1069/2009 mar a leanas:

(1) Leasaítear Airteagal 5 mar a leanas:

(a) i mír 1, cuirtear an méid seo a leanas in ionad an ceathrú fomhír:

"Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 51a chun an críochphointe sa slabhra monaraíochta a leasú do na táirgí dá dtagraítear i bpointe (a) agus i bpointe(b) den tríú fomhír den mhír seo agus forbairtí eolaíocha agus teicniúla á gcur san áireamh.

Más rud é go n-éilítear amhlaidh ar mhórfhorais práinne, tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 51b chun an críochphointe sa slabhra monaraíochta a leasú do na táirgí dá dtagraítear i bpointe (a) agus i bpointe (b) den tríú fomhír den mhír seo agus forbairtí eolaíocha agus teicniúla á gcur san áireamh.";

(b) i mír 2, cuirtear an méid seo a leanas in ionad an tríú fomhír:

"Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 51a **lena bhforlíontar an Rialachán seo trí [...]** chríochphointe a shainaithint sa slabhra monaraíochta, ionas nach mbeidh táirgí díorthaithe dá dtagraítear sa mhír seo faoi réir riachtanais an Rialacháin seo, uaidh sin amach.";

(2) Leasaítear Airteagal 6 mar a leanas:

(a) i mír 1, cuirtear an méid seo a leanas in ionad an dara fomhír:

"Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 51a **lena bhforlíontar an Rialachán seo trí [...]** na bearta dá dtagraítear i bpointe (b)(ii) den chéad fhomhír **a leagan síos.**";

(b) i mír 2, cuirtear an méid seo a leanas in ionad an dara fomhír:

"Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 13a **lena bhforlíontar an Rialachán seo [...]** trí na bearta dá dtagraítear sa chéad fhomhír **a leagan síos.**";

(3) in Airteagal 7, cuirtear an méid seo a leanas in ionad mhír 4:

"4. Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 51a **lena bhforlíontar an Rialachán seo trí [...]** na bearta dá bhforáiltear i míreanna 2 agus 3 a leagan síos.";

- (4) in Airteagal 11, leasaítear mír 2 mar a leanas:
- (a) sa chéad fhomhír, cuirtear an méid seo a leanas in ionad na habairte tosaigh:
- "Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 51a **lena bhforlíontar an Rialachán seo trí** bhearta a leagadh síos maidir leis an méid seo a leanas:";
- (b) scriostar an dara fhomhír;
- (5) Leasaítear Airteagal 15 mar a leanas:
- (a) cuirtear an méid seo a leanas in ionad an teidil:
- "Cumhachtaí tarmligthe"**
- (b) leasaítear mír 1 mar a leanas:
- (i) sa chéad fhomhír, cuirtear an méid seo a leanas in ionad na habairte tosaigh:
- "Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 51a **lena bhforlíontar an Rialachán seo trí** bhearta a leagadh síos maidir leis an méid seo a leanas:";
- (ii) scriostar an dara fhomhír;
- (6) in Airteagal 17(2), cuirtear an méid seo a leanas in ionad an dara fhomhír:
- "Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 13a **lena bhforlíontar an Rialachán seo trí** na coinníollacha dá dtagraítear sa chéad fhomhír a leagadh síos.";
- (7) in Airteagal 18, leasaítear mír 3 mar a leanas:
- (a) sa chéad fhomhír, cuirtear an méid seo a leanas in ionad na habairte tosaigh:
- "Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 51a **lena bhforlíontar an Rialachán seo trí** bhearta a leagadh síos maidir leis an méid seo a leanas:";
- (b) scriostar an dara fhomhír;
- (8) in Airteagal 19, leasaítear mír 4 mar a leanas:
- (a) sa chéad fhomhír, cuirtear an méid seo a leanas in ionad na habairte tosaigh:
- "Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 51a **lena bhforlíontar an Rialachán seo trí** bhearta a leagadh síos maidir leis an méid seo a leanas:";
- (b) scriostar an dara fhomhír.

(9) in Airteagal 20, leasaítear mír 11 mar a leanas:

(a) sa chéad fhomhír, cuirtear an méid seo a leanas in ionad na habairte tosaigh:

"Tar éis tuairim an Údaráis Eorpaigh um Shábháilteacht Bia (ÚESB) a fháil, tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 51a **lena bhforlíontar an Rialachán seo tríd an méid seo a leanas a leagan síos [...]**";

(b) scriostar an dara fhomhír;

(10) in Airteagal 21, leasaítear mír 6 mar a leanas:

(a) sa chéad fhomhír, cuirtear an méid seo a leanas in ionad na habairte tosaigh:

"Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 51a **lena bhforlíontar an Rialachán seo trí bhearta a leagadh síos maidir leis an méid seo a leanas:**";

(b) scriostar an dara fhomhír;

(11) leasaítear Airteagal 27 mar a leanas:

(a) cuirtear an méid seo a leanas in ionad theideal Airteagal 27:

"Cumhachtaí tarmligthe";

(b) sa chéad fhomhír, cuirtear an méid seo a leanas in ionad na habairte tosaigh:

"Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 51a **lena bhforlíontar an Rialachán seo trí na bearta seo a leanas a bhaineann leis an Roinn seo agus le Roinn 1 den Chaibidil seo a leagan síos [...]**";

(c) scriostar an dara fhomhír;

(12) in Airteagal 31, cuirtear an méid seo a leanas in ionad mhír 2:

"2. Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 51a **lena bhforlíontar an Rialachán seo trí [...] bhearta a leagan síos a bhaineann le coinníollacha maidir le sláinte an phobail agus sláine ainmhithe do bhailiú, próiseáil agus cóireáil seachtháirgí ainmhithe agus táirgí díorthaithe dá dtagraítear i mír 1.**";

(13) in Airteagal 32, leasaítear mír 3 mar a leanas:

(a) sa chéad fhomhír, cuirtear an méid seo a leanas in ionad na habairte tosaigh:

"Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 51a **lena bhforlíontar an Rialachán seo trí bhearta a leagadh síos maidir leis an méid seo a leanas:**";

(b) scriostar an dara fhomhír;

(14) cuirtear an méid seo a leanas in ionad Airteagal 40:

"Airteagal 40

Cumhachtaí tarmligthe agus cur chun feidhme

1. "Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 51a **lena bhforlíontar an Rialachán seo trí na coinníollacha a leagan síos [...]** maidir leis an méid seo a leanas:

(a) maidir le bia peataí allmhairithe nó bia peataí a tháirgtear ó ábhair allmharaithe, ó ábhar Chatagóir 1 dá dtagraítear in Airteagal 8(c) a chur ar an margadh;

(b) maidir le hábhar a fhoinsiú agus a bhogadh go sábháilte a úsáidfear faoi choinníollacha lena ndéanfar rioscaí don tsláinte phoiblí agus do shláine ainmhithe a eisiamh;

(c) táirgí díorthaithe a d'fhéadfadh an tsláinte phoiblí nó sláinte ainmhithe a chur i mbaoil a úsáid ar shlí shábháilte.

2. Déanfaidh an Coimisiún gníomhartha cur chun feidhme a ghlacadh maidir leis an méid seo a leanas:

(a) doiciméadacht dá dtagraítear sa chéad fhomhír d'Airteagal 37(2);

(b) paraiméadair don phróiseas monaraíochta dá dtagraítear sa chéad mhír d'Airteagal 38, go háirithe maidir le cóireálacha fisiceacha nó ceimiceacha a chur i bhfeidhm ar an ábhar a úsáidtear;

(c) ceanglais tástála is infheidhme maidir leis an táirge deiridh.

Déanfar na gníomhartha cur chun feidhme sin a ghlacadh i gcomhréir leis an nós imeachta dá dtagraítear in Airteagal 52(3).";

(15) leasaítear Airteagal 41 mar a leanas:

(a) i mír 1, cuirtear an méid seo a leanas in ionad an dara fomhír:

"Déanfaidh an Coimisiún gníomhartha tarmligthe a ghlacadh lena leagtar síos na coinníollacha dá dtagraítear i bpointe (b) den chéad fhomhír. Déanfar na gníomhartha cur chun feidhme sin a ghlacadh i gcomhréir leis an nós imeachta dá dtagraítear in Airteagal 52(3).";

(b) i mír 3, cuirtear an méid seo a leanas in ionad an tríú fomhír:

"Déanfaidh an Coimisiún gníomhartha tarmligthe a ghlacadh lena leagtar síos na riachtanais dá bhforáiltear sa chéad fhomhír. Déanfar na gníomhartha cur chun feidhme sin a ghlacadh i gcomhréir leis an nós imeachta dá dtagraítear in Airteagal 52(3).";

(16) leasaítear Airteagal 42 mar a leanas:

(a) cuirtear an méid seo a leanas in ionad an teidil:

"Cumhachtaí tarmligthe agus cur chun feidhme";

(b) cuirtear an méid seo a leanas in ionad mhír 2:

"2. "Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 51a **lena bhforlíontar an Rialachán seo tríd** an méid seo a leanas a leagan síos:

(a) coinníollacha chun ábhair Chatagóir 1 agus ábhair Chatagóir 2 agus táirgí a dhíorthaítear astu sin a allmhairiú agus a chur in idirthuras;

(b) srianta maidir leis an tsláinte phoiblí nó le sláinte ainmhithe is infheidhme maidir le hábhar Chatagóir 3 nó le táirgí a dhíorthaítear as sin a fhéadfar a leagan síos trí thagairt do liostaí de thríú tíortha nó de chodanna de thríú tíortha arna dtarraingt suas i gcomhréir le hAirteagal 41(4) nó chun críocha eile maidir leis an tsláinte phoiblí nó le sláinte ainmhithe;

(c) coinníollacha chun seachtháirgí ainmhithe nó táirgí díorthaithe a mhonarú i mbunaíochtaí nó i ngléasraí i dtríú tíortha; féadfaidh na socraithe don rialú a dhéanann na húdaráis inniúla lena mbaineann ar bhunaíochtaí nó ar ghléasraí den sórt sin a bheith san áireamh i gcoinníollacha den sórt sin agus féadfar cineálacha bunaíochtaí nó gléasraí áirithe ina láimhseáiltear seachtháirgí ainmhithe nó táirgí díorthaithe a dhíolmhú ó cheadú nó ó chlárú dá dtagraítear i bpointe (b) den dara fomhír d'Airteagal 41(3).

Déanfaidh an Coimisiún gníomhartha tarmligthe a ghlacadh lena mbunaítear múnlaí do dheimhnithe sláinte, doiciméid thráchtála agus dearbhuithe a bheidh le gabháil le coinsíneachtaí agus ina saineofar na coinníollacha faoinar féidir a lua gur bailíodh nó gur monaraíodh na seachtháirgí ainmhithe nó na táirgí díorthaithe lena mbaineann i gcomhréir le ceanglais an Rialacháin seo. Déanfar na gníomhartha cur chun feidhme sin a ghlacadh i gcomhréir leis an nós imeachta dá dtagraítear in Airteagal 52(3).";

(17) in Airteagal 43(3), cuirtear an méid seo a leanas in ionad an dara fomhír:

"Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 51a **lena bhforlíontar an Rialachán seo trí [...]** na coinníollacha dá dtagraítear sa chéad fhomhír a leagan síos.";

(18) in Airteagal 45, cuirtear an méid seo a leanas in ionad mhír 4:

"4. Féadfaidh an Coimisiún gníomhartha tarmligthe a ghlacadh lena leagtar síos socrúithe mionsonraithe chun an tAirteagal seo a chur chun feidhme, lean n-áirítear rialacha maidir leis na modhanna tagartha le haghaidh anailísí micribhitheolaíocha. Déanfar na gníomhartha cur chun feidhme sin a ghlacadh i gcomhréir leis an nós imeachta dá dtagraítear in Airteagal 52(3).";

(19) in Airteagal 48, cuirtear an méid seo a leanas in ionad mhír 7 agus mhír 8:

"7. "Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 51a **lena bhforlíontar an Rialachán seo tríd** an méid seo a leanas a leagan síos:

(a) tréimhse shonraithe ama do chinneadh an údaráis inniúil dá dtagraítear i mír 1;

(b) coinníollacha forlíontacha chun seachtháirgí ainmhithe nó táirgí díorthaithe dá dtagraítear i mír 4 a sheoladh;

(c) múnlaí do na deimhnithe sláinte a chaithfidh a bheith ag gabháil le coinsíneachtaí a sheolfar i gcomhréir le mír 5.

Déanfaidh an Coimisiún gníomhartha tarmligthe a ghlacadh lena leagtar síos na coinníollacha faoinar féidir seachtháirgí ainmhithe agus táirgí díorthaithe a úsáid do thaispeántais, ghníomhaíochtaí ealaíonta agus chun críocha fáthmheasa oideachais nó taighde a chur go dtí Ballstáit eile, de mhaolú ar mhír 1 go mír 5 den Airteagal seo. Déanfar na gníomhartha cur chun feidhme sin a ghlacadh i gcomhréir leis an nós imeachta dá dtagraítear in Airteagal 52(3).

8. Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 51a **lena bhforlíontar an Rialachán seo trí** na coinníollacha a shonrú faoina bhféadfaidh na húdaráis inniúla maoluithe a cheadú ó mhíreanna 1 go 4 maidir leis an méid seo a leanas:

(a) seoladh aoiligh arna iompar idir dhá phointe ar an bhfeirm chéanna nó idir feirmeacha a bheidh suite i réigiúin teorann Ballstát a bhfuil teorainn choiteann acu;

(b) seoladh seachtháirgí eile ainmhithe arna iompar idir bunaíochtaí nó gléasraí suite i réigiúin teorann Ballstát a bhfuil teorainn choiteann acu; agus

(c) iompar ainmhí marbh peata chun loiscithe go dtí bunaíocht nó gléasra atá suite i réigiún teorann Ballstáit eile a bhfuil teorainn choiteann aige. ”;

(20) cuirtear an tAirteagal 51a agus an tAirteagal 53b seo a leanas isteach:

"Airteagal 51a

An tarmligeán a fheidhmiú

1. Is faoi réir na gcoinníollacha a leagtar síos san Airteagal seo a thugtar an chumhacht don Choimisiún chun gníomhartha tarmligthe a ghlacadh.
2. Déanfar an chumhacht chun gníomhartha tarmligthe a ghlacadh dá dtagraítear in Airteagal 5(1) agus (2), Airteagal 6(1) agus (2), Airteagal 7(4), Airteagal 11(2), Airteagal 15(1), Airteagal 17(2), Airteagal 18(3), Airteagal 19(4), Airteagal 20(11), Airteagal 21(6), Airteagal 27, Airteagal 31(2), Airteagal 32(3), Airteagal 40(1), an chéad fhomhír d'Airteagal 42(2), Airteagal 43(3), an chéad fhomhír de mhír 7 agus mír 8 d'Airteagal 48, déanfar í a thabhairt don Choimisiún go ceann **tréimhse cúig bliana amhail [...] ón [dáta theacht i bhfeidhm an Rialacháin seo [...]]. Déanfaidh an Coimisiún, tráth nach déanaí ná naoi mí roimh dheireadh na tréimhse cúig bliana, tuarascáil a tharraingt suas maidir le tarmligeán na cumhachta. Déanfar tarmligeán na cumhachta a fhadú go hintuigthe go ceann tréimhsí comhfhaid, mura rud é go gcuireann Parlaimint na hEorpa nó an Chomhairle in aghaidh an fhadaithe sin tráth nach déanaí ná trí mhí roimh dheireadh gach tréimhse.**
- 3 Féadfaidh Parlaimint na hEorpa nó an Chomhairle tarmligeán na cumhachta dá dtagraítear in Airteagal 5(1) agus (2), Airteagal 6(1) agus (2), Airteagal 7(4), Airteagal 11(2), Airteagal 15(1), Airteagal 17(2), Airteagal 18(3), Airteagal 19(4), Airteagal 20(11), Airteagal 21(6), Airteagal 27, Airteagal 31(2) agus Airteagal 23(3), Airteagal 40(1) an chéad fhomhír d'Airteagal 42(2), Airteagal 43(3), an chéad fhomhír de mhír 7 agus mír 8 d'Airteagal 48, féadfaidh siad é a chúlghairm tráth ar bith. Déanfaidh cinneadh chun cúlghairm a dhéanamh deireadh a chur le tarmligeán na cumhachta atá sonraithe sa chinneadh sin. Gabhfaidh éifeacht leis an lá tar éis fhoilsiú an chinnidh in *Iris Oifigiúil an Aontais Eorpaigh* nó ar dháta is déanaí a shonrófar sa chinneadh. Ní dhéanfaidh sé difear do bhailíocht aon ghníomhartha tarmligthe atá i bhfeidhm cheana.

4. Roimh dó gníomh tarmligthe a ghlacadh, rachaidh an Coimisiún i mbun comhairliúchán le saineolaithe arna n-ainmniú ag gach Ballstát i gcomhréir leis na prionsabail a leagtar síos i gComhaontú Idirinstitiúideach **an 13 Aibreán 2016** maidir le Reachtóireacht Níos Fearr [...]*.
5. A luaithe a ghlacfaidh sé gníomh tarmligthe, tabharfaidh an Coimisiún fógra, an tráth céanna, do Pharlaimint na hEorpa agus don Chomhairle faoi.
6. Maidir le gníomh tarmligthe arna ghlacadh de bhun in Airteagal 5(1) agus (2), Airteagal 6(1) agus (2), Airteagal 7(4), Airteagal 11(2), Airteagal 15(1), Airteagal 17(2), Airteagal 18(3), Airteagal 19(4), Airteagal 20(11), Airteagal 21(6), Airteagal 27, Airteagal 31(2), Airteagal 32(3), Airteagal 40(1), an chéad fhomhír d'Airteagal 42(2), Airteagal 43(3), an chéad fhomhír de mhír 7 agus mír 8 d'Airteagal 48, ní thiocfaidh sé i bhfeidhm ach i gcás nach ndéanann Parlaimint na Eorpa nó an Chomhairle agóid ina choinne laistigh de dhá mhí ó fhógra a thabhairt do Pharlaimint na hEorpa agus don Chomhairle faoin ngníomh sin, nó más rud é, roimh dhul in éag don tréimhse sin, go bhfuil fógra tugtha ag Parlaimint na hEorpa agus ag an gComhairle araon nach ndéanfaidh siad agóid ina choinne. Déanfar an tréimhse sin a fhadú dhá mhí ar thionscnamh Pharlaimint na hEorpa nó na Comhairle.

Airteagal 51b

An nós imeachta práinne

1. Tiocfaidh gníomhartha tarmligthe a ghlactar faoin Airteagal seo i bhfeidhm gan mhoill agus beidh feidhm acu ar choinníoll nach ndéanfar agóid i gcomhréir le mír 2. Déanfar na cúiseanna le húsáid a bhaint as an nós imeachta práinne a lua san fhógra faoi ghníomhartha tarmligthe a thugtar do Pharlaimint na hEorpa agus don Chomhairle.
2. Féadfaidh Parlaimint na hEorpa nó an Chomhairle agóid a dhéanamh i gcoinne gníomh tarmligthe i gcomhréir leis an nós imeachta dá dtagraítear in Airteagal 51a(6). I gcás den sórt sin, déanfaidh an Coimisiún an gníomh tarmligthe a aisghairm láithreach tar éis do Pharlaimint na hEorpa nó don Chomhairle fógra a thabhairt don Choimisiún maidir leis an gcinneadh agóid a dhéanamh."

* IO L 123, 12.5.2016, lch. 1.";

(21) in Airteagal 52, scriostar mír 4, mír 5 agus mír 6.